



BIBLIO THECA  
UNIV. JAGELL.  
CRACOVENSIS

kat.komp

36364



Mod. St. Dr.

P



*Teol. 3485.*




36364

I


XXIV. 2. 18

XI. d. 28.











ADMIRANDA  
LUTHERI  
TRIBUS EXPOSITA  
TRACTATIBUS.  
IN PRIMO

Exponuntur & discutiuntur aliqua dicta & facta, Lutherum concernentia, quæ ab ejus Affeclis, inter Admiranda reponi Solent.

IN SECUNDO

Exponuntur verè Admiranda Lutheri mendacia, atque Convicia lata in SS. Patres, Sacra Concilia, S. Moysen, & libros Scripturæ Sacræ. Itèm Admiranda ejus superbia, & maledicentia.

IN TERTIO

Tractatu demum, admirandi errores contenti tum in Lutheri Doctrina, tum in ejusdem Doctrinæ Confirmatione, tum in datis ab eo variorum Casuum Resolutionibus, exponuntur.

AUTHORE

PATRE GEORGIO GENGELL

Societatis JESU Theologo.

PRAGÆ, Typis Universit. Carolo-Ferdinandæ, in Collegio Soc. JESU ad S. Clem. per Joachimum Joannem Kamenicky Factorem, Anno 1714.

*Ad hunc Tomum Accessit Societatis JESU infanti Antonio 27 / 1714*





S. Augustinus lib. 3.  
contra Julianum Pelagia-  
num, cap. 3. *Mira sunt quæ  
dicitis, o Pelagiani (o Lu-  
therani de Luthero, ipse-  
que Lutherus) nova sunt,  
quæ dicitis : falsa sunt, quæ  
dicitis : mira stupemus, nova  
cavemus, falsa convincimus.*





ILLUSTRISSIMO  
 ET  
 EXCELLENTISSIMO  
 DOMINO DOMINO  
 PETRO IN KCZEWO  
 KCZEWSKI  
 PALATINO MARIÆBURGENSI,  
 KISZPORENSI, STANISLAVOVIENSI, STRA-  
 SZOVIENSI, STAROGARDENSI &c.  
 CAPITANEO.  
 DOMINO ET PATRONO  
 FAVENTISSIMO.



*Admiranda Lutheri, scilicet usque ad prodigi-  
 um fœda in Cœlites jacta convicia, immaniumque  
 errorum portenta, damnanda tenebris, in lucem  
 profero, ut extinguam. Inscribo emendata vitio-  
 rum*





rum monstra ILLUSTRISSIMO TUO NOMINI;  
 necesse enim est, ut videant sacula, quantum Orthodoxæ Fidei te-  
 nuacissimus amor, Cœlitum profunda veneratio, & semper illustria  
 Tuarum Virtutum sidera, noctes exhorreant ab hæresi Lutherana in-  
 ductas. Discant singuli, quod humeris etiam Tuis, Lechia sustinen-  
 tibus Fortunam, securius innitatur Pietatis augustæ pompa, quàm A-  
 tlantis dorso cœlum incubuit. Noverint universi, quod avitis Ceris,  
 tam Honoris, quàm Virtutis Templum illustraveris. Quidquid in Illu-  
 strissima PRZEBENDOWSCIORUM Prosapia (cui opes, Fortunamq;  
 suam concredidit Polonia) æstimamus; quidquid splendoris in Patria fide-  
 rum, Illustrissima CZAPSCIORUM Domo, terris cœloque affulget;  
 quidquid in Florentissima WEIERORUM stirpe vernat gloria, Tuum  
 est. Convolârunt Polona. Aquila ad manus Supremi Præsidis Cancellaria  
 Regni, & in paginas retulerunt, secuturisque ætatibus transmiserunt  
 innumera Generis Eruditionisque Tuae ornamenta. Non leve tunc  
 pretium à Tuo calamo acceperunt Regni folia, gemmeosque penna Tuae  
 sudores, pluris æstimavit Polonus Orbis, quàm despumantis aurei Pa-  
 Etoli procellas. Jam quis recenseat, quomodo Sarmatia Proceres, i-  
 psæque Majestas Polona, ab Ore Tuo pendeabant, cum Referendarium  
 Regni ageres? Catenam è divite metallo Hercules Gallicus formave-  
 rit, aversas populorum aures, invitæque tracturus corda: Tu eloquiò  
 plus quàm aureò facile obsequentes rapuisti animos. Licet verò ex-  
 ætius referres dicenda Principi, & Reipublicæ, nihilominus contra le-  
 ges impositi muneris gravius deliquisti, quod Tua præclara Acta, silen-  
 tiò præterires, omnium elogiis celebranda. Verùm etiam tacendo,  
 pro se magna perorant Virtutes, abdentium se profundo, gemmarum  
 pretium non reticent æquora, excitatis veluti in applausum fluctibus:  
 invictam Herois manum, sonitus ferri prodit: taciturnum alio-  
 qui aurum, publica æstimatio commendat. Non secus modestia  
 Tua,



Tua, vocale exstitit clasticum immortalium operum Tuorum, implevitque omnium aures Tui Nominis fama. Fortunatius Tua consulturus Verecundia SERENISSIMUS POTENTISSIMUS REX AUGUSTUS II. (qui magnas Civium Reipublice Virtutes paribus coronat premiis) Mariaburgensis Palatinatus obtulit Purpuram. Vix Trabeam indueras, cum subito moerorem deponere incoeperunt, Opibus spoliata, variis lacerata cladibus Provincia. Satisne istud? Regni Poloniarum Senator, muneris Tui esse, non dubitas, perinde Lechica atque Catholica rei utilibus consiliis mentem curasque impendere. Non Te latet, quod suam non amittant venustatem, Procerum purpura, siue impallescent evolvendis voluminibus, Regnorum felicitatem & infortunia Patrie sancita, bellorum eventus edocentibus, siue fastis avita Religionis dant operam. O Prussia, Sarmatiaeque Procerum Gemmam, quam Balthidi gemmeus Hydaspes, atque tumidum coralliis Erythraum pelagus meritò invideat! Jam aequitati plus quam aurea, qualis Te Supremum Poloni Areopagi Praesidem insignierat, potuitne unquam par invenire pondus Regni Astraea? Nonne Te Supremo legum Arbitro, pretiosum nefas corrupta Judicium justitia suum etiam vocabulum amiserat? Ibit in longas aetates, quod Honoris Tui Scipione, ita suffulseris Polonia Themidem, ut nunquam prolapsa fuerit. Tantus cum esses, quidni AUGUSTO II. REGI POLONIARUM POTENTISSIMO placeres? quidni Principum Optimus in Cordis regiam Te admitteret? qui è consuetudine bonitatis suae, Optimos Cives tantà prosequitur benevolentia, quam forsitan nec votò concipere audebant. Appellanti Te plerique Ephestionem Alexandri Poloni, & ipsemet livor emeritum non improbat Titulum. Neque istud in ultimis laudum reponendum est, quod & sanguinis, & perennium decorum connubio adlegeris Tibi Illustrissimam MARIANNAM, suis adeptam virtutibus, nè





Roma tantum Lucretias & Cornelias pareret. Nec mirum, cum  
genita sit ex Illustrissimo JOANNE KOS Palatino Culmensi, sum-  
mis virtutibus & natura dotibus conspicuo, cui similes non nisi raro  
& faventissima Regnis atas, conferre solet. Adhuc, illam, nascendi  
felicitas, affusa Divorum Aris pietas, acclinis miserorum indigentia  
manificentia, luculenter probant, quidquid sub probitatis venit nomine,  
adhuc cum lacte suxisse ex Illustrissima Parente sua MARIANNA Pala-  
tina Culmensi aequè conspicuo Senatorio de WOLFFIIS ortu, atque conju-  
gialibus KOSSORUM tradis inclita; cui par Elogium subito non reperient  
ingenia. Ob innatam sibi prudentiam, assiduum ferè Numinis cultum,  
recti studium, benevolentiam liberalitatèque insignem in Minimam  
Societatem JESU, vitæque Sanctimoniam non vulgare encomium sibi  
vendicat, nimirum: quòd Polonorum Bona, si illi conferantur, neque  
suum retineant nomen. Eodem felici nexu avite Stirpi Tua illigasti,  
natura, fortuna, cælique decora, quacunque non nisi exornant Illustrissi-  
mum & Reverendissimum JOSEPHUM KOS, nuper Livonia  
Palatinum, hodie Culmensi Insula destinatum Prasulem: Prasulem  
inquam, Orbi extero longa sui desideria relicturum. Quamvis Astro-  
rum Princeps illucescat terris absque ullo siderum comitatu, nimirum ex se  
nactus pompâ: nihilominus remotioribus terris exoriturus SERENISSI-  
MUS POLONIÆ & SAXONIÆ PRINCEPS FRIDERICUS AU-  
GUSTUS Gentium delicia longumq; populorum Votum eum sibi adjungere co-  
mitem voluit. Acceperunt Imperii Aquila non minùs gestiente vultu  
clarissimum utriusque Senatûs Lechici Astrum, quàm ubi solem intu-  
entur. Amârunt Pectoris Prasulei illibatum candorem Francia Lilia;  
magnanimitatem Leo Venetus: eruditionem, vitæ integritatem, omnia,  
in sacerrimo Sapientissimòq; Antistite vicina Deo Majestas CLEMENS  
XI. laudavit. Verbo: non exigua Patriæ ornamenta è KOSSORUM flu-  
viis, tanquam ex aureo Hermo in Te redundant Illustrissime Palatine,  
licet





licet ipſemet Tibi, & Polono Orbi, ampliſſimum ſis Decus. *Æſtima*  
Te igitur Procerum Illuſtriſſime, atque ſublimioribus infer Curulibus,  
dignitatibus impertire, Orbemque imple Tuorum rectè factorum admi-  
ratione. Iſtud voveo: cùm nihil non magnum Tibi apprecari conve-  
niat Minimæ Societatis nomine, magnis favoribus & beneficiis Tuis  
cumulate. Evexiſti ſupra multarum faſtigia Athenarum, Lycea no-  
ſtra Gedanenſia, poſtquam maxima Spei Filium, JOANNEM, JOSE-  
PHUM, IGNATIUM, AUGUSTUM, quadruplici nomine inſi-  
gnitum, & non niſi ad ſumma natum, iisdem commiſiſti erudiendum.  
Illuſtriſſimæ Proſapia, Virtutumque Hæredi perpetuò inſtillamus, quod  
olim Vates Statius cecinit: Aliis Decii reducẽſque Camilli monſtrentur,  
TU DISCE PATREM. Relucentem in eo Magni Parentis Genium co-  
limus, amorem literarum laudamus, comitatem, gravitatẽque mo-  
rum, quibus annos prævenit, admiramur. Conſervent diutiùs Superi  
carum terris & cœlo pignus, totãque Illuſtriſſimam Domum Tuam,  
etiã in Illuſtriſſimo ANDREA KCZEWSKI Succamerario Pome-  
rania, Macenate Gedanenſis Collegii inſchylto, ac Patrono, ſortitam gran-  
dius Elogium, ſcilicet: quod à Recti limitibus non recedat: conſervent  
inquam Reipublica commodis, & Honoribus, Societatiſque gratitudini,  
quam hujus Operis inſcribo fronti

ILLUSTRISSIMO NOMINI  
TUO

*Devotiſſimus*

GEORGIUS GENGELL  
Societatis Jeſu.



# FACULTAS

R. P. Præpositi Provincialis Societatis Jesu per Poloniam.



um Opus, quod inscribitur *Admiranda Lutheri*, à P. Georgio Gengell Societatis JESU Theologo conscriptum, aliquot ejusdem Societatis Theologi recognoverint, & in lucem edi posse probaverint, potestate mihi facta ab Admodum R. P. Nostro Michaële Angelo Tamburino Societatis Nostræ Præposito Generali, facultatem concedo, ut Typis mandetur, si iis, ad quos pertinet, ità videbitur. Cujus rei gratiâ, has literas, manu mea firmatas, Sigillóque munitas dedi. Thorunii  
Die 23. Januarii Anno 1714.

L.S.

Raphaël Taczanowski.

PRO-





# PROLOGUS.

**P**otentissimum & amplissimum Regnum  
 Poloniæ, ex quo nomen Christo dedit, an-  
 no 965. nullum unquam habuit sui Prin-  
 cipem, vel Regem, à Fide Orthodoxa  
 alienum; quæ Prærogativa cæteris denegata Re-  
 gnis. Nam (ut scribit Thomas Bozius de signis  
 Ecclesiæ DEI lib. 8. cap. 2.) inter Hungaricos Re-  
 ges, Ladislaus Chunnus à verò Christi cultu de-  
 fecit: inter Bohemicos, Georgius Podiebradius: in  
 Hispania, & Lusitania à principio Visigotho-Aria-  
 ni regnârunt: in Gallia Chilpericus Sabellianus fu-  
 it: Romani Christiani Imperatores quidam Hæreti-  
 ci, vel Schismatici. Angli, Sveci, Dani cum  
 Regibus suis in Calvinismum, vel Lutheranismum  
 prolapsi: Soli Principes, & Reges Poloniæ, semper  
 fuere Catholici: Imò à multo tempore, Regnum hoc,  
 in Illustrissimo & numerosissimo Senatorum Ordine,  
 nullum patitur heterodoxum: Quia tamen ex vigin-  
 ti partibus Prænobilis Ordinis Equestris, è Classe  
 item Civitatis, & plebis ferè vigesima pars,  
b
hæresi,



hæresi, vel schismate infecta est: insuper, quia in turbulento hodierno Regni statu, aliunde huc non exiguus numerus Bellatorum, quibus Lutherus vel Calvinus in pretio & corde est, confluere solet, Quæstionibûsque variis laceffere Catholicos; operæ pretium duxi, Admiranda Lutheri (brevis post & Admiranda Zvinglii & Calvini; nec non Jansenismi) publicæ Luci exponere: quatenus Catholici in Fide Sancta magis roborentur, & in promptu habeant Clypeos, ad retundendos impetus hostium, telâque eos feriendi; secutus Consilium San. Augustini sva-  
dentis & optantis lib. 1. de Trinit. cap. 3. ut ubi Hæreses sunt, quicunque aliqua scribendi facultate præditi sunt, scribant omnes, licet eadem, aliis verbis fortasse scripturi; cum non omnia, quæ ab omnibus conscribuntur, in omnium manus veniant. Nec deterruit me à scribendo; quod alii Longè melius similia, & copiosius etiam, tractaverint. *Non enim omnia* (utor verbis Beati Hildeberti in Epistola ad Henricum 1. Regem Angliæ) *contemnenda sunt; quibus multa reperiuntur meliora: ex aqua plures quam ex mulso sitis ardorem extinxisse invenies.* Porro noveris LECTOR BBNEVOLE, ex sedulò à me lectis vastis Voluminibus ipsiusmet Lutheri, ejus Textus in hoc Libro positos, esse desumptos, quorum multos, non diffiteor adeò inhonestos esse & conviciis execrandis refertos; ut honesta, & Sancta audire assvetis, ipsa lectione sua, vel auditione, horrorem quendam, & ruborem incutiant; eos tamen propalari censui expedire; ut veræ sanæque



næque doctrinæ Alumni Catholici ; à placitis pravis Lutheri eò fortius arceantur, ac repellantur ; majorique rubore (utinam ad pœnitentiam !) suffundantur Novatores, qui tantorum conviciorum & turpiloquiorum auctorem, Catholicæ Fidei fuisse Reformatorem, Antiquæ Apostolicæ Restauratorem, Virumque eximiè Sanctum & probum prædicare non verentur. Colloquia-symposiaca, seu Mensalia, quæ sæpè à me citantur, non quidem Lutherus ipsemet conscripsit : contenta tamen eorum, *ex Sancto Lutheri Ore*loquentis, ut scribit Aurifaber, annotârunt amicissimi ejus Discipuli & Prædicantes novem ; inter quos fuit ipsemet Joannes Aurifaber, qui à viventis Lutheri latere vix unquam discessit : is, grande illud Volumen Colloquiorum, decem Nobilissimis Imperii Civitatibus, Lutheri Hæresi infectis dedicavit : & in Præfatione sua dedicatoria, postquam appellâset Lutherum, summum Germaniæ Illuminatorem : Verum Moysen & Aaronem Germanorum, ex Ægypto deducendorum, verumque Orbis Prophetam, subjicit : *Salvâ conscientiâ non potui amplius tantum thesaurum Colloquiorum Mensalium celare ; & velut pretiosum tantulum sudario involutum, abscondere : quare operam dedi, ut quàm primùm imprimerentur, impressitque, Ecclesia, (Lutherana) salubriter & salutariter, tanquam micis, de Mensa Lutheri delapsis, uteretur, famemque & sitim spiritualem hisce sedaret.* Hinc patet, quanto in pretio Liber Colloquiorum à Lutheri Affeclis habeatur, & haberi debeat.





Scio equidem à Lutheranis iis, qui plurimùm in-  
durati sunt, Librum hunc à me conscriptum ægerri-  
mè ferendum; & maledicta etiam horrenda, in me  
congerenda esse: Sed *Licèt hydra sibilet* (verbis utor  
Sancti Hieronymi in Prologo Libri Eisdre) *nunquam*  
*meum juvante Christo, silebit eloquium, eventilent apices,*  
*litteras calumnientur: magis vestra Charitate provocabor*  
*ad studium scribendi,* (Orthodoxos alloquor; simpli-  
citate itèm, nec non aliqua fallentis astutiæ calliditate  
deceptos, non autem studiò & malitiâ errantes Hetero-  
doxos) *quàm illorum detractiōe & odiō, deterrebtor.*  
Hæcque scribens, & illa maledicta prævidens, *Aspi-*  
*cio in Auctorem Fidei, & Consummatorem JESUM. ad*  
*Hæbros 12. Qui cùm malediceretur, non maledicebat:*  
*1. Petri 2. dicebátque Discipulis suis. Lucæ 6. Bene-*  
*dicite maledicentibus vobis, & Orate pro calumniantibus*  
*Vos. - & erit merces vestra multa; & eritis*  
*Filii Altissimi.*



TRA-





# TRACTATUS PRIMUS.

Exponuntur & discutuntur aliqua dicta & facta, Lutherum concernentia, quæ ab ejus asseclis, inter admiranda reponi solent.

## CAPUT I.



Sfæro primo Prophetia Joannis Huss, quæ de Luthero esse facta, circumfertur: & inter Admiranda, à Lutheranis reponitur, est fictitia.

**A**Ntequam id probem. Præmitto. Quòd Lutherus in sua Glossa, super Edictum Cæsareum, scribit verbis his. Sanctus Joannes Hussus de me vaticinatus est, cùm scriberet ex carcere ad Bohemos: Hodie assabunt anserem (nam Huss anserem, in lingua Bohemica, significat) Post centum verò annos, audient canentem Cygnum, hunc ferant, necesse erit. Hanc Prophetiam Valtherus, Prædicans Saxonicus, reposuit etiam in libro suo, cui

A

titu-

*Hussi prophetia de Luthero, qua circumfertur fictitia est.*



2 *Tractatûs 1. cap. 1. & 2. An & quæ de Luthero*

titulus: Prophetiæ Doctoris Martini Lutheri, edito anno 1573.

Item Fridericus Balduinus, Olsnicensis Superintendens, & Vitebergensis Theologus; ac Doctor, ibidemque Professor, & Theologici Senatûs Exdecanus, in suo Hyperaspista Lutheri, paginâ 5. dicit: *Lutherum, ante duo ferme sæcula, veritatis Evangelicæ Restauratorem, & tantùm non Germaniæ Evangelistam, prædixerat Martyr Constantissimus Joannes Hussus.* Similia scripserunt alii Prædicantes Lutherani. Hoc præmissio.

Assertio nostra Probatur. Quia per annos 102. tot enim fluxerunt à morte Hussi, ad annum 1517. à quo anno, Lutherani, sui evangelii quinti, sæcularem annum numerârunt, nullus Auctor ostensus est, nec ostendi verè potest, nec ullus liber, in quo mentio aliqua habeatur hujus prædictionis: cùm tamen de vita, gestis, & dictis Hussi, etiam longè minoris momenti, tot Libri, per illos annos conscripti sint, & habeantur. Cùm ergo hæc prædictio careat congruæ Antiquitatis, & Auctoritatis testimoniô; meritò fictitia esse censetur. Celebre, & veritati consonum est illud Card: Baronii effatum: *Quod à Recentiore Auctore de rebus antiquis, sinè alicujus vetustioris Auctoritate, proferitur, contemnitur.* Quidni pariter contemnatur, illud quod Lutherus, & ejus Prædicantes, sinè ullius vetustioris Auctoritate proferunt, de Prophetia Hussi? potiùsque dicatur, illa ab aliquo Prædicante, ad conciliandam aliquam gloriam Luthero, vel ab ipsomet Luthero superbissimo, & vanæ gloriæ cupidissimo conficta esse? Maximè cùm sciatur aliunde, Lutherum, falsificationis & mendaciorum toties esse convictum: Documenta hujus ipsius ex innumeris ferè, & præter infrâ in Tractatu secundo capite primo enumeranda, innuo hæc: S. Paulus ad Rom: 3. vers. 20. scribit: *Arbitramur justificari hominem per fidem.* Lutherus addit: *solam:* quasi dicat

*Lutherus  
Falsifica-  
tor Scri-  
ptura Sa-  
cræ.*



dicat Apostolus : Sola Fide, finè ullis operibus justificamur. Cùmque Amicus quidam hoc ei objiceret: Respondit (cùt est Tomo 4. operum German: Luther: Vitebergæ excusorum anno 1551. fol: 475.) ità: *Doct̃or Martinus Lutherus vult sic habere, & dicit, Papistam & asinum, rem esse unam: sic volo, sic jubeo, sit pro ratione voluntas. Nolumus enim Papistarum Scholares esse, sed Judices. Lutherus ità vult, & ait se Doct̃orem super omnes Doct̃ores totius Papatûs. Falsificavit itẽm S. Petri textum. in illo enim 2. Petri 1. Magis satagite, ut per bona opera, certam vestram vocationem & electionem faciatis: dempsit ly per bona opera.* Si Lutherus ausus est falsificare Scripturam Sacram, ut suam erroneam doctrinam de Justificatione stabiliret. Quidni saltẽm probabile est, & illam Prophetiam ab ipso esse confictam, ad gloriam aucupandam? Accedit. Quodd( ùt refert Joannes Cochlæus, Decanus Francofordiensis, Vir magnæ pietatis & doctrinæ, in Actis Lutheri anni 1523.) à Quodam notata sunt in uno Lutheri libro mendacia quinquaginta, & à Joan: Dietembergio in duabus duntaxat Confutationibus, convictus fuit mendaciorum 874. Lutherus.

## C A P U T II.

**A**Ssero secundò. Dato, non concessò, Prophetiam illam, non esse fictitiã: adhuc tamen incertum est, an illa Prophetia sit de Luthero.

**P**robatur. Quia non est major ratio, cur potius dicatur Hús vaticinatus esse de Luthero, quàm de Carol:stadio, qui diversam à Luthero excogitavit Hæresim; vel de Zvinglio, aut Calvino, vel Svenckfeldio: quo enim jure, Cygni nomine, denotari volunt Lutherani, suum Lutherum, eo jure, imò potiore, possent Calvinistæ velle de-

A 2

notari

*Prophetia  
Húsi, si  
est ali-  
qua, poti-  
ùs est de  
alio, quàm  
de Luthe-  
ro.*



#### 4 *Traſſatus 1. cap. 2. & 3. An & quæ de Luthero*

*Erasmi  
Judicium  
de Luthe-  
ro.*

notari ſuum Calvinum, aut Zvinglium. Cùm Calvinus & Zvinglius, addo, nec ferè ullus ex Hæreſiarchis veteribus, unquam hæbeat, tot ſordibus, ſpurcitiis, ſcommatibus, refer-  
ta ſcripta ſua, uti Lutherus. Quæ ſi ex vaſtis aliàs, ejus voluminibus demas, vix quarta pars voluminum remane-  
ret. ut olim etiam notavit Erasmus Libro ſecundo Hype-  
raſpiſtæ: qui Lutherum item alloquendo Lib: primo Hype-  
raſpiſtæ, non procul à folio 1032. inter alia ſic ſcribit: Efficiam, ut omnes intelligant; quantus ſis Artifex Luthere, detorquen-  
di, depravandi, calumniandi, exaggerandi quidlibet; quanquam iſtud, jam pridem agnoſcit Mundus. Ea tibi vaſtities eſt, ut rectè dicta de-  
praves, quoties eſt commodum: ut, quod album eſt, veritas in nigrum, quod Lucidum, veritas in tenebras.

*Cygnus,  
an Stem-  
ma Lu-  
theri?*

Nota primò. Inaudii nuper à quodam Excellentiffimo Colonello, olim Lutherano, nunc zeloſo jam Catholico D. Joanne Campenhaufen, inaudii inquam: à quibuſdam aſ-  
ſeri Lutheranis, Prophetiam Huſſi eſſe de Luthero; quia in Stemmate ſuo habuit Cygnum: Sed contra eſt. Tum quia ex nullo ſcriptore, fide digno, probari poteſt, Lutherum, ante annum 1500. geſtaſſe pro Stemmate Cygnum. Tum quia ipſemet Lutherus citàſſet haud dubiè, hoc ipſum pro ſe in ſuis Libris; ſi id fuiſſet aliquomodo, vero conſonum: Jam autem ipſemet fatetur, ſe fuiſſe filium, Nepotem, Pro-  
nepotem ruſticorum, hi autem ſtemmata non ſolent habere.

*Prophetia  
cujusdam  
Hilténii.*

Nota ſecundò. Melanthon in Apologia Confef: Auguſt: ſub titulo de Votis, refert. Quòd quidam Joannes Hilténius Monachus, à ſuo ſodalitio ob reprehenſos quosdam au-  
ſus, in carcerem conjeſtus, dixerit: ſe has injurias, æquò animò propter Chriſtum, tolerare; ſed alius, inquit, qui-  
dam veniet anno 1516. qui deſtruet vos, nec poteritis ei reſiſtere. De hac Prophetia, idem dicendum videtur; quod dixi Aſſertione prima & ſecunda, diceturque Aſſertio-  
ne quar-

ne quarta de Prophetia Joannis Hussi. Accedit, Quodd Zvinglius, Anno 1516. Reformationem (verius deformationem.) Ecclesiarum Helveticarum, se auspicatum esse gloriatur, nulum quidem adhuc rumorem de Luthero inaudiendo: unde, Zvingliani, possent jure potiori, hanc prædictionem (si quæ defactò fuit) Zvinglio suo applicare.

### C A P U T III.

**A**Ssero tamen tertio. Lutherus, ob duplicem præsertim rationem, convenit cum Cygno: & ob has rationes, potest vocari: Cygnus mirabilis.

**P**Robatur. Quia convenit primò in hoc: quòd sicut Cygnus habet candidas pennas, & nigras carnes; sic & Lutherus. Quid sæpè candidiùs Lutherò? quoties in libro Adversùs falsò dictum statum Ecclesiasticum: & in libro contra Henricum Regem Angliæ, jactitat, doctrinam suam, merum & purum esse Evangelium Christi, cujus ipse testis futurus sit in novissimo die. se certum esse: quòd doctrinam suam de Cælo habeat. Quòd doctrina sua, non sit sua, sed Christi. Quanta cum demissione adhuc anno 1518. die SS. Trinitatis, ad Leonem X. Papam. In Præfatione in Resolut: Indulgent: scribit, *Beatissime Pater, prostratum me pedibus Beatitudinis tuæ, offero, cum omnibus, quæ sum, habeo. Vivifica, occide, voca, revoca, approba, reproba, ut placuerit. Vocem tuam, vocem Christi, in te præsentis, & loquentis agnoscam, si mortem merui, mortem non recusabo. &c.* Et anno 1519. 13. Martii, ad eundem Leonem: *Plenissimè confiteor, Romanæ Ecclesiæ potestatem esse super omnia; nec ei præferendum quidquam, sive in Cælo, sive in terra, præter unum Jesum Christum Dominum omnium &c.* Item Tomo 1. Epist. Epistola 166. Scio Romanam Ecclesiam,

*Lutherus,  
in quonā  
convenit  
cum Cy-  
gno?*



6 *Tractatus 1. cap. 3. An & quæ de Luthero*

purissimum esse thalamum Christi, Matrem Ecclesiarum, Dominam Mundi, Sponsam Christi, Filiam Dei &c. Sed vide, quàm nigræ ejus carnes. Scribit ipse de se, Tomo primo. Epist: Lat: Epist: 229. ad suum Spalatinum, ex fictitia sua Pathmo. Ego otiosus hic, & crapulosus sedeo tota die. Itèm in Epist: 234. ad Philipp: Ego hic insensatus, & induratus sedeo, in otio, proh dolor! parùm orans, nihil gemens pro Ecclesia Dei: quin carnis meæ indomita uxor magnis ignibus. Summa: Qui fervere spiritu debeo, ferreo carne, libidine, pigritiâ, otio, somnolentiâ: Octo jam dies sunt, quod nihil scribo, neque oro, neque studeo; partim tentationibus carnis, partim aliâ molestiâ vexatus. Postea, ter Sacrilegas (quia contractas à Sacerdote, Monacho Professo, cum Monacha Professa, Catharina Borrrha) contraxit nuptias, & ex Sacrilego concubitu, habuit filios tres spurios, & tres filias. Quàm itèm impura, impia, sub umbra Evangelii, dogmata! si non vult Domina, veniat ancilla. Tomo 5. Lat: Viteber: serm: de Matrimonio. Liberum hominis arbitrium, est figmentum in rebus. In omni opere bono homo justus peccat. In Assertionem articuli 36. & articuli 31. & 32. Nullum est amplius peccatum, nisi non credere. In sermone super Evangel: Attendite à falsis Prophetis. Rectè Epist: in Pseudo-Evang: & ad Fratres Infer: German: scripsit Erasmus: Vereor, ne sub isto Lutherani Evangelii nomine, multi nobis oriantur Pagani; quod magis etiam sint liberi, si nec Cælum credant esse, nec inferos, nec animas à morte corpora superesse: Qui tales sunt, sub nulla umbra tutius latere possunt; quam sub istorum Evangelio.

Leonem Papam Tomo 1. Lat: Viteberg: in disputatione illa in illud: Vade, vende thes: 51. & alibi, appellavit postea brevì: Antichristum, Vacarium Dei, Monstrum, de quo Daniel dicit, quod adversatur omni Deo, etiam Deo Deorum; à demone arreptum, &c. Romanam Ecclesiam vocat \* Antichristi Synagogam, Sodoma colluviem &c.

Secun-

Secundò convenit cum Cygno in hoc: Quòd sicut Cygnus est inimicus Aquilæ, sic Lutherus, inimicissimus fuit Principibus, Regibus, Imperatorique Catholicis. Carolum V. victoriosissimum Imperatorem, vocat (Tomo secundo Lat: Viteb: Libello de duobus edictis Cæsareis) *Putre & fragile cadaver*. Itèm eum, & Principes Imperii sibi non assentientes (nullus autem anno 1523. quò hæc evomebat Lutherus, ei assentiebatur, præter Electorem Saxonix) Dicit esse: *Vecordes, deliros, fatuos, mente captos, blasphemos, atrociter contumeliosos in Divinam Majestatem, Tyrannos, Oppugnatores & Persecutores Verbi Dei, horrenda cecitate oppressos, tandem in exitium ruituros &c.* Ferdinandus Rex (inquit Lutherus Tomo primo Colloq: Lat: titulo de Principe) *nihil in se dignum Principe habuit, sed servili ingenio fuit.* Rex (inquit Lutherus Libro contra Regem Angliæ) *Henricus Angliæ, est stolidior, & insanius, quàm ipsa stultitia: Stolidus, mendax, in quo nec est una vena sanguinis regii, cujus Majestatem candere & sordibus conspurcare, & ipsius regiam dignitatem, pedibus conculcare, volo.* Indignus qui mihi corrigiam calceamenti solvat. Ducem Saxonix Georgium, Dignissimum Principem, & Zelozissimum, ad mortem usque, Orthodoxum, Friderici Fratrem palam in suis scriptis proclamavit Lutherus, Corporaliter à Damone obfideri, esse tyrannum, proditorem, Pilatum, Judam, Herodem, Apostolum Diaboli, Latronem sanguinarium, canem, cujus omnia sint diabolica, porcum Dresdensem. Epist: 239. Itèm Catholicum Principem Henricum Brunsvicensem, vocat (in Colloq:) *rudem asinum, suem, damnatum, mendacem, diabolum, stercus Diaboli, Filium demonis, indignum cujus recordetur Lutherus.* Qui mille annis querere debet, prius quàm modicum pilum sui honoris inveniat. En quam infensus hic Cygnus Aquilis! quàm sçavis modulatio hujus Cygni! sed quid mirum, quòd tot, ac tanta sint in ejus scriptis convitia, maledicta, virulentia, calumnia, spurcitia, blasphemia. Quid enim aliud (inquit Spondanus celeberrimus Hi-

sto-



8 *Tractatus 1. cap. 4. An & quæ de Luthero*

storicus) Diabolò plenus Lutherus, quàm diabolica effutisse potuit? nam quòd & nonnulla bona aliquando scripsit: an non & diabolo hoc in usu est? ut incautos fallat. Cygnus, mortis proximus, dicitur svaviter canere: juxta illud.

*Dulcia defecta modulatur nomine lingua*

*Cantator cygnus funeri ipse sui.*

*Lutheri  
morientis  
quænam  
vox?*

Sed dulcisonus cantus minimè convenit morituro Luthero. Is enim, anno 1546. 17. Febr. die, (ut scribit Spondanus ad hunc annum,) cum hilariter de more, atque opiparè, prandium, de nocte coenam sumpsisset Lutherus, evomissetque, Jona, & aliis circumstantibus, blasphemiam hanc: *Doctor Jona, & Tu Michaël* (erat ille, Prædicans in Mansfeldt) *Orate pro Domino Deo nostro, & ejus Evangelio, ut ei bene succedat.* Doloribus pressus, inter secundam & tertiam horam, post mediam noctem, ante ortam dici decimæ octavæ Lucem, anno ætatis suæ 63. foedum spiritum exhalavit. Vicinus item mortis, composuit, & in publicum, edidit Librum, cum tali titulo. *Adversus Papatum Romæ à Satana fundatum.* Hic liber, nihil aliud est, nisi continuus quidam in Papam furor beluinus, aut veriùs diabolicus: & quæ spurcissimè contra Papam, Cardinales, Clerum, Religiosos, eo libro eruclaverat, depingi voluit, quæ picturæ adeò sunt abominandæ, ut multi etiam ex Lutheranis prudentioribus, earum aspectu gravissimè offensi fuerint. Totùmque hoc contumeliarum infandum genus, ex potu vel senio, jam deliranti Luthero, assignandum existimaverint: ut testatur ipse Illiricus Lutheranus, in libello, contra Interimistas; quamvis ille longè aliter statuatur.

C A P U T IV.

**A** Ssero quarto. Dato, non concessò, quod Prophetia illa, sit de Luthero: tamen non evincitur inde Lutherum non esse hæreticum. Pro-

**P**Robatur. Quia Huf, non tantum iudicio Ecclesiæ Catholicæ, sed etiam iudicio ipsiusmet Lutheri, fuit hæreticus; ut ostendetur infra. Quid ergo juvat Lutherum Hæreticum, quod Hæreticus de eo venturo esset vaticinatus? Sybilla etiam Erythræa, longè ante prædixit adventum Arii: ut scribit in Epist: ad Arium Constantinus Magnus: nunquid ideo Arius non Hæreticus? mala prædici possunt, quandoque & à malis.

## CAPUT V.

**A**Ssero quintò. Joannes Huf, est falsus Propheta.

**P**Robatur. Tum quia Hussitæ, & Lutherani, referunt: Hussum, in die mortis suæ, dixisse Patribus Concilii Constantiensis. *Post centum annos, respondebitis Deo, & mihi:* Et tamen de hac responsione facta post centum annos, non constat. Tum quia ipse Tomo 1. Operum. Epist: 12. ad suos scribendo, ait: *Fideles, & in Deo dilecti Christiani, nè deterreamini illorum, qui in eo erant, latâ de libris meis sententiâ; illi, huc & illuc dispergentur, tanquam volantes papiliones; & eorum statuta durabunt, ut telæ aranearum.* Et en Catholicæ Ecclesiæ Cultores, qui Hussum, unâ cum suis operibus damnârunt, minimè dispersi sunt velut papiliones: manet hucusque decretum, vetans libros Hussiticos: è contra volumina Hussi vix aliqui reperiuntur.

*Hussum,  
falsum fu-  
isse Pro-  
phetam,  
evincitur*

## CAPUT VI.

**A**Ssero sextò. Joannes Huf non est Sanctus, nec verè est Christi Martyr.

**P**Robatur. Ille non est Sanctus, nec verè Christi Mar-  
tyr.

*Huf nec  
Sanctus,  
nec Chri-  
sti Mar-  
tyr.*



tyr, qui est Hæreticus, ut conceditur etiam à Lutheranis: & patet ex Scriptura. Si enim Apostolus ait ad Hebræos cap. 11. *sinè fide* (utique recta, & à Deo data? hæc autem solum una est, sicut unus est Deus: Teste eodem Apostolo) *impossibile est placere Deo.* Et juxta eundem Apostolum 1. ad Corinth: 13. Nihil prodest, si quis tradat etiam corpus suum, ita ut ardeat, charitatem autem non habeat: multò magis, veram fidem: quæ, ipsius Charitatis fundamentum est. Sed Hufs fuit Hæreticus. Tum quia pro tali habitus est à toto universali Concilio Constantiensi, Ecclesiam Orthodoxam repræsentante: & ob Hæresim, rogo adjudicatus est ab eodem Concilio. *Esse Martyr non potest* (inquit S. Cyprianus Martyr) *qui in Ecclesia non est: ad regnum pervenire non potest: qui eam, quæ regnatura est, derelinquit:* Et S. Augustinus Lib: 1. contra Parmenianum Donatistam cap. septimo. *Prius probent, se non esse hereticos, vel Schismaticos, tum demum de indignis pœnis suis, lividam emittant vocem: tum demum sese audeant, cum mali aliquid patiuntur, Veritatis Martyres dicere. Alioqui, si, quisquis ab Imperatore, vel à Judicibus ab eo missis, pœnas luit, continuò Martyr est: omnes carceres, Martyribus pleni sunt.* Et Tomo secundo Epist: 204. ad Donatum Presbyterum Donatistam scribit: *Foris ab Ecclesia constitutus, & separatus à compage unitatis, & vinculo charitatis, aeternò supplicio punieris, etiamsi pro Christi nomine vivus incendereris.* Martyr non est, qui deferuit eam fidem, cujus olim defensio, veros Martyres fecit. Tum quia idem Hufs docuit propositiones 45. ut veras Joannis Vicleffi, defactò graviter erroneas: inter quas sunt hæ:

*Vicleffi  
Impie Pro-  
positiones.*

*Deus debet obedire diabolo.*

*Contra scripturam sacram est, quodd Ecclesiastici habeant possessiones.  
Populares possunt ad suum arbitrium Dominos delinquentes cor-  
rigere.*

*Omnes*

*Omnes sunt Simoniaci, qui se obligant orare pro aliis, eis in temporali-  
bus subvenientibus.*

*Oratio præsciti, nulli valet.*

*Omnia de necessitate absoluta eveniunt.*

*Universitates, Studia, Collegia, Graduationes, & Magisteria in eisdem,  
sunt vana gentilitate introducta; & tantum prosunt Ecclesiæ, sicut  
diabolus.*

*Peccant fundantes Clausura; & ingredientes, sunt viri diabolici.*

*Dirare Clerum, est contra Regulam Christi.*

*Juramenta, sunt illicita, quæ fiunt ad roborandum humanos contra-  
ctus, & commercia civilia.*

*Tum quia ipsemet Hufs docuit, ut veras 30. Propositiones,  
defectû erroneas, inter quas, sunt hæ:*

*Unica est Sancta Universalis Ecclesia, quæ est Prædestinatorum Uni-  
versitas.*

*Paulus nunquam fuit membrum diaboli; licet fecerit actus quosdam,  
actibus Ecclesiæ malignantium consimiles.*

*Præsciti, non sunt partes Ecclesiæ.*

*Si homo est vitiosus, & agat quicquam, tunc agit vitiosè: & si est vir-  
tuosus, & agat, tunc agit virtuosè: quia sicut peccatum inscit uni-  
versaliter omnes actus hominis vitiosi: sic virtus vivificat omnes actus  
hominis virtuos.*

*Nullus est Dominus civilis, nullus est Prælatus, nullus est Episcopus, dum  
est in peccato mortali.*

*Confirmatur Assertio nostra sexta. Quia ipse Lutherus,  
maximè initio sui evangelii; Hufsum, & Hufstas asseruit esse  
Schismaticos & impios. Cum enim in Disputatione publica,  
Lipsiæ habitâ, anno 1519. eximius Doctor Catholicus, Joannes  
Eckius, Academia Ingolstadiensis Pro-Cancellarius, doctrina  
& Eloquentiâ præpollens, Luthero studium factionis Hufsticæ,  
seu Bohemiæ objecisset; impatientissimè id ferens, eodem  
Anno 1519. quinta Julii, dixit: Primum, diluam contumeliam, quod*

*Judicium  
Lutheri  
de Hufso  
& Hufsti-  
tis.*



me, Egregius Dominus Doctor insinuat Bohemicæ factionis Studiosum, & planè Patronum: parcat ei Dominus, præsertim in tanta Corona tantorum virorum: Nunquam mihi placuit, nec in æternum placebit quodcunque Schisma. Iniquè faciunt Bohemi, quòd se Auctoritate propriâ separant à Nostra Unitate, etiamsi jus Divinum pro eis staret: cum supremum jus Divinum sit Charitas, & Unitas spiritûs. Et super Galatas cap. 6. scripsit: quòd Hussitarum dissidium, nullà possit excusatione defendi, quin sit impium, & omnibus Christi legibus contrarium. Itèm ad Nobilitatem Germaniæ scribendo, cap. 24. præscribit modum, quomodo ad Unitatem Ecclesiæ, & in unam Fidem per Legatos nostros reducendi sunt Bohemi. Et in Assertionem Articuli 30. dicit. Non rectè vocant, qui me Hussitam appellant, non enim mecum ille sentit, sed si ille fuit hæreticus, ego plus decies hæreticus sum, cum ille longè minora, & pauciora dixerit. Denum in Mensal: Colloq: Titulo de Schol: Theologis ait; Hufs non intellexit quid sit Papatus, solùm aliquos abusos agnovit. Ille aliquas spinas, vepres ex vinea Christi ejecit, & tantùm Papæ abusus, & scandalosam vitam aggressus fuit. Sed ego Papæ doctrinam aggressus fui, & illum deturbavi. Melanthon etiam in Epist: ad Philipenses, Vicleffum hominem anentem, & furiosum appellat. Proinde & Hussum sic appellare convenit, utpote furiosi Vicleffi sectatorem. Accedit, quòd Johannes Hufs docuerit multa contraria Luthero. Tomo enim 1. folio 51. in Elucidatione suâ Fidei. Confirmat Invocationem Sanctorum. Epist: 35. multum tenet de meritis Sanctorum. Tomo 2. ad Caput: 5. Epist: S. Jacobi folio 149. agnoscit septem Sacramenta. Et eodem Tomo sermon: de Exequiis: approbat Missam: docètque Corpus Christi esse ante sumptionem: hortatur itèm Sacerdotes, ut Missas devotè celebrent.

C A P U T VII.

**A**Ssero septimo, Prophetiam admirandam de tempore adventûs Lutheri, in Hymno Divi Ambrosii & Augustini contineri chronographicè, si quis asserat, errat.

**P**Ræmitto. Quòd Lutherani, ante multos annos, ediderint Effigiem Lutheri, æri incisam, cum hac inscriptione: Divinum, atque admirabile Vaticinium Divi Ambrosii & Augustini; de tempore, & adventu Sancti Lutheri, quo contra Antichristum Romanum scribere cœpit, ut in literis hujus versiculi, numerum anni representantibus, continetur, quod est apud Christi Fideles admiratione & notatu dignum.

*tibi Chervbln, & Seraphln InCessabili VoCe proCLaMant.*

Hujus versiculi, literæ numerales, conficiunt 1517. quo primum Domini Anno, Lutherus prædicare cœpit. Et ob hanc Prædicationem, per illam Prophetiam, per numeros literarum insinuatam, significatur (inquiunt Lutherani) exultatio, & gratulatio Cælestium Spirituum. Hoc præmisso.

Assertio Nostra Probatur primò. Quia illo anno, 1517. nonnullos tantum abusus Indulgentiarum taxavit Lutherus. Sed necdum illo annò, Lutheranus erat Lutherus. Post editas enim pridie Festi Omnium Sanctorum, de Indulgentiis Theses, Missam sequenti die, & aliis sequentibus diebus Festis, illo anno celebravit, Eucharistiam adoravit, Sanctos invocavit, septem esse Sacramenta agnovit, & Papam esse Vicarium Christi, testatus est. Imò adhuc ipso anno 1518. Dominica Sanctissimæ Trinitatis Die, scripsit ad Leonem. *Beatissime Pater, prostratum me pedibus tuæ Beatitudinis offero &c.* Vide supra. Et postea coram Cardinali Cajetano, aliquotque Proceribus & Cæsaris Consiliariis, scriptò & ore, Fidem suam

*In Ambrosiano Hymno non continetur Vaticinium de Luthe-  
ro.*



confessus est verbis his: Ego Martinus Luther Augustinianus, protestor me colere, & sequi Sanctam Romanam Ecclesiam, in omnibus meis dictis, & factis, presentibus, præteritis, & futuris. Quod si quid, contra vel aliter dictum fuit vel fuerit; pro non dicto haberi & habere volo. Imò adhuc Anno 1519. tertia Martii, scripsit Epistolam ad Leonem Papam, in qua etiam continentur hæc: Plenissime &c. vide supra. Ergo adhuc tunc Antichristum colebat, & idololatriam exercebat; cum juxta Lutheranos, Antichristus sit Papa, & Missa idololatria. Quomodo ergo Exultatio caelestium Spirituum facta, ratione anni 1517, ob Lutheri prædicationem? modò primum Anno 1520. summi Pontificis potestatem, manifestè, & absque simulationis involucris oppugnavit; & Jus canonicum, cujus legibus tenebatur reus, publicè, Vitebergæ exussit.

Probatur secundò. Tum quia juxta rationem Hebræam, ut est, indubitatum, scribenda sunt per M. non per N. Cherubim & Seraphim; & sic provenient anni 3517. Tum quia ex hujusmodi Numeris nihil certi colligi potest; ut constat longa inductione. Accedit quòd ille versiculus desumptus sit ex Isaia c. 6. versu 6. Ubi Seraphim simili modo clamant: *Sanctus Sanctus Sanctus Dominus Deus Sabaoth*: Ibi autem designatur potius exæcatio Judæorum; ut ex versu nono & sequentibus colligitur. Provocatur enim Deus, ut aspectu suæ Sanctitatis; quæ illi omne scelus displicet, scelera & impietatem vindicet. Quare, si Lutherani volunt omnino annum Lutheranae suæ Sectæ primum esse 1517. & chronosticè designari illo versiculò; debent consequenter dicere, designari Lutheri & ejus sequacium obæcationem. Addo. Advertant Lutherani, indictionibus his: *Ero spiritus Mendax*, contineri Annum 1517. dictamque Propositionem Chronographicam, verè convenire Luthero, ut facile patebit legenti librum hunc.

Probatur tertio. Quâ veri similitudine dici potest exultare Cælestes Spiritus, ob Lutheri prædicationem & doctrinam? Cujus fructus, quàm sint obominandi, & dolendi, ex parte descripsit Georgius, Dux Saxoniae, æternâ memoriâ dignissimus Princeps, Friderici Frater, in literis suis, ad Lutherum datis, anno 1526. ipso Innocentium festo: quæ exstant Tomo tertio Jenensi Germanico. Ex tua (inquit) & tuorum Discipulorum doctrina, renovantur omnes antiquæ & jam olim damnatæ hæreses, omnis cultus religiosus destruitur: ita, ut à temporibus Sergii (Socii Mahometis in eudenda & propaganda Mahometica perfidia) major destructio non fuerit. Quando plura commissa sunt Sacrilugia, quàm ab evangelii tui ortu? quando plures seditiones contra legitimum Magistratum exortæ sunt, quàm ex tuo evangelio? quando magis pauperes oppressi, & Sacræ ades spoliatæ, & expilatæ? quando plura furta, & rapinæ commissa; quando plures Apostatæ Monachi, & Apostatrices Moniales, Vitebergæ succre, quàm modo? quando Maritis ablatae sunt uxores, aliisque desponsatae, quàm nunc post natum tuum evangelium? quando plura adulteria patrata, quàm post tua scripta evulgata? si uxor à Marito suo fecunda reddi nequeat, jubetur ire ad alium, fructumque proferre, sic tamen, ut prior Maritus, illam alat, eodémque jure gaudet Vir. hoc evangelio tuo acceptum referri debet, quod, sub scamno abditum, protraxisti in lucem — ad hæc, Vitebergam, fecisti asylum, ita, ut omnes Apostatæ Monachi, & Apostatrices Moniales, qui nostra templa, & Monasteria rapiendo & furando expilant, ad te confugiant: perinde, ac si Viteberga, omnium ditioris nostræ desertorum, lupanar esset: Neque ullam unquam à Sanctissimo Patre nostro Papa concessam indulgentiam arbitramur, quæ tibi gravior acciderit, illâ, quam promerentur tui Vitebergenses, rapiendo Moniales ex nostris Monasteriis, & ad te adducendo: quas in quantas calamitates conjeceris, & in quod exitii baratrum præcipitaveris; & in quem finem &c. ? Addo: Quod Lutheri doctrina sternat viam ad Atheismum; ut ostendo in libro cui Titulus Gradus ad Atheismum in Tract. 2. c. 3.

Quinam  
fructus ex  
Lutheri  
Doctrina?

CA-



## C A P U T VIII.

**A**Ssero octavo. Multæ sunt Prophetiæ, verè admirandæ, quæ intelligi possunt, sinè inconvenientia ulla, de Luthero esse.

*Vera Prophetia de Luthero, desumpta ex Psal-  
mis.*

**P**Robatur. Enumeratione Prophetiarum 1. Psalmo 79 *Exterminavit eam* (id est vineam Dei) *aper de Silva, & singularis ferus depastus est eam.* Lutherus enim (ut explicat hanc Prophetiam Clarissimus Doctor Pistorius Epist. 3. ad Pappum) in Silva Hercinea editus in lucem fuit; & ut aper vastavit, ut sus sordidavit omnia. Et ut originis, atque naturæ memoriam, testimoniūque relinqueret; semper stercora, tum in ore & calamo continuit, tum magnis frustis vomuit in aërem & libros, ut ostenderet, apri & suis, ad se naturam attinere, perfectæque compleri Spiritūs Sancti vaticinationem: Calvinum autem; idem Propheta nuncupavit, singularem ferum,

*Ex S. Paulo.*

Secundo 2. ad Timotheum 3. scripsit S. Paulus. *Hoc autem scito, quodd in novissimis diebus, instabunt tempora periculosa: & erunt homines seipso amantes, cupidi, elati, sinè affectione* (seu, ut vertit Sanctus Augustinus, & Anselmus, sinè visceribus compassionis) *incontinentes* (id est, gulosi, & luxuriosi) *sinè benignitate* (id est, bonorum ocores) *protervi, tumidi, voluptatum magis amatores, quàm Dei: habentes speciem quidem pietatis* (seu ut S. Cyprianus legit. *Reformationem Religionis*, hoc est, ut explicat Cornelius à Lapide, cum aliis: habentes formam & speciem Religionis, ut videantur ejus velle inducere reformationem; seque vocent: Reformatæ Religionis. cum revera, ejusdem doformationem inducant, sintque deformatores *Virtutem autem ejus abnegantes.* Hic describit S. Paulus, Hæreticos, qui fidem & Virtutem Christianam eliminare vo-

lent:

lent : quales fuerunt, Simon, Menander, Carpocrates, Cerinthus, Gnostici &c. quibus adde, Lutherum, Calvinum, & alios.

Tertiò. Cardinalis Robertus Bellarminus è Societate JESU (ex quibus vocibus confurgunt anagrammaticè hæc : *Luteri errores, ac astutias Calvinì omnes delebis*) Tomo primo lib. 3. de Romano Pontifice, Cap. 23. & in Præfatione tomi 4. eleganter probat, Lutherum, ejusque doctrinam, descrip- tam fuisse à S. Joanne, Apoc: cap. 9. quando vidit stellam cecidisse de cælo, & datam ei clavem putei abyssi, & aperuisse puteum abyssi. *Quid enim aliud est, stellam de cælo cadere; nisi hominem, celesti vitæ addictum à terra, longissimo inter- vallò remotum, sacri calibatus, aut monastica Professionis splendore, & puritate micantem, subito ad terrenas delicias, atque ad negotia hujus Mundi, delabi; mortali conjugiò, implicari; in carne & sanguine volutari? Lutherum autem, quis tandem ignorat? cùm aliquando mona- sticam vitam perfectam, pauperem, continentem, cælestem planè ac Di- vinam, in clarissimo quodam Ordine profiteretur, repentino atque hor- ribili casu, ex Sacerdote Laicum, ex paupere divitem, ex continente Maritum, ex Monacho politicum factum? Monasterium in palatium, pannosam vestem in sericam, Victum sobrium ac tenuem in opiparas cœnas & prandia commutasse? Denique, qui propter Christum uxorem, liberos, agros nummósque contempserat; iterum propter uxorem & liberos, propter agros & nummos, Christum reliquisse. Quia verò Lutherus præcipuum suum studium, in Apostolica Sede oppugnanda po- siturus erat, seque Christi Vicario Antagonistam singularem professurus: pulchre Joannes dicit: Stellæ de cælo cadenti, clavem abyssi datam: ita nimirum oportebat; ut sicut Christus Apostolo Petro, ejusque Succes- soribus, claves Regni cælorum attribuit; ita etiam Satanas, cum Apo- stolo suo primario, clavem abyssi communicaret: Et sicut Petrus, cœle- sti clave, Divina oracula reserbat; ac populis sibi creditis, doctrinam salutarem de cælo adferebat; Sic Lutherus, abyssi clave infernalem*

*Ex Apo- calypsi.*



puteum aperiret, ac tetros inde errores antiquarum Hæresum colluviam, dogmata pernicioſa tartaræque educeret.

Quartò Jacobus Gretſerus, acerrimus Veritatis Defenſor, Magnus Lutheranorum Domitor ait : Lutheri Hæſis, eſt mulier illa ſepticipiti & decicorni beſtiæ inſidens (quam S. Joannes vidit in Spiritu Apoc: 17.) poculum aureum, id eſt ſimulatum Dei verbum manu oſtentans, plenum abominatione & immunditiâ fornicationis ejus : *Babylon* ſeu Confuſio magna, *Mater fornicationum & abominationum terræ* : jungit enim Monachos & Sacerdotes monialibus aliſque pelli- cibus, & elata voce clamat, Cælebs pugnat cum Deo. *Eſt ebria de ſanguine ſanctorum & de ſanguine Martyrum Jeſu* : plurimos occidendo. Ex hac tanquam ex genitrice ſua, prodiit Calviniana Hæſis, quæ ut pia filia, omnia latrocinia & homicidia Matris ſux in acceptis refert. Beſtia, quâ mulier hæc invehitur, eſt ipſemet Lutherus ; quem ſepticipitem depinxit bene Cochlæus in ſuo libro cui titulus: *Septiceps Lutherus*. Beſtia fuit voce & vitâ ; ut teſtantur ejus ſcripta beſtialia & bruta. *Beſtia, quam vidifti, fuit, & non eſt : & aſcensura eſt de abyſſo (ad Generale judicium) & in interitum ibit* (audiet enim: *Diſcedite à me*) & *mirabuntur inhabitantes terram* (Lutherani) *quorum non ſunt ſcripta nomina in libro vitæ, à conſtitutione Mundi, videntes beſtiam, quæ erat, & non eſt.*

*Ex Vita  
B. Hilde-  
gardis.*

Quintò. In ipſa etiam Germania (ut ſcribit Florimundus lib: 1. cap. 3. & alii) Virgo Hildegardis, Divini interpres Numinis, vaſtatem illam & deſolationem, quæ Superiori, & noſtra ætate Chriſtianam Religionem tantopere afflixit, quaſi digito præmonſtravit, dicens: Ah Miſera Eccleſia! quid ages? quo te vertes? Mille Hæreſes in te orientur, quibus reſiſtere non poteris: ædes tuæ ſacræ, atque adeò ipſa etiam ſacra, profanabuntur. Principes contra te inſurgent; populi contra te arma capient. Omniâque in rui-  
nam

nam tuam conspirabunt. Cùm primi illi homines luxui & voluptatibus sese dedissent, Deus, aquarum eluvionibus, universam terram submersit: at quia ultimis sæculis homines incredulitate, & quovis vento abripi se patientur: Deus Ecclesiam ab eis auferet. Omnia ejus scripta ejusmodi minis plena sunt, nec pænè aliud, quàm poenas, vindictam, Stragem, & Ecclesiæ Catholicæ vastitatem representant: Quæ tandem collectis viribus, (inquit eadem Virgo) eos, quos diabolus ad ipsam persequendam vinculis exsolvit, catenâ rursus constringet.

## C A P U T IX.

**A**Sfero Nono. Si quis asserat, Lutherum fuisse admirandum & Verum Orbis Prophetam, errat.

**P**ramitto. Lutherum, à suis communiter nuncupari Germaniæ Verum, & admirandum Prophetam: Tertium Eliam: imò ipsemet de se dicit in Colloq: Symp: titulo de Libris Vet: Test: Ego sum Elias, & Philippus (Melanthon) est Jeremias. Sed nostra Assertio.

*Prædictio-  
nes variæ  
Lutheri  
falsæ, re-  
censentur.*

**P**robatur. Quia plurima veritati dissona, hic Pseudo-Isaias, & Pseudo-Elias prædixit; ut constat inductione longa. Nam (ut alias ejus falsas prædictiones ornittam) Prædixit primò. Anno 1525. ut refert Cochleus. si (inquit) per biennium Doctrina & Prædicatio mea duraverit; evanescet Papa, Cardinales, Episcopi, Monachi, Moniales, Missæ &c. Et En prædicavit postea, non duos, sed ferè viginti duos annos: Obiit enim anno 1546. & tamen minimè evanuit Papa, Cardinales, Missæ &c.

Secundò. Fatidicus cecinit, & velut Epitaphium sibi vivo (ut ait Pomeranus, Lutheri Primarius Discipulus, in



Oratione funebri, in ejus Exequiis. Et Aurifaber in Menſi colloq: Tom: 1. prope finem) compoſuit: *Peſtis eram vivens, moriens ero mors tua Papa.* Et in exordio libri contra Regem Angliæ ſcripſit. *Dogmata mea ſtabunt, & Papa cadet, invitis omnibus Portis inferi.* Sed Pſeudo-propheta mortuus, Papa & Papatus vivit & vivet, ſtat ſtabitque invitis omnibus portis inferi, quæ juxta Chriſti Effatum, non prævalebunt.

Tertiò. In ejuſdem Libri Præſatione Contra Regem Angliæ ait: *Meis libellu brevè efficiam, ut Bohemi (id eſt, tunc Huſſitæ) à ſuo opprobrio liberi; Soli autem Papiſtæ, ſit nomen abominationis in Orbe terrarum, ut maledictum & anathema ſit, eſſe Papiſtam.* Minimè effeciſti Luthere.

Quartò. In opusculo cui Titulus: contra ſiccarium Dreſdæ. Ego (inquit) *meis tonitruis, & fulminationibus, Papiſtas ad Sepulturam compulſabo.* Ecce vivimus.

Quintò: *Qui habet* (inquit in Aſſert: artic: 34. Tomo 2. Lat: Viteb:) *aures audiendi, audiat, & à bello Turcico abſtineat; donec Papa nomen ſub cælo valet.* Fortè, ſicut Michæas qui & ipſe odioſus erat, quia non prophetabat, niſi malum, dicam & ipſe, meo Achab. Ite, præliamini contra Turcas, ut reſiſtatis Virgæ Dei, & cadatis, ſicut & ille cecidit. Ut & ego prophetem ſemel, Licet non audiar, quod ſcio; niſi Romanus Pontifex redigatur in ordinem, actum eſt de omni re Chriſtiana. Sed bene conſiſtit Res Chriſtiana, Romano Pontifice agente Paſtorem Eccleſiæ viſibilem.

Sextò. Tomo ſecundo Epiſt: Latin: Epiſtola 236. Anno Domini 1521. in Die Diviſionis Apoſtolorum ſcripta, ad Spalatinum ait: *Carolus impeti bellu; nihil mirum, nihilque unquam habebit proſperum, & cogetur alienæ impietatis pœnam ſolvere infelix Jovenis, quoddam veritatem Wormatiæ, malis Conſultoribus in faciem ſic repudiavit: & Germaniam involvet calamitate ſua quoque, quoddam impietati conſenſit.* Verùm, en Carolus V. poſt hoc Lutheri

theri vaticinium, Italiam, Saxoniam, Libiam, Germaniam Galliam, domuit, capto Potentissimo Rege Galliarum Francisco, & multis Imperii Principibus, etiam Electore ipso Saxoniae Joanne, Fautore Maximo Lutheranismi.

Septimò. In Lat: colloq: Titul: de Jurisperitis, scribitur ab Aurifabro, Lutheri amicissimo: *Dicebat Doctor Lutherus, hæc mea ultima voluntas est, nè ullus filiorum meorum in Jure promoveatur. Joannes erit Theologus: Martinus est nequam; illi timeo: Paulus militare debet contra Turcam.* At, nec Joannes fuit Theologus, nec Paulus militavit contra Turcam, potius hi tres fuere nequam, imitatores sui parentis, & insignes potiores: Ut comprobatur etiam Historia sequens, conscripta à Patre Nicolao Serario (quem Cardinalis Baronius Tomo 12. Annal: ad Annum 1126. Lucis jubar Ecclesiae Germanicae esse dixit.) Referam, (inquit Pater Serarius lib: 2. cap. 8. de Lutheri Magistro.) *Quoddam hic Moguntiae, Anno 1584. accidisse, & prudentibus, honestoque politico munere fungentibus, accepi.* Ad vicinas thermas venerat Saxoniae Illustrissimus Elector Augustus, acceptus à Reverendissimo Wolffgango in Arce Moguntina perhonorifice: habebat in comitatu, Lutheri filiorum Sapientissimum: coepit is pro naturaligenio, & inolita consuetudine, cum nonnullis perpotare; Vocatus interea est ab ipso Electore; an ut ab ebrietate, modestus eum Princeps avocaret; an ut aliud cum illo ageret, nescio: sed hoc ille peragere ferens, ad Compotatores conversus, agebat: Meus Pater, tot & tam Opulentos Episcopatus, & Abbatias, Principibus istis tradidit; nobis ipsi exiguum tantummodò Monasterium dederunt; & adhuc invident, si largiore nos haustu exhalaremus.

Ex dictis patet, immeritò Hussum à Luthero, & ejus Affeclis, vocari Sanctum, & Prophetam: & ob similes, imò & graviores rationes, multò minus pro Sancto & Propheta haberi debet Lutherus; licet in numerum Sanctorum & Prophetarum reponatur à suis, quin & à se ipso: dicit enim



*Lutherus  
se ipsum  
reponit in  
Cathalogum San-  
ctorum &  
Prophetarum.*

nim in Caput 5. Epist: ad Galat: *Letus ago gratias DEO, quod supra modum abunde mihi donaverit, quod olim Monachus petii, non ut viderem unum sanctum, sed multos, imò infinitos verè sanctos; non quales Sophistæ, sed Christus ipse & Apostolus fingunt, ac describunt; quorum & ego gratiâ DEI, unus sum.* Michæam se etiam, ac Isaiam Prophetam facit, & prophetat: ut visum supra. Quodsi tamen omnino urgeat, Hussum & se, reponi in Cathalogum Sanctorum; & Prophetarum: per me licet: reponatur sanè uterque, sed in eorum, de quibus ipse scribit (parcite aures honestæ) his verbis, tomo quinto Lat: Viteb: in cap. 15. Matth: *Sunt sancti concacati & merdosi: eorum enim sanctitas, consistit in cacando & mingendo: Sunt merdosi Prophete, quorum doctrina & justitia est merda, & oletum.*

*Novatorum va-  
riorum  
Prophetia.*

Appono hic Eruditionis gratiâ, & alias Pseudo-prophe-  
tarum evangelicorum mirabiles Prophetias. Michaël Stife-  
lius, Lutheri Discipulus, & Verbi ejus Minister, suis Paro-  
chianis ex Cathedra asseveranter & constanter prædixit,  
Anno 1533. certo die, quem ipse nominabat, fore finem  
Mundi: crediderunt suo Parocho miselli: alii gemere, ru-  
stici nolle laborare, nec agros colere, alii potare, & sua,  
quasi eis deinceps opus non foret, largiter consumere: alii  
Eucharistiâ, quasi morituri, se communire, pavidè expecta-  
re omnes. Venit dies; & quid tandem? Parturiunt mon-  
tes, nascetur ridiculus mus. fanaticum Vatem explosit po-  
pulus, eumque acculavit apud Lutherum; ursitque, ut eum,  
quasi impostorem puniret, ac ministeriò privaret: Lutherus  
cum Stifelio, quasi augur cum augure colludens, errore dis-  
simulato, populum increpavit, jussitque ut suum recipe-  
rent Ministrum, illique parerent, ab eo Verbum Dei audi-  
rent. Ità refert Chronic: German: Anno 1533. & Lau-  
rent. Surius, ac Cornel. à Lapide in Proœmio in Prophe-  
tas Majores. Ex schola Pseudo-phetae Lutheri, & alii plu-  
res

res emerferunt Pseudo-prophetæ : ut Thomas Muntzerus, qui se Gedeonem vocabat, & innumeros rusticos armaverat contra Principes Germaniæ, quod prædixerit certam victoriam, & se excepturum in manica omnes globos tormentorum bellicorum : & tamen post, cæsa sunt multa milia rusticorum ; Thomæque ipse captus & securi percussus. Itē David Georgius, novus Propheta emerfit in Frisia, Anno 1525. qui se prædicavit eximium esse Prophetarum & DEI Nepotem, ac Anno tertio post mortem resurrecturum, Regnum Israël restitutum. Michaël etiam Servetus, qui septem Libros de erroribus, plenos blasphemis, è Schola Lutheri exortus, nondum annos natus viginti quinque, jactabat se Orbis totius Prophetam. Nota itē et illa Historia, quæ contigit Anno 1535. Joannes Leidanus, Sartor, fanaticâ audaciâ cum suis Anabaptistis, Monasterium, Urbem Westphaliæ invasit & occupavit, Regem se, imò Messiam Novi templi in Sion indigitavit : instar Christi, 12. Apostolos & Prophetas, ad vicinas Urbes quaquà versum legavit, qui cunctos ad novum hunc Messiam colendum invitarent, imò DEI nomine citarent : eum recipientibus, aurea sæcula promittentes ; respuentibus, DEI iras, intentantes. Ibant illi Enthusiastæ, furore, imò Dæmone pleni, fundebant Oracula, minas : ac nè deesset altera Judith Holfernem obruncans, Hilla mulier ex Frisia, auro gemmisque gravis, urbe, ab Episcopo, Urbis Domino obsessa, egressa, Episcopum in sui amorem illicere, ac venenô necare destinabat : Sed prodita, temeritatis scelerisque poenas capite luit. Accessit & novus Samson, Joannes Mathison Harlemius, qui ipso Paschatis festo, à cælesti Patre sibi nunciatum dixit, exiret in obsidentis Episcopi Castra, futurum, ut ipse solus hostes funderet, cederetque : approbârunt Prophetæ omnes ; & ille bipenni instructus, egreditur, Statimque ha-

st.



stā transverberatus, corruit : Episcopus armata manu Urbem coepit, Hæreticos subjugavit, novos Prophetas trucidavit, Regem & Messiam Leidanum vivum, ex alta turri, crati vimineæ alligatum suspendit, eumque soli torrendum, muscis & avibus laniandum exposuit, vorandumque in prædam dedit. Et hæc ex parte innuisse sufficit, novorum s. vel 6. Evangelii Præconum, & Pseudo-prophetarum vaticinia:

## C A P U T X.

**A**Ssero decimo. Non est mirabile simpliciter, seu nullum est miraculum verum, quòd intrā breve tempus, multi adhæserint Lutherò.

**P**Ræmitto primò. Lutherus, & Prædicantes pro summè mirando seu miraculo reputant, quòd brevi tempore, plurimi ejus Sectam amplexi fuerint. Imò, quòd meritò mireris, Serenissimus Magnæ Britaniæ Rex Jacobus, Mariæ Stuartæ Gallorum ac Scotorum Reginæ, odio Fidei Catholicæ, ab Elisabetha, carnificis manu, interemptæ, filius, in sua Monitoria Præfatione, folio 116. asserit; absque miraculis fieri non potuisse, ut initio, tam pauci Lutherani & Calviniani verbi disseminatores, tantum efficerent.

*Quid mi-  
raculum  
proprie  
tale ?*

Præmitto secundò. Miraculum verum, propriè tale, non est quivis admirandus effectus, nisi valde improprie ut dum dicuntur, septem fuisse miracula mundi; sed propriè & strictè miraculum definitivè, Est Effectus, seu Opus, superans omnes vires creatas, saltè spectatò modò, quo fit, ideòque omnibus Creaturis est Opus mirabile. Miraculum enim dicitur. quasi admiratione plenum, quod scilicet, habet causam simpliciter, & omnibus occultam. Hæc autem est DEUS, ut loquitur

S. Tho-

S. Thomas 1. par: quæ: 105. arti: 7. Et Divus Augustinus lib: 26. contra Faustum cap: 3. ait. *Cum Deus aliquid facit contra cognitum nobis cursum solitum Naturæ, Magnalia, vel Mirabilia appellantur.* Quare verum miraculum, debet esse Opus mirabile omni intellectui potenti admirari, scilicet creato: hic enim solus est admirativus; cum non sit comprehensivus omnium Causarum; Tum quia si sufficeret ad esse veri miraculi, quod sit mirabile alicui tantum intellectui, tunc & Eclipsis solis, Lunæ, & similia, deberent esse vera miracula; miratur enim ea rusticus, non tamen Philosophus. Tum quia miraculum, est supremum inter entia mirabilia, adeoque est mirabile simpliciter: quod enim est supremum in aliquo genere, est simpliciter tale, ideoque mirabile omni intellectui creato. Porro, ad admirationem duo concurrunt. Primò, ut sit occulta Causa ejus, quod admiramur: admiratio enim, ut dicit Aristoteles, incipit ab ignorantia, & terminatur in scientia, quæ est cognitio rei per causam. Secundò, Ut illud, quod admiramur, appareat novum, & inexpectatum, eò, quod in Natura appareat dispositio contraria effectui illi: hinc quæ quotidie videmus, non admiramur, quamvis earum causas ignoremus: quia ex continua consuetudine apparet nobis, esse naturalis dispositio ad effectum, quem videmus. è contra Pueri facile admirantur: quia cum noviter sint in Mundo, ignorant plurimarum rerum causas; & insuper non habent consuetudinem illas videndi; Hinc item Creatio & Justificatio Impii, licet à Solo DEO fiant, non tamen propriè loquendo, Miracula dicuntur: quia ut dicit Sanctus Thomas locò suprà citatò: *Non sunt nata fieri per alias causas, & ita non contingunt præter ordinem Naturæ; cum hæc ad facultatem Naturæ non pertineant.* Ubi etiam addit: *Quodd, arduum dicitur miraculum, non propter dignitatem rei, in qua fit, sed quia excedit facultatem Naturæ; si-*



ra; similiter etiam, insolitum dicitur: non quia frequenter non eveniat (nam in Iprimitiva Ecclesia fiebant frequenter miracula) sed quia præter naturalem consuetudinem. His præmissis, Suprà posita nostra.

*Non est  
miracu-  
lum, quòd  
multi ac-  
cesserint  
Luthero.*

Probatur Assertio. Tum quia alias Ariana, Mahometana, & Calvinistica, sectæ, potiori jure non carerent veris miraculis; siquidem ad illas plures transferunt, quàm ad Lutheranam: Arius (inquit S. Hieronymus) una scintilla fuit; sed quia non statim oppressa est, totum Orbem ejus flamma populata est. Et. Ingemuit totus Orbis, se Arianum miratus est. Certè ad Arianismum intrà breve tempus, longè plures populi, Principes, & Reges accesserunt, quàm ad omnes Hæreses hujus temporis simul sumptas. Mahometanos quis dinumerare etiam potest? Tum quia ut bene olim Cancellarius Regni Angliæ, & inclytus Christi Martyr, Thomas Morus, respondit, scribens ad Pomeranum, idem miraculum Lutheri sibi objicenti: Ad propositam (inquit) vitæ licentiam, populum ruere, id habet tantam miraculi speciem, quantam, saxa deorsum ruere. Nullum certè miraculum est, quòd Natura humana corrupta, tendat ad prava, & placentia sensui & carni amplectenda Dogmata. Lutherus, molesta carnis auferendo, & habenas ad patranda flagitia, vitæque impuritatem laxando, traxit plurimos: Docuit enim impossibilem esse Observationem Legis Divinæ. Itèm. Impossibilem esse servatu castitatem: docuit; Non credere in Filium Unigenitum, esse unicum & solum peccatum in Mundo, propter quod Mundus judicetur: Solà itèm Fide habità, certò obtineri vitam æternam. Insuper multos è plebe ad se traxit abrogatione Confessionis exactæ auricularis; abrogatione jejuniorum, & Festorum plurimorum. Nobiles traxit, concedendo illis bona Ecclesiastica; docendo, illos esse supremos etiam in Spiritualibus; nec obligari ad decimas dan-

*Quibus  
mediis,  
multos ad  
se traxit  
Lutherus?*

das &c. Ex Clero, & Monasteriis multos pertraxit, dicendo, eos non obligari ad recitandas Horas Canonicas, nec ad cælibatum; imò impellendo ad incestas nuptias. Dicit enim Tomo 5. Viteb: Lat: ferm: de Matrimon: *Si quis extra, vel intrà cænobia, castitatem voverit; tuum Votum cum DEO pugnat, adeoque nihil est &c.* O! pulchram Ecclesiam (meritò exclamat Florimundus lib. 7. cap. 16.) quæ, obstetricante libidine crevit, cujus fundamenta, incestibus atque adulteriis innituntur! Hinc & Epicurus, quia carni placentia docuit, plures discipulos habuit; quàm longè alii ingeniosiores & Sapientiores Philosophi. *Epicuri disciplina* (inquit Lactantius lib: 3. Instit: Divin: cap: 16.) multò celebrior semper fuit; non quia veri aliquid afferat, sed quia multos ad popolare nomen voluptatis invitat: Nemo enim non in vitia pronus est, eaque vincere, difficillimum est. Insuper, doctrinæ novitate, multos ad se pellexit Lutherus: homines enim proclives sunt ad nova: audienda, & amplectenda, ideoque ipsemet Lutherus in cap: 19. Genes: ait: Arius, cum spargeret venenum suum in mundum, magno applausu acceptus est: quia adferebat aliquid novi, hætenus non auditum in Mundo; talia ferè initia omnium Hæresum fuerunt, obviis ulnis accepit eas mundus, & sic admiratus est, ac si priores Doctores, non fuissent puri.

Accedit, quòd licèt initio plurimi accefferint Lutherò; brevì tamen, ab ejus doctrina multi recesserunt. Andreas enim Carolstadius, juratus antea Lutheri amicus, & ejus in Doctoratu Promotor & Magister, non tantùm magnam Partem Lutheranorum, novus Hæresiarcha ad se traxit; sed insuper testatus est. Fidem Lutheranorum, finitem esse Magicæ Fidei Ariolorum & Dæmonum; se Davidem esse, qui Magnum Goliathum, Martinum, solo prostraverit &c. Multò autem plures retraxit à Lutherò Zwinglius, Calvinus, ac Bernhardus Rothman, Auctor Anabaptistarum: itèm Gaspar Syenckfeldius,

*Multorum  
recessus à  
Luthero.*

*Demus*

*Professus cum  
ed. 9. Biberla*

& alii.



& alii. Bene S. Augustinus in Enarrat: in Psal: 57. monet Catholicos: Non vos (inquit) terreant Fratres, quidam fluvii, qui dicuntur torrentes: hiemnaibus aquis implentur, nolite timere, post paulum transit, decurrit aqua, ad tempus perstrepit, mox cessabit, diu stare non possunt. Multæ hereses jam emortuæ sunt, cucurrerunt in rivis suis, quantum poiuerunt; decurrerunt, siccati sunt rivi, vix eorum memoria reperitur, vel quia fuerint. Ubi nunc enim Ebionitæ, Eutychiani, Macedoniani? &c. imò & Lutheranismus non adeo pridem exortus, jam quotidie, ut evidens est, in majores angustias & paucitatem, contrahitur.



TRA-



# TRATATUS SECUNDUS.

Exponuntur verè Admiranda Lutheri mendacia, atque Convicia, lata in Sanctos Patres, Sacra Concilia, Sanctum Moysen, & Libros Scripturæ Sacræ. Itèm Admiranda ejus Superbia, & Maledicentia.

## CAPUT I.



Spero primo Admiranda sunt Lutheri Mendacia.

**P**Robatur. Quis enim prudens Christianus Lector non miretur, tanta (ex aliis innumeris, quæ prætereo) mendaciorum portenta, à Luthero etiam typo mandata? Certum est inquit Lib: adversus Papatum) Papam, & Cardinales, cum sua Sycophantica schola, nihil prorsus credere, & ad mentionem

*Mendacia  
crassa Lu-  
theri. de  
Papa &  
ei adhe-  
rentibus.*



de Fide Christiana factam, videre. Imbiberunt hanc opinionem, nullum esse Deum, nullum infernum, sed nos vivere ac mori; ut boves, & porcos, & alias bestias. Tam enormibus mendaciis, quidnam potest esse mendacius?

Ibidem. Papa dicit: Christus est ebrius, stolidus, fatuus, & oblitus, quantam potestatem ligandi, cum clavibus mihi tradiderit.

Ibidem. Papa dicit: Qui non adorat ventris mei crepitus, peccatum mortale committit, & dignus est inferno.

Ibidem, id est in libro adversus Papatum. Certus scio, nostros pueros, sive catechumenos, hoc est qui Catechismum didicerunt, doctiores esse Cardinalibus, & totâ Curia Romanâ, cum omnibus eorum sectam sequentibus.

Ibidem. Si Decretales Papales, à fronte ad calcem usque evolvantur; non invenitur nè una litera quidem, quæ doceat, quid fides? aut quomodo Christiana vita instituenda sit.

In Lib: de Ecclesia. Papa, Scripturam Sacram in cæno & pulvere sepeliit, & doctrinam Christianam penè integram delevit.

In Colloq: tit: de morte. Monstrate mihi unum locum de Justificatione Fidei in decretis, decretalibus, Clementinis, sexto, Extravagante, in omnibus scribentibus sententiarum, in omnibus Statutis omnium Synodorum, in toto Hieronymo, & Gregorio, in omnibus Statutis Conciliorum, in Omnibus Disputationibus Omnium Theologorum, in omnibus Lectionibus omnium Universitatum, in tota Curia Papæ, & in omnibus Curiis Episcoporum. Quanta congeries Lutheri crassissimorum mendaciorum! ut patet aliquomodo revolventi, à Luthero citata monumenta: imò ipsum etiam principium Decretalium est de Summa Trinitate, & Fide Catholica ad Justificationem necessaria: fatemur tamen nihil esse in Libris Catholicorum, de Justificatione solius Fidei, sinè Charitate (in adultis) & bonis operibus.

Tomo 1. Viteb. impresso, 1582. fol. 41. Sophistæ Papista non intelligunt quid sit peccatum, fides, Christus, Lex, charitas, & omnia quæ loquuntur. Super

De Decretis Pontificum, Conciliorum, Patrum.

De Catholicis.

Super Evangel: de Festo Annuntiat B. Virginis. Papi-  
stæ, Virginem Mariam, Deum constituunt.

In cap. 24. Genes: Papa, & Canonistæ, non docent, nec ju-  
bent ducere uxores, sed rapere.

Tomo sexto in Cap. 29. Genesis. Papistæ, etiamsi jeju-  
nant, abstinent à conjugio, murmurant in templis, tamen in precibus  
eorum nullus spiritus, nullus affectus, nullus cultus DEI est: plena sunt  
omnia avaritiâ, idololatriâ, inani gloriâ, & contemptu DEI.

In Colloq: tit. de Jure Pontificio. Jus Pontificium, quod  
omnes Juristæ testantur, est Liber turpissimus.

Tomo primo Epist: 47. Propè est ut jurem, nullum esse  
Theologum Scholasticum, qui unum Capitulum Evangelii, vel Biblicæ  
intelligat, præsertim Lipsiensem; imò nec Philosophi Aristotelis, unum  
Capitulum.

Epist: 36. Ostendi ego, nec Thomam, nec omnes Thomistas si-  
mul, vel unum in Aristotele Capitulum intellexisse. Petii ut constatis  
omnibus viribus Thomisticæ Eruditionis, definirent mihi, quidnam esset  
implere mandata Dei; Scio inquam, nullum esse Thomistam, qui id sciat.

In expositione in Psal: 22. Thomas, cum omnibus Thomistis,  
Universisque Scholasticis Doctoribus, unius Capituli, vel in Paulo, vel  
in Evangelio, vel quocunque Libro Scripture, intelligentiam germanam  
& legitimam nunquam aut habuit, aut docuit; ut evidens est ex-  
perientia.

In Epist: ad Wolffgangum. Monachi, in suis votis Mona-  
sticis, spem suam habent positam: Christi, & Fidei obliti planissime.

In Libro, Anno 1521. scripto, contra Latomum. Nec  
est (inquit Lutherus) quoddam mihi homousson illud objectes, adversus  
Arianos receptum, non fuit receptum à multis, usque præclarissimis  
(insignis falsitas: nam omnes Orthodoxi, illud vocabulum  
perlibenter acceptarunt) quod & Hieronymus optavit aboleri. I-  
terum insignis falsitas, solum de nomine Hypostaseos, Da-  
masi sententiam exquisivit: nam hæc vox Hypostasis, tem-  
pore

*Theologis.*

*Drvo Tho-  
ma, &  
Thomistis.*

*Sancto  
Hierony-  
mo.*



pore S. Hieronymi, non fuit trita in Ecclesia; unde metuit, ne quid veneni, sub trium Hypostaseon appellatione delitesceret: Scribendoque ad Damasum Papam, ita concludit: *Obresor Beatitudinem tuam per Crucifixum, Mundi Salutem, per Homousion Trinitatem, ut mihi Epistolis tuis, sive tacendarum, sive dicendarum Hypostaseon detur Auctoritas.* Itē Anno 1539. scripsit Lutherus Librum de Conciliis & Ecclesia, & vulgavit, in quo denique falsò asserit, Hieronymum lamentabiliter postulasse, ut vox Homousii exploderetur.

In Symp: Colloq: titul: de Linqvis. *Septuaginta Interpretes, qui Hebraica Biblia in Græcam linguam transfulerunt, Hebraicæ linguæ imperiti, expertesque su're: Hieronymo Summam injuriam irrogat, quicumque illum pro Hebræo habet.* 70. Interpretes nati fuerunt Hebræi; & inter suos doctissimi: & linguæ nativæ expertes fuisse credemus? S. Hieronymum fuisse linguæ Hebrææ peritissimum, testantur omnium ætatum eruditi: inter quos S. Augustinus lib: 18. de Civit: Capit: 43. ait: *Non defuit temporibus nostris Presbyter Hieronymus, homo doctissimus, & trium linguarum peritissimus, qui ex Hebræo in Latinum, Divinas scripturas convertit, cujus tantum literarum laborem, Hebræi fatentur, esse veracem.* Et S. Isidorus lib: 6. Etymol: cap. quinto dicit: *Presbyter Hieronymus, trium linguarum peritissimus (scilicet Latinæ, Græcæ, Hebraicæ) ex Hebræo in Latinum eloquium, Divinas scripturas convertit, eloquentérque transfudit: cujus interpretatio, merito cæteris anteponitur.* Idem testantur & alii plurimi. Et unus Apostata, Hebraicæ linguæ inscius, negat, sinè ullo fundamento; & huic credemus?

*Religio-  
sis.*

Tomo 4. Jenensi German: in Explicatione Decalogi ex Cap: 19. & 20: Exod: dicit: Bernardum, sub vitæ finem agnovisse, opera quæ fecerat, tot jejunia, quæ jejunarat, tot disciplinæ asperitates, quas sponte susceperat, totamque vitam Monasticam, nullius esse momenti apud Deum. *Falsi-*

fiſſimum eſt. In Cap. 45. Geneſi: ait: *ſi quæras, cur jeju-  
nent Auguſtinus, Bernardus, & alii? cur corpus macerent? cur fla-  
gellis cædantur? hanc adferunt cauſam, ut mereamur exaltari ſupra  
alios in Regno Cælorum. Grandis falſitas: Tomo 2. lat: Col-  
loq: tit: de Patribus. Hieronymus, neque de Fide, Spe, Charita-  
te, neque de Operibus fidei, ullibi loquitur.*

Tomo 2. Novorum Operum pag: 453. in Cap. 1.  
Joan. falſò aſſerit, Monachos, & animò & cogitatione talem  
Deum concipere, ac informare, Cui, in cælo nihil aliud ſit  
negotii, quàm, ut Sartoris inſtar, cappas & plattas, cingula, & ci-  
licina induſia; & ligneos calceos faciat; quos, qui induat, is, non  
ſolùm ſibi, ſed & aliis cœlum acquirat.

Aſſeruit Lutherus, Æſopi fabulas & Catonis ſcripta, eſ-  
ſe libros, quibus nullus, poſt librum Sacræ ſcripturæ utilior  
exſtet, ut refert Matthæſius Prædicans Conc: 6. de Actis  
Lutheri, & Aurifaber in Colloq: ſympo: Tomo primo pro-  
pe finem. Itane Æſopi fabulæ & Catonis ſcripta, utiliora  
ſunt Eccleſiæ, quàm Patrum Sanctorum Libri & Concilio-  
rum Decreta?

*Scriptis  
Sancto-  
rum Pa-  
trum.*

In Præfat: lib: de Moribus Turcarum, ſcripſit: Ego pla-  
nè credo, nullum Papiſtam, Monachum, Clericum, aut eorum fidei So-  
cium ſi inter Turcas tridud agerent, in ſua fide manſurum, loquor de  
iis, qui ſerid fidem Papæ colunt, & optimi inter eos ſunt. Quanta  
falſitas! quàm plurimi ſemper, etiam nunc, tam Laici, quàm  
Religioſi, inter Turcas plurimo tempore verſantur, ſinè Fi-  
dei jactura.

*Eccleſia-  
ſticis.*

Scripſit Lutherus in Aſſert: Articuli: 25. *Qui ſemel men-  
titur, hic certiffimè ex Deo non eſt, & ſuſpectus in omnibus habetur:*  
Itẽm in lib: contra Emſerum Tomo 7. German: fol: 150.  
Edition. Viteberg. per Joan. Luſſt 1554. *ſi ſemel deprehende-  
rer mentitus, jam tota mea doctrina, & honor fidei, & fidelitas, fi-  
nem penitus haberet: unusquiſque me pro nequam, & infami nebulo-*



ne (ut æquum est) habiturus esset. Et en tot ejus falsitates, & enormia mendacia, in hoc Capite, & alibi recensita sunt, & adhuc ei credemus ?

## C A P U T II.

**A** Ssero secundò. Admiranda sunt Convicia à Luthero lata in Sanctos Patres.

*Convicia  
gravia in  
S. Hiero-  
nymum.*

**P** Robatur. Tomo 2. Lat: Colloq: Tit: de Patribus ait: Hieronymus nihil boni scripsit, neque censeo eum numerandum inter Doctores Ecclesiæ, quia fuit Hæreticus. Nihil de Christo tractat, nisi quoddam nomine utitur. Nullum inter Scriptores in Odi, ut ipsum: tantum de jejuniis, cibis & virginitate scripsit. Si tamen urgeret Opera Fidei, aliquid esset. Sed neque de Fide, Spe, Charitate, neque operibus Fidei loquitur: Legi potest propter historiam, de Fide enim & vera Religione ac doctrina, nè verbum quidem in ejus operibus exstat. Et Tomo 4. Latino Jenensi in Commentario super Psal. 127. Jovinianus, plùs Eruditionis & judicii habuit in uno digito quàm Hieronymus in toto corpore. Pestilentes sunt ejus libri contra Jovinianum. Item, ut refert Matthæus Conc: 12. de Actis Lutheri, hoc effutijt. Hieronymus, bonus ille Pater, & Nonnarum Encomiastes, parum intelligit de Christianismo. Demum in cap. 22. Genes: Tomo 10. Viteb: Germ. dicit: Impia & maledicta est vox Hieronymi (commendantis vitam Monasticam) pro qua, potiùs te Hieronyme contemnimus, & conculcamus pedibus, unà cum Bethlehem, cucullo & deserto.

*Judicium  
præclarũ  
Orbis Or-  
thoxi de  
S. Hiero-  
nymo.*

Longè aliter totus Orbis Orthodoxus sensit de S. Hieronymo. Gelasius Papa cum septuaginta Episcopis Anno 494. in Concilio Romano dixit. Illa sentimus, quæ Beatissimum Hieronymum sentire cognovimus. S. Severus Sulpitius Bituricensis Archi-Episcopus, Dialogo 1. de Virtutibus Monacho-

chorum Orientalium scripsit; Hieronymus, Vir, præter Fidei meritum, dotemque virtutum, non solam Latinis, atque Græcis, sed & Hebræis etiam, ita literis institutus est: ut se illi in scientia nemo audeat comparare. Per totum Orbem legitur: Ego apud Hieronymum, sex mensibus fui, cui jugis adversus malos pugna, perpetuumque certamen, concivit odia perditorum; Oderunt eum Hæretici, quia eos impugnare non desinit, quia vitam eorum insectatur & erimina: sed planè eum, boni omnes admirantur & diligunt: Nam, qui eum Hæreticum arbitrantur, insaniunt. Verè dixerim, Catholica hominis scientia, sana doctrina est: totus semper in lectione, totus in libris est: non die, non nocte requiescit; aut legit aliquid, aut scribit. S. Augustinus ad eum scribens Tomo secundo Epist. 28. petit se ab eo instrui de natura & origine Animarum. Sancte Hieronyme, noli me (inquit) spernere, doce quæso, quod doceam, doce, quod teneam. De quo Cassianus Lib: 7. de Incarnat. Verbi, contra Nestorium ait: Hieronymus, Catholicorum Magister: cujus scripta per universum Mandum, quasi Divinæ Lampades rutilant. Tanta Viri hujus fuit Sanctitas, ut totus Mundus, ante Lutherum, coluerit eum, ut Sanctum, & Sancti nomine appellaverit: tanta fuit Eruditio, ut commune fuerit Orbis Oraculum, dicique consueverit: Neminem scisse, quod Hieronymus ignorabat. Ejus libri contra Jovinianum, & unus libellus contra Helvidium Hæresiarchas, longè plùs Doctrinæ & Eruditionis continet, quàm omnes tomæ Lutheri. Placuit Luthero Jovinianus Monachus, Hæresiarcha; quia ei viam monstravit explendæ libidinis, negans cum Helvidio, Virginitatem præstare Matrimonio; displicuit S. Hieronymus, & Apostasiæ ac Hæresis eum arguit, quia ei aditum ad incestas nuptias occlusit, ut patet legenti, tum ab eo scriptos Libros contra dictos Hæresiarchas: Tum Epistolam 57. ad Damasum Papam in qua leguntur hæc: Ego nullum primum, nisi Christum sequens; Beatitudini tuæ, id est

*Cur Luthero placuit Jovinianus, displicuit Divus Hieronymus?*



Cathedræ Petri communione confocior. Super illam Petram, edificatam Ecclesiam scio: quicumque extra hanc Domum, Agnum comederit, profanus est. Si quis in Arca Noë non fuerit, peribit regnante diluvio. Et Epist. 58. Ego clamito, si quis Cathedræ Petri jungitur, meus est. Item libro adversus Luciferianos sub finem. Brevem tibi, apertamque animi mei sententiam proferam. In illa Ecclesia esse permanendum, quæ ab Apostolis fundata, usque ad diem hanc durat. Sic ubi audieris, eos, qui dicuntur Christi, non à Domino Jesu Christo, sed à quopiam alio nuncupari; ut puta, Marcionitas, Valentinianos, Montenses sive Campitas (Lutheranos, Calvinistas &c.) scito, non Ecclesiam Christi, sed Antichristi esse Synagogam. Ex eo enim ipso, quod postea instituti sunt, eos se esse indicant, quos futuros Apostolus 1. Tim. 4. prænuñtiavit. Nec sibi blandiantur, si de Scripturarum Capitulis, videntur sibi affirmare, quod dicunt: cum & Diabolus de Scriptura aliqua sit locutus, Matr. 4. & Scripturæ non in legendo consistunt, sed in intelligendo. Et ob rationes similes, graviter displicuerunt Luthero, & alii Patres gravissimi & antiquissimi, sanctitate, vel eruditione omnigena vel ex utroque, toti Orbi conspicui.

Scriptit olim idem S. Hieronymus (Epist. 25. inter Epistol. Augustini) Divo Augustino. Maestè virtute in Orbe celebraris! Catholici Te Conditorem antiquæ rursus Fidei venerantur, atque suspiciunt, & quod signum majoris gloriæ, omnes Heretici detestantur, & me pariter prosequuntur odiò, ut quem gladiis nequeunt, votò interficiant. Sic majoris gloriæ est Sancto Hieronymo, aliisque Sanctis Patribus & Doctoribus infra citandis, quod inter ceteros Hereticos, odiò eos etiam prosequatur Lutherus, amicus Veneris & Bacchi. Utique teste Divo Hieronymo in Caput 3. Jeremiæ: Nulla heresis, nisi propter gulam ventremque construitur, ut seducat Mulierculas eneratas peccatis.

In Colloq. mensal: tit: de Patrib: Chrysostomus, nullius apud me est ponderis, tantummodò rabula est. Item. Chrysostomus, cum

Convicia  
Lutheri in  
Sanctum  
Chrysosto-  
mum.

cum eloquens & loquax esset, magnam sibi peperit existimationem, magnique ab omnibus habebatur: Multos Libros componebat præclaros specim, sed nihil erant, nisi rudis & indigesta moles, chaos immensum, saccus verbis refertus, quibus nihil subest. Cum tamen à Magnis Viris proditum sit, quodd S. Paulus Apostolus, scribenti & prædicanti multa dictaverit, imò hujus rei Oculatus testis est Proclus, qui postea factus est Episcopus Constantinopolitanus: Sanctus verò Petrus, & Sanctus Joannes, Clavem & Librum ad scripturas intelligendas eidem dederint, sintque verè aurea scripta hujus Doctoris aurei. Credo, Quodd Lutherum Monasticæ Vitæ summum calumniatorem, ac incestuosum Apostatam, ad tam impiam Censuram de S. Chrysostomo latam, rabies & odium impelerit, eò, quia ille Magnus Ecclesiæ Doctor, libros tres conscripsit contra Vituperatores Vitæ Monasticæ, & Epistolas aureas duas ad Theodorum lapsum Monachum, volentem Matrimonii larvâ obtegere suas Sacrilegas nuptias.

Ibidem in Colloqui: *Basilii*, prorsus nihil valet, totus est Monachus, nè pilo quidem eum emerim. Sed è contra, Sanctus Nazianzenus in Monodia, eum meritò vocat: *Virum Sanctissimum, & summum in cunctis scientiis*. Universa etiam Ecclesia Orthodoxa, Basilium, fuisse Magnum Doctrinâ & Sanctitate, artèque debellandi Hæreticos, præsertim Arianos, & Eunomianos, testatur.

Ibidem. Cyprianus, infirmus est Theologus. Ambrosius, sex libros scripsit super Genesim, sed quàm Jejunos! Augustinus nihil singulare habet de Fide. Et titul. de lib: Multi Libri Augustini, nihil sunt.

In Caput 49. Genesis. Gregorius (nempe Magnus) qui Episcopus fuit ante Tyrannidem illam Pontificatus, admodum tenuiter cognovit Christum & Verbum Evangelii.

In Colloq: Titul: de Scholasticis Theologis. Dionysius

*In S. Basilium.*

*In SS. Ambrosium & Augustinum.*

*In S. Gregorium Magnum.*

*In S. Dionysium.*



(intellige Areopagita) multum garrit de Divinis Nominibus, De Cœlesti & Ecclesiastica Hierarchia, sedest tantum pura fabula. Et in lib: de Captiv: Babyl: In Dionysio, ferme nihil est solidæ eruditæ-  
nis, nam quæ in Cœlesti Hierarchia, de Angelis comminiscitur, sunt  
propè Somnii simillima.

*In S. Ber-  
nardum*

In Colloq. tit: de Patribus. Bernardus, superat omnes Do-  
ctores Ecclesiæ, quando prædicat, sed quando disputat, fit alius homo:  
ibi nimium tribuit præcepto & libero arbitrio, & sæpe sibi contraria-  
tur, & oppugnat id, quod antea docuit.

*In Docto-  
rem An-  
gelicum.*

Libro contra Latomum. De Thoma Aquino, an damnatus  
vel Beatus sit, vehementissimè dubito. citius Bonaventuram crediderim esse  
beatum. Thomas, multa Hæretica scripsit, & Auctor est regnantis Ari-  
stotelis, Vastatoris piæ Doctrinæ. Et libro Contra Catharinum.  
Thomas, revera Hæretica docet, & planè Christi doctrinam vastat, ni-  
hil in eo olfit spiritus. Et In Colloq. tit. de Schol: Theol:  
Thomas Aquinas est loquax & garrulus. Tomo quinto Lat: Vi-  
teb: in Caput: 3. Epistolæ S. Petri: Thomas Dominicanus, cu-  
cullatus impudentissimus, ausus est (inquit excucullatus blasphemus  
Hæresiarcha) mentiri, institutum Paparum & Monachorum,  
præstabilus esse communi Laicorum institutò. Itèm in Psal: 22.  
Thomas est Anticristi Apostolus. Demum de Exaltatione S. Cru-  
cis. in Concione: ait: Thomæ de Aquino, ad aurem appingitur  
columba, arbitror juvenem diabolum. Ità diabolò plenus Luthe-  
rus, de Viro Angelico & Sanctissimo.

*In varios  
Sanctos &  
subtilem  
Scotum.*

In Colloq. tit. de Patribus. Macarius, Antonius, Benedictus,  
(vitæ Sanctimoniæ, Prophetiæ donò, miraculis, & aliis cœ-  
lestibus donis, Orbi universo notissimi) cum suis Monachismis,  
magnum & notabile damnum, Ecclesiæ intulerunt.

In Colloq. tit: de Schol: Theol: Scotus, Bonaventura, Tho-  
mas Aquinas, fuerunt otiosi homines. Siccine otiosi, qui tot do-  
ctissima, Ecclesiæque multum proficua conscripsere volumi-  
na? Si otiosi? cur ergo ipse idem Lutherus Lib: contra  
Catha-

Catharinum, appellat S. Bonaventuram, *sanctissimum virum & incomparabilem, in quo multum fuit spiritus.* Item. In Resolutionibus suis, de Indulg: sæpè, *Beati & Sancti* titulò, Thomam & Bonaventuram exornat, & Insignes Viros nominat? Universus verò Orbis testatur Orthodoxus, S. Thomam, esse Doctorem, vità, Sapientià, Scriptionis claritate, & sublimitate Angelicum: S. Bonaventuram, esse Doctorem Seraphicum: Venerabilem Scotum, esse Doctorem subtilem: Is tamen (inquit Ingeniosus Petrus Labbe, in Elogiis Sacris) subtilis esse non posset, nisi Angelicus esset.

De Patribus autem in Communi, inter alia dixit & scripsit Lutherus hæc.

In Colloq: Mens. tit: de Patribus. *Auctoritas Patrum, Auctoritatem Scripturæ, valde obscuravit & depressit. Nulla est Expositio Patrum ad Romanos & Galatas, in qua aliquid purum & sincerum reperiatur.*

*Generaliter in Omnibus Sanctos Patres.*

Cùm Erasmus, contra Lutherum in Diatribe de libero arbitrio, produxisset, SS. Basilium, Chrysostomum, Cyrillum, Damascenum, Cyprianum, Hilarium, Ambrosium, Hieronymum, Augustinum, eosque, à vitæ Sanctimonia, & eruditione commendasset. Respondit Lutherus in libro de Servo arbitrio contra Erasinum. *Si Urgeam, & postulem, quænam inter omnes illos, quos jactas, certò possis monstrare Sanctum fuisse, vel esse, aut spiritum habuisse, aut vera miracula edidisse, arbitror te multum, sed frustra sudaturum esse.* Et tamen in Caput 5. Epistol: ad Galat: scripserat; quòd postquam Monachus esse desiit, viderit infinitos verè Sanctos & se, ex illis unum esse. Et libro Contra Latomum ait: *At, Sancti fuerunt, (id est Patres Ecclesiæ) & scripturas elucidarunt, inquis? Quis & hoc probavit, Scripturas esse elucidatas ab eis? Quidsi obscurarunt?*

Melanthonem, suum Grammatistam, ausus est Lutherus

*Judicium Lutheri.*



*de Melan-  
thone, qui  
tamen Cal-  
vini Ca-  
stis ac-  
cessit.*

rūſ præferre omnibus Sanctis Patribus, & eum facere pro-  
ximum S. Paulo Apostolo. Nam in Præfatio. in Annotati-  
ones Melanthonicas, super Epistolam ad Romanos, editas  
Argentorati Anno 1523. affatur Lutherus Melanthonem sic:  
*Sola scriptura, inquis, legenda est, citra Commentaria. Rectè de Hie-  
ronymo & Origine, & Thoma, hisque similibus, dicis: Commentaria  
enim scripserunt, in quibus sua potius, quàm Paulina, aut Christiana,  
tradiderunt. Tras Annotationes, nemo Commentarium appellet, sed In-  
dicem dumtaxat legendæ Scripturæ, & cognoscendæ Christi: id quod  
hactenus, nullus præstitit Commentariorum, qui saltem exstet (scilicet  
ad Lutheri palatum & sensum, nullus melius, hoc est Lu-  
theranius in Divum Paulum scripsit, quàm Melanthon, ut  
bene notat Cornelius à Lapide in Proœmio in Epistolas  
Sancti Pauli) Quin volumus Paulo suam quoque gloriam salvam, nè  
quando jactet aliquis, Philippum esse Paulò superiorem, vel æqualem;  
sufficit, te proximum Paulo esse. Itèm, Melanthonis libellum  
de Locis Communibus, asserit Lutherus libro de servo ar-  
bitrio) Canone Ecclesiastico dignum esse. Cùm tamen has An-  
notationes suas, & illum Libellum, ipse Melanthon, plerif-  
que in locis postea, erroris condemnaverit. Nam sæpè u-  
trumque excudi fecit, multa detrahens, addens, mutans,  
corrigenſ: ut postremi illi libelli, cum primis, nulla ferè in  
parte convenient, Teste Prateolo. Accessitque Melanthon  
Calvino in doctrina de Eucharistia, ut fatentur Joachimus  
Morlinus Lutheranus Prædicans, & Schluffelbergius lib: 2.  
de Theol: Calvin: pagina 95. Smidelinus, & alii: imò & ipse  
Calvinus idem testatur in suo libello contra Joachimum  
Westphalum. Melanthon etiam ipse, in Locis suis Argen-  
torati, Anno 1523 impressis, scripsit: *Patrum Commentarios in  
scripturas, fugiendos esse velut pestem, solamque Scripturam lectitandam  
esse. Et Smidelinus, ut refert Sacramentaria Historia ad An-  
num 1523. Memmingæ, in Imperiali Svevorum Civitate, di-  
xit;**

*Novato-  
rum Judi-  
cia de  
Sanctis  
Patribus.*

xit ; se unum folium in Luthero , præferre omnium Patrum scriptis. Pomeranus item , qui Lutheri ætate fuit Pastor Vitebergensis , ejusque amicissimus , in Caput 2. Petri evomuit hæc : *Non debetis Patribus credere , quia ex uno ore , frigidum & calidum efflant.* Verum contra impiam , & palmariter mendacem censuram , utor verbis S. Augustini lib: 2. contra Julianum , & lib: 1. contra eund. Capite secundo. *Usque adeo permiscuit imis summa longus dies ; usque adeo tenebræ lux , & lux tenebræ esse dicuntur , ut videant Pelagius , Cælestius , Julianus , (Lutherus , Melanthon Smidelinus , Calvinus &c.) & cæci sint , Hilarius , Gregorius , Ambrosius , Hieronymus , Basilius , Chrysostomus , Cyrillus , Thomas &c.* I nunc , & Sanctæ Ecclesiæ , tot tantisque Doctores , qui vita optimè gesta , debellatisque suorum temporum erroribus , Gloriosissimè de hoc sæculo , antequam ebulliretis , exierunt , tanquam securus insulta. Utor & verbis Joannis Cassiani , Sancti Joannis Chrysostomi olim Diaconi , & Discipuli , Libr: 7. de Incarnatione cap: 30. *Tu ò impiissime atque Impudentissime Nestori (addo , Luthere , Melanthon , Calvine &c.) præclare Urbis Contaminator , Catholicæ ac Sanctæ plebis , gravis & exitiosa contagio , stare in Ecclesia DEI , ac loqui audes , & blasphemis ac furiosis vocibus tuis , Sacerdotes semper illasæ Fidei , & Catholicæ Confessionis infamas : Magistrorum priorum vitio plebem Constantinopolitanæ Urbis (Orthodoxi Orbis) errare ? Tu ergo emendator priorum Antistitem ? Condemnator Veterum Sacerdotum ? Tu Gregoriò excellentior : Tu Nestariò probatior ? Tu Joanne (Hieronymò , Basiliò , Augustinò &c.) præstantior ? omnibus Orientalium (imò & Occidentalium) Urbium Sacerdotibus ? qui eisi non ejusdem Nominis , cujus hi , quos nominavi , ejus tamen Fidei fuerunt ? Invecti sumus (scribit Vincentius Lirinensis , æqualis Cassiani , in Libello de profanis vocum Novitatibus cap. 42.) in Nestorii sceleratam præsumptionem (Quidni multò magis scelerata , nuncupanda est Lutheri præsumptio & contra eam insurgendum ? ) quòd Sacram Scripturam , se primum , & solum intelligere , & omnes eos ignorasse jactaret , quicunque ante se Magistrii munere præditi , Divina Eloquia*

*Defenditur  
Autoritas  
SS. Patrum.*



tractavissent: Universos scilicet Sacerdotes, Universos Confessores, & Martyres, quorum alii explanassent Dei Legem, alii verò explanantibus consensissent vel credidissent. Totam postremò etiam nunc errare, & semper errasse asseveraret Ecclesiam, quæ, ut ipsi videbatur, ignaros, erroneosque Doctores, & secuta esset, & sequeretur. Cùm tamen Christus, eos Pastores, & Doctores dederit Ecclesiæ suæ, eorùmque unanimum doctrinam, ut sequantur alii omnes fideles, præceperit, dicendo: Lucæ 10. Qui vos audit, me audit, & qui vos spernit, me spernit, unde certum est, quòd omnes collectivè sumpti Doctores, & Pastores Ecclesiæ, errare non possint, circa aliquod dogma Fidei.

### C A P U T III.

**A** Sfero tertio Admiranda sunt Convicia Lutheri lata in Sacra Concilia.

*Convicia  
Lutheri  
generaliter in  
Concilia.*

**P**Robatur. Carolus quintus Imperator in Edicto suo contra Lutherum dato Wormatiæ, 8. Maji Anno 1521. inter alia sic Apud Florimundum fol. 101. habet: Certissimò & omni exceptione majori testimonio nobis constat, quòd pollutissimo & scelestissimo ore propalari non est veritus Lutherus: Res Evangelii & Catholice Fidei nunquam fuisse in Conciliis Generalibus bene tractatas. Et in Articulo 115. ex illis quingentis, quos Cochleus collegit ex Libris Lutheri, sic ait: Capite hoc Evangelium, quia neque Papa, neque Conciliis, neque ulli hominum commissum est, ut constituat & concludat, quid sit Fides: ideo debeo dicere: Papa tu conclusisti cum Conciliis, nunc nos habemus, judicium num acceptare velimus, aut debeamus nec ne? Quare? Quia Papa non stabis pro nobis, non respondebis pro nobis, quando moriendum nobis est. Et falsam doctrinam nemo judicare potest, nisi Spiritualis homo: ideo res est insana, quòd Concilia concludere & statuere volunt, quid credendum sit, cùm sæpè nullus vir sit ibi, qui Divinum Spiritum vel modicum olfecerit.

Tomo

Tomo 3. Viteb: fol: 397. Parte prima §. 2. In formula Missæ: *si quod Concilium* (inquit) *statueret, aut permitteret utramque speciem, nos nequaquam utraq̃ue uti vellemus; sed in despectum Concilii, ejusque Statuti, aut unâ, aut neutrà & minimè utraq̃ue uti vellemus: Maledicturi Universos, qui ex potestate aut Statuto Concilii, utraq̃ue uterentur.* Et in Epistol. ad Nobilitatem Germanicam. ait: *si de Sacerdotum conjugio aliquid statuere atque indulgere voluerit Concilium: se Sacerdotibus permitturum, ut potius tria scorta habeant, quàm unam uxorem ducant: Itèm in cap: 21. Genesis: Quod Auctoritatem Patrum, Augustini, Gregorii, itèm Conciliorum prædicant: Respondemus: Nihil illa ad nos, nos verbum requirimus: Augustinus, & Concilia non sunt Verbum: non igitur in ipsorum viis ambulabimus, secundùm Christi dictum: In vias Gentium nè abieritis.*

In libro de Conciliis Dicit Lutherus, se non intelligere Spiritum Sanctum in Concilio Nicæno primo, in quo Arius damnatus est, fuisse: cùm & castrationem prohibeat & contubernium fœminarum, rationeq̃ue hujus prohibitionis ausus est (ut refert Aurifaber in Mens. Colloq. lib. c'e Matrimonio) vocare Patres Concilii Nicæni, Magnos Stupidos. Cùm tamen judiciò totius Antiquitatis, fuerint illi Patres, Flos Christianæ Religionis, pietate & doctrinà præstantissimi. Ibidemque dicit, Nestorium & Eutychetem (Hæresiarchas) ex inscitia aliqua, & in modo loquendi lapsos: aliàs utrique zelum bonum, animum sincerum, & fidem bonam tribuit: totam verò causam tumultus in Episcopos Catholicos, qui eos in Concilio Ephesino & Chalcedonenfi damnarunt rejicit. Itèm Lutherus ait in eodem lib: de Conciliis: *Majus lumen accedit doctrinæ ex Catechismo puerili, quàm ex omnibus Conciliis* - Et quid opus est verbis? etiamsi omnium Synodorum decreta possint per infundibulum demitti in tuum corpus, tamen nondum esses Christianus, quia nimis parùm conferunt.

*In Concilio Nicæno*

*In Ephesino & Chalcedonense.*

*In Con-  
stantien-  
se.*

Concilio Constantiensi (in quo fuerunt Patriarchæ quatuor, Cardinales 29. Archiepiscopi 43. Episcopi 160. Abbatum & Prælatorum magnus numerus, aliique celeberrimi ex variis Nationibus & Academiis Parisiensi, Oxoniensi, Pragensi viri & Doctores) quàm insensus fuerit Lutherus testatur Carolus quintus in suprâ profato Edicto de Luthero dum ait: Jam verò Sacro-sanctis Conciliis palàm contradicere & pro suo arbitratu detrahere non erubescit: è quibus potissimum Constantiense illud, quod cum perpetua Inclytæ Germanicæ Nationis gloria, pacem & tranquillitatem dissidenti Ecclesiæ dedit, ità ubique mordet & impuro sceleratòque ore lacerat, ut in magnum Universalis Ecclesiæ dedecus, & offendiculum, sed Germanicæ præsertim Nationis opprobrium & ignominiam, Concilium ipsum, nunc pessimè errasse omnium scribat: nunc Synagogam Satanae, quique in eo convenerant & Joannem Hussitam Hæresiarcham comburi jusserant, Sigismundum felicis recordationis Imperatorem, & Sacri Imperii Principes, Antichristum, & suos Apostolos, homicidâsque & Phariseos vocet. Quid, quòd damnata in eodem Concilio omnia Joannis Hussi errata, Evangelica & Christiana esse, & se recipere probaturumque profiteretur. Et Par: 3. §. 14. de Confessione, Lutherus scribens. Fidele (inquit) consilium meum est, ut homo Christianus tempore Quadragesimæ & Paschatis non consiteatur, nec ad Sacramentum accedat, & cogitet ità: Ecce quando hoc præcipit homo, Papa scilicet, ob id ipsum non faciam, & si non præcepisset, vellem facere: faciam autem alio tempore, quo non præcepit, quando & quomodo libera voluntas me tegerit. Et libro de Capti. Babylon. cap. de Eucharistia ait: Videns, quæ esset Ecclesia, quæ determinasset in altari non esse verum Panem, verumque vinum, sed sola accidentia, nempe Thomistica, hoc est Aristotelica. (Falsum, quòd Thomistica, nam determinatum id in Conciliis variis, antequam Sanctus Thomas natus fuisset, ut patet ex dicendis infra Tractatu 3.) Audacior factus sum, & stabilivi tandem conscientiam meam scientiâ prio-  
re;

*In Late-  
ranense.*



re; esse videlicet verum panem, verumque vinum, &c. Vide (ut bene notat Cardinalis Hofius lib: 2. de legitimis Judiciis rerum Ecclesiasticarum) an non hoc est extremæ cujusdam arrogantia, vel dementia potius, si quis de decretis & Statutis, quæ in Conciliis Oecumenicis facta sunt, rectè necne facta sint, sibi judicandi potestatem quis usurpet, eaque privatò suò sensu rejiciat & contemnat: Si semel admissa fuerit hæc impia licentia, ingens exscindendæ abolendæ omnis veræ Religionis periculum consequitur. Dicitur quidem. *Probate Spiritus, si ex DEO sunt*, sed non omnes probandi, ut fallibiles, alias & ipsamet Scriptura Sacra probari deberet, ut fallibilis. Porro Concilia legitima Generalia habent auctoritatem infallibilem, & errare nequeunt in iis quæ ab eis vera esse, & Catholica Fide ab omnibus credenda ex instituto decernuntur, siquidem talia Concilia sunt Epitome quædam Ecclesiæ totius, suntque repræsentativè Universa Ecclesia, quæ est *Columna & firmamentum Veritatis* 1. ad Timoth: 3. Unde & S. Gregorius M. lib: 1. Epist: 24. ait: *sicut Sancti Evangelii quatuor libros, sic quatuor Concilia suscipere, & venerari me fateor: Nicænum, Constantinopolitanum, Ephesinum Primum, Chalcedonense.* Imò & ipse Calvinus: *Priscas Synodos, (inquit lib: 4. Instit: cap: 9. secti: 8.) ut Nicænam, Constantinopolitanam, Ephesinam Primam, Chalcedonensem, ac similes amplectimur, reveremurque ut Sanctas, quantum attinet ad Fidei dogmata.*

*Quanta  
hinc Lu-  
theri de-  
mentia.*

## C A P U T IV.

**A** Sfero quarto. Admiranda sunt Convicia Lutheri in S. Moyse & Libros Scripturæ Sacræ.

**P** Robatur. Nam de Moyse habet hæc In Colloq. sym-  
po. tit: de lege & Evangelio: *Moyse est omnium Carnifi-*

*Convicia  
Lutheri  
in S. Moy-  
sen.*

46 *Tractatus 2. c. 4. de Admirandis convitiis.*

cum Magister, eumque nemo vel aequat terroribus incutiendis, cruciatibus, tyrannide, minis: Et id genus aliis sermonum fulminibus, & tonitruis: asperrimè aggreditur Conscientiam, terret, angit, excarnificat, catastis & fiduculis. Et alibi dicit: Moysen lapidibus ipsemet obrutam: quia propriè pertinet ad contumaces & perfractos homines. Et tamen Scriptura dicit Numer: 12. Moyses vir mitissimus super omnes homines qui morabantur in terra. Et usque eò propter modestiam, omnium sermone celebratus, ut Platoni, ejus modestia & mansuetudo, tanquam exemplar ad imitationem proponeretur: ut testatur Constantinus Magnus Imperator in Oratione sua apud Eusebium cap: 17. Ecclesiastici etiam 45. dicitur: Dilectus DEO & hominibus Moyses, cujus memoria in Benedictione est, infide & lenitate ipsius sanctum fecit illum. Jam quid de Libris aliquibus Sacrae Scripturae censeat Lutherus, audiamus.

*In librum  
Job.*

In Colloq. Menf. Tit. de Libris Antiqui & Novi Testamenti; & Tit. de Patriarchis & Prophetis ait: Argumentum Libri Job, est ferè ut Argumentum fabulae - Scriptor hujus Libri scripsit eo modo, quo Terentius scripsit suas Comedias? nimirum ut patientia nobis exemplum proponeret: & sicut Virgilius describit illum invictum Heroem Aeneam. Non credo, facta omnia esse eo modo, quo in Libro Job referuntur. Nec ita locutus est, sicut in Libro ejus locutus esse scribitur. Et tamen Spiritu vertiginis incitatus, iterum dicit: Judico Librum Job esse veram Historiam, est verus & nota admodum Historia, & ita evenit re & opere: Sicut Job locutus esse scribitur.

*Tobia.*

Ibidem. Liber Tobiae est Poëma, in quo de mulieribus agitur, & exemplar administrandae familiae. Et cum Justus Jonas Praedicans, librum hunc à se germanicè versum, Luthero offerret, Munus oblatum ornavit his verbis: Multa in hoc libro ridicula & stulta contineri; praesertim illud de tribus noctibus, deque jecore

jecore affati piscis, quò Dæmon sit fugatus. Respondit Lutherus :  
Esse signum Judaicum.

*Judith.*

Ibidem. Liber Judith non est Historia, sed Poëma, seu signum: Sanctum tamen, & moribus instruendis utile, compositum ad imitationem Virgilianæ Aeneidos & Homericæ Iliados.

*Paralipomenon.*

Tit: de Novo Testamento. Libri Regum præcedunt centum & mille cubitos Scripta Chronicorum, (hoc est Paralipomenon) ideo Libris Regum plus credendum est, quàm Libris Paralipomenon.

*Ecclesiastica.*

Tit: de Libris Veteris & Novi Testamenti: Auctorem Libri, qui Ecclesiastes inscribitur, sibi videri (inquiebat Lutherus) Ocreis & calcaribus destitutum, equitare tantum in soccis, quemadmodum ipse soleret, cum adhuc esset in Cænobio - deberet esse plenior - est sicut Thalmud, ex variis Libris confarcinatus.

*Machabæorum.*

Ibidem. Ego adeò (inquit Lutherus) librum hunc (secundum Machabæorum) & Ester odi, ut cupiam ullo modo exstare, quia nimis judaizant, & habent multos Ethnicos mores malos. Itèm in Prologo super Libros Machabæorum. Primus Liber Machabæorum, tam dignus est ut recipiatur in Canonem; quàm dignus est secundus, ut inde rejiciatur.

*In Evangelia SS. Mathai, Marci, & Luca &c.*

In Præfat. Lutheri in Novum Testamentum: Joannis Evangelium est unicum, pulchrum, verum & principale Evangelium, aliis tribus Longissimè præferendum & antepponendum. Itèm. Joannis Evangelium & Epistolæ Sancti Pauli præsertim illa ad Romanos, & Prima Sancti Petri, est verus nucleus & medulla, inter omnes Libros Novi Testamenti. Itane alia Evangelia & Epistolæ Canonice, sunt putamina; vel nucleus & medulla non vera?

Tomo primo Operum German. ab Aurifabro editorum. Summa: Evangelium Sancti Joannis, ejusque prima Epistola: Epistola S. Pauli, præcipuè ad Romanos, Galatas, Ephesos, & Prima Sancti Petri, sunt Libri illi, qui tibi Christum monstrant. (Siccine Evangelia alia non monstrant Christum?) quique te viam do-

cent.



*In Epist.  
Divi Pau-  
li ad He-  
braeos.*

cent. Quocirca Epistola Sancti Jacobi, verè est straminea Epistola, respectu Evangelii Sancti Joannis, quia non continet ullum Evangelicum (credo Evangelii 5.) in se spiritum. Lutherus in Proœmio in hanc Epistolam. Epistola ad Hebræos durum quendam nodum habet. Quod capite sexto & primo directè neget poenitentiam peccatoribus post Baptismum. & Capite 12. dicat: Esau quassivisse poenitentiam, nec invenisse. Quod, sicut sonat, adversari videtur omnibus Evangeliiis & Epistolis Sancti Pauli: & quamvis glossa addi queat: Verba tamen tam sunt clara; ut nesciam, quæ glossa sit futura satis. Mihi videtur Epistola ex variis consarcinata frustis, neque de uno ordinatè agens.

*In Epist.  
S. Jacobi.*

Lutherus in Præfat. in hanc Epistolam. Nolo hunc Jacobum meis in Bibliis ferre inter primarios libros. In rebus Politicis, vir unus, vir nullus est. Qua igitur ratione iste solus, contra Paulum, & reliquam scripturam universam, pondus & auctoritatem obtineret?

*In lib. A-  
pocalypsis.*

In Præfat. in Apocal. In Libro Apocalypsis plura desidero, ut neque Apostolicum, neque Propheticum judicem - ferè similem existimo Libro quarto Esdræ: nec ullo modo animadvertere possum, à Spiritu Sancto profectum esse - Spiritus meus non potest se huic Libro accommodare.

*Auctori-  
tas libro-  
rum Scri-  
pturae Sa-  
cræ, Pro-  
pugnatur.*

Sed prædicta judicia Lutheri esse graviter erronea, constat sufficienter ex eo: Quia prædicti Libri, scilicet Job, Tobix, Judith, Paralipomenon, Ecclesiastæ, Esther, Machabæorum, Epistola ad Hebræos & Sancti Jacobi & Apocalypsis, in Canone Divinarum Scripturarum, proinde omnino infallibilis auctoritatis, reposita sunt ab Ecclesia Orthodoxa, declarando prædictas scripturas, esse Canonicas: hunc Canonem & declarationem, approbavit Innocentius Primus Epistola tertia ad Exuperium, cap: 7. qui vixit circa Annum Christi quadringentissimum; approbavit Concilium Carthaginense tertium, in quo fuerunt ducenti septemdecim Episcopi; inter quos & Sanctus Augustinus; hocque Concilium

cilium à tota Ecclesia est receptum, quò ad dogmata fidei: approbavit Gelasius Papa cum Concilio Romano, in quo fuerunt Episcopi 70. Florentinum itè Concilium, in quo fuerunt Episcopi 141. inter quos multi græci ritûs Episcopi, & Imperator Orientis; Demum confirmavit Concilium Tridentinum; hujus omnia decreta, sub finem Concilii, denuo sanxerunt sex Cardinales, quatuor Legati, Patriarchæ tres, Archi-Episcopi triginta duo, Episcopi ducenti viginti octo, Abbates quinque: Generales Ordinum Ministri septem: Episcoporum Procuratores plurimi.

Accedit tum quia Sanctus Hieronymus (quidquid sit quod antea in Prologo Galeato senserit) testatur, Librum Judith esse Canonicum, & hoc probat Auctoritate Concilii Nicæni, dicens in Præfatione super Lib: Judith: *Nicæna Synodus hunc Librum in numerum Sanctarum Scripturarum legitur computasse.* Et Sanctus Augustinus lib: 18. de Civitate, cap: 8. ait: *Machabæorum libros, non Judæi, sed Ecclesia pro Canonicis habet.* Utique major est Ecclesiæ Christianæ Auctoritas, quàm Judæorum? Tum quia Tobix librum, tanquam Scripturam Sacram citant Sancti Patres, Irenæus, Cyprianus, Hilarius, Ambrosius, Chrysostomus, & alii, Sanctus etiam Isidorus Episcopus Hispalensis, qui floruit circa annum 630. in Libro Proœmiorum de libris Veteris ac Novi Testamenti dicit: *Hebræi non recipiunt Libros Tobix, Judith, & Machabæorum: Ecclesia tamen eosdem inter Canonicas Scripturas enumerat. Sapientia & Ecclesiasticus parem cum reliquis Canonicis Libris, tenere noscuntur Auctoritatem.* Tum quia Librum Job pro Canonico habent tam Lutherani, quàm Calvinistæ; imò ex illis plurimi cum Beza, etiam Apocalypsim. Calvinistæ itè cum suo Calvino admittunt, ut Canonicam Epistolam ad Hebræos, ac Sancti Jacobi, & Judæ Apostoli, quin ipsemet Calvinus Præfatione in Epistolam S. Jacobi; ait: *sunt etiam hodie, qui hanc*

*auctoritate dignam non censeant. Ego tamen, quia nullam ejus repudiandæ satis justam causam video, libenter eam sine controversia amplector, nihil illa continet Christi Apostolò indignum.*

Nota obiter primò. Nullus est ex Patribus antiquis, qui in omnibus, quò ad Canonem librorum Sacræ Scripturæ, senserit cum Hæreticis modernis, aut eorum Parente Luthero. Secundò. Nec moderni Hæretici Calvinistæ de quibusdam Partibus Scripturæ Sacræ dubitant, ut Apocalypsi, Epistola secunda-S. Petri, secunda & tertia S. Joannis: Epistola Sancti Jacobi, & Sancti Judæ; licet de his antea fuerit dubitatum, Lutherani etiam, tanquam Canonicum librum recipiunt Apocalypsim; imò & ipse Lutherus, præfatione in Apocalypsim, posteriorum editionum. Tertiò. Licet non omnes Canonicæ Scripturæ libri, eodem simul tempore, ab Universâ Ecclesia Catholica recepti fuerint, tamen semper apud quasdam Ecclesias, Canonica etiam Auctoritate viguerunt. Quartò. Quæcunque ab hæreticis obijciuntur contra Canonem librorum Scripturæ Sacræ, omnino fictitia esse, demonstrat Bellarminus lib: primo de Verbo DEI: Et Gretserus in Defensione ejusdem libri.

## C A P U T V.

*Superbia,  
Mater  
Hæresis.*

**A**ssero quintò. Admiranda est Lutheri superbia. Sanctus Augustinus libro de Pastoribus cap. 8. rectè dicit: *Mater superbia, omnes Hæreses genuit: Bene hac in parte etiam Calvinus in lib. de scandalis notavit. Quotquot, (inquit) hac nostra ætate à pura Evangelii doctrina prolapsi, falsorum Dogmatum cæperunt esse Auctores; reperiemus omnes superbie morbo correptos.*

Porrò, admiranda quantum fuerit Lutheri Superbia  
suffi-



sufficienter (præter dicta alibi passim in hoc Libro) colligi potest ex his. Nam adeo initio statim suæ Hæresis, tumidus fuit Lutherus, Lutherus inquam ille, qui de se ipso fatetur. (Tomo secundo Latin: Colloq: tit: de Artibus: & in Colloq. Germ. tit. de Astrologia) *Ego sum* (inquit) *rustici filius, proavus, avus, pater meus, fuerunt natura rustici - Pater meus dictus Joannes, fuit metallorum fossor.* Mater ejus balnei publici servula: qui item doctrinæ & eruditionis non fuit eminentis; ut patet ejus legenti scripta, Sanctitatis verò nullius, excucullatus apostata, adeo inquam tumidus fuit; ut paucis ad se aditum concederet, sic, ut Carolo Miltitio, Papæ Nuntio, ægre, & ipsius Ducis Saxonix intercessione, bis ipsius videndi, atque colloquendi potestas facta, sit, de quo ipse Lutherus postea sæpe est gloriatus.

In Epistola ad Illustrissimos Saxonix Principes. *Scio* (inquit Tomo secundo Epist.) *& certus sum, me omnibus Sophistis, & Papistis, Sacrarum Literarum esse peritorem.*

Item in prima Concione ex illis septem quas Vitebergæ habuit, redux ex sua Pathmo, ait: *Primus profectò fui, cui DEUS, primò omnium manifestavit, ut hoc suum verbum vobis annuntiarem, & patefacerem: Certus sanè sum; vos purum putum verbum possidere.* Item in Glossa super Edicta Cæsarea Anno 1531. Tomo quintò Jenensi Germanico. *Affero ego Doctor Martinus Luther, Domini nostri JESU Christi indignus (verius, iniquus) Evangelista.* Sic olim & Manichæus Hæresiarcha, à se, & à suis vocabatur, Apostolus JESU Christi, ut testatur Sanctus Augustinus in Epistola Fundamenti, & alii. Otho etiam Brunfelsius apostata desertor sui sacri Ordinis, in epistola, quâ Luthero Opuscula quædam Hussi inscripsit, vocat Lutherum: *Apostolum Christi.* In Responso ad Maledicum scriptum Regis Angliæ, Reges, Principes, Pontifices Catholicos, postquam impios esse asseruit, subjungit: *Impiis*

*Ingens superbia Lutheri, factò & Scriptis exhibita.*

me esse peccatorem planè pernego, & illos vix dignos censeo, qui mihi calceamenti corrigiam solvant. Libere dico, per me Sacram Scripturam ità repurgatam, illustratam esse; ut intra annos mille, nunquam fuerit clarior vel notior pluribus. Et in libro contra Regem Angliæ ait: se nihil curare, si mille Augustini, mille Cypriani, contra eum starent. Itèm in libro ad Ducem Saxonix Georgium scribit: A tempore Apostolorum, nullus Doctor aut Scriptor, nullus Theologus, aut Jurisconsultus, insigniter & clarè conscientias secularium statuum, confirmavit, instruxit, ac consolatus est, sicut ego feci. Scio, quoniam nec Augustinus, neque Ambrosius, mihi in hoc, æquales sunt.

Itèm in Concione super Evangelium: Attendite: Adferunt dictum illud Augustini: Evangelio non crederem, nisi me auctoritas Ecclesiæ moveret; & jam arbitrantur se victoriam obtinuisse, sed tu dic: quid meâ refert, quid ego curo, siue Augustinus dicat, siue Hieronymus, siue Petrus, siue Paulus, imò siue ipsemet Gabriel Archangelus: nihil horum mihi prodest: Verbum DEI debeo habere. Audiam quid loquatur DEUS. Siccinè, quod Doctores Ecclesiæ, & Apostoli loquuntur, non erit verbum DEI. Et verbum DEI erit, quidquid (verbis utor Sancti Augustini lib: de Unitate Ecclesiæ cap. secundo) sacrilegus incestator, consecratæ pudicitia seminarum, Lutherus effutit?

Tomo secundo Epist: fol: 129. Totus Faber (fuit is Episcopus Viennensis, apprimè doctus & zelosus, multorumque Voluminum scriptor contra Lutherum) nihil est, nisi Patres, Patres, Patres, Concilia, Concilia, Concilia, quæ fabula, jam dudum mihi, surdo, etiam à nostris Lipsiensibus Theologis, imò Asinis, deriditur. Ego Patristas, Conciliistas, Copulativistas istos contemniam, ac præterire sinam. Sed justus es Domine, & rectum judicium tuum. Impletum est in Luthero illud Scripturæ Sacræ Isaïæ 33. Væ qui spernis, nonne & ipse sperneris – Cùm fatigatus desieris contemnere, contemneris. Contempsit ille Patres, Concilia, Eccle-

*Lutherus  
à suis eti-  
am, con-  
temptus.*

Ecclesiam: & en, & ipse à suis contemptus est: & quidem à Vitebergensibus: quorum Civitatem, triginta novem annis docuerat, contemptus adeò graviter, ut sui contemptum non ferens, Vitebergam, anno millesimo quingentesimo quadragesimo quinto, deseruerit, & Merseburgi, apud Ducem Georgium Anhaltinum, aliquamdiu delituerit: ex quo loco, ut referunt Historiæ Augustanæ Collectores, ad suam uxorem (verius pellicem sacrilegam) scripsit; *Ut ipsa quoque domo, ac suppellectile divendita, ad se commigraret: Siquidem eam Vitebergæ rationem, post mortem suam futuram esse; ut nullum ex quatuor mundi elementis, eam illo in loco facile tolerare possit.* Hæc postea Vitebergâ aufugiens, equis in furiam actis, in cœnosam paludem excussa, post semper pavida & trepida, obiit misere, vel, ut alii referunt, in piscina Monasterii olim Augustiniani, in quo cum Luthero habitaverat, crematò ebria, a- quis præfocata est: Nullaque exstat Concio funebris, nullumque Epitaphium istius Borrhæ, nec Vitebergam translata est, ut penes Lutherum suum consépeli-retur. Cum tamen Lutheranum Evangelium, propemodum omnia (ut notârunt multi) debeat Borrhæ, si enim amor venereus Lutherum non incendisset; forsân nunquam cucullò se exuisset.

Contemptus itèm Lutherus à multis suæ sectæ Primatibus & familiaribus, utpote qui Dogmata, ipsius doctrinæ opposita, pertinaciter docuerunt; ut Joannes Brentius, Pater Ubiquitatis; Martinus Bucerus in Christianismo inconstantissimus: Georgius Major, Mollium Confessionistarum Parens, multi itèm alii Professores Lutherani, ipsimet Luthero, de Calvinismo suspecti erant. Quare in Vestibulo Musæi sui, hæc verba propriâ suâ manu adscripta erant. *Nostri Professores examinandi sunt de Cœna Domini.* Imò, quod magis mireris, Philippus Melanthon, anima Lutheri, eoque judice, Sanctis Patribus omnibus excellentior, imò Sancto Paulo Apostolo

*Catbari-  
na uxoris  
Lutheri,  
obitus.*



*Contem-  
ptus Lu-  
therus à  
Carolsta-  
dianis, &  
aliis.*

proximus, de præsentia Corporis Christi non cum Luthe-  
ro, sed cum Calvinistis sensit; Insuper accusatus & convictus à  
Lutheranis ipsismet, quòd scripta Lutheri, post mortem e-  
jus, falsificaverit, in gratiam Sacramentariorum; quos tamen  
à Diabolo obsessos esse, & animarum esse mactatores, scrip-  
sit disertè ipsemet Lutherus, Libro de verbis Coenæ. An-  
dreas etiam Carolstadius, quondam primarius in fundando,  
& promovendo ꝑ evangelio, Lutheri strenuus adjutor, pluri-  
mum postea contempsit Lutherum; ut notavimus supra in  
Tractatu 1. cap. 10. Quantum autem Carolstadiani eum  
contempserint, describit ipsemet Lutherus Tomo 7. in Epi-  
stola ad Argentoratenses. Cùm (inquit) Orbemundam venissem;  
inveni; quòd semen ibi seminatum fuerit à Carolstadio; ita, ut gau-  
derem, lutò & lapidibus me non explosum. Nonnulli hâc me Bene-  
dictionis formâ dimittebant: Eja proficiscere in nomine mille diabolo-  
rum, ut casu guttur elidas, antequam urbe egrediare. Demum To-  
mo 9. fol. 252. in Epistola ad Nicolaum Hausmannum scri-  
bit Lutherus: Sacramentarii, liberi, è corpore meo geniti; acerrimè  
mibi contradicunt; præ quorum furore, Papistas mites & modestos ju-  
dico. Et in Responsione ad maledicum scriptum Regis An-  
gliæ; Nullos hostes capitaliores sum expertus hæcenus, quàm fraves  
illos fratres, Collegas, Amicos, quos tanquam filios in sinu nostro so-  
vimus, Sacramentarios.

## C A P U T VI.

**A** Ssero sexto: Admiranda est Lutheri maledicentia.

*Hæresiar-  
charum  
proprietas  
est, Male-  
dicentia.*

**O**tto Frisingensis Episcopus, qui floruit anno 1145. Hen-  
rici 4. Imperatoris Nepos, Hæresiarcham Arnaldum  
Brixiensem (qui circa annum 1140. in Lateranensi Concilio  
cum

cum Petro Abailardo damnatus est) describit sic Lib: secundo de Gestis Frid: cap: 20. Arnaldus Brixienfis sub ovina pelle lupum gerens: Vir quidem naturæ non hebetis, plus tamen verborum profluvio, quàm sententiarum pondere copiosus, singularitatis amator, novitatis cupidus, cujusmodi hominum ingenia ad fabricandas hæreses, Schismatûmque perturbationes sunt prona - Omnia lacerans, omnia rodens, nemini parcens, Clericorum ac Episcoporum derogator, Monachorum persecutor, Laicis tantum adulans. Et Sanctus Epiphanius hæresi 75. describens Aërium hæresiarcham ait: Aërius exortus est, magnum Mundo malum, furiosus mente, elatus opinione, acutus lingua & armatus labiis - - erat ipsi sermo furiosus magis, quàm humanæ conditionis. Hæc omnia perbellè conveniunt Luthero: in hoc tamen inter alia, superat Arnaldum Lutherus, quòd nec Arnaldus, nec ullus unquam antea Hæresiarcha, imò vix unquam ullus Christianus homo exstiterit maledicentior, & universalior calumniator, quàm fuerit Lutherus. Itèm, quòd nec Principibus, nec Laicis lingua suâ & calamò maledicò pepercerit.

Quam bene & honorificè, adhuc anno 1518. Lutherus scripserit de Papa, & Romana Ecclesia, constat ex dictis supra in Tractatu primo cap. tertio. Ad Leonem itèm primum Pontificem Anno 1520. sexta Aprilis scripsit hæc (exstat Tomo secundo Epist: 166.) Celebratior, & augustior est in omni terrarum Orbe, tot tantorûmque virorum literis, cantata opinio, & vitæ tuæ inculpata fama, quàm, ut à quovis, vel maximi Nominis, possit quavis arte impeti - Non sum tam stultus; ut eum incessam, quem nemo non laudat. Et in Lib. adversus Anabaptistas, scribit: Fatemur, sub Papatu multa bona ad nos promanasse. Nempe veram Scripturam Sacram, verum Baptismum, veras claves ad remittenda peccata, verum prædicandi officium, verum Catechismum. Sed tamen his stantibus, adversus Papam, & Clerum inexplcabilis ejus fuit maledicentia; ut præter alia abundè

*Leo X. à  
Luthero  
laudatus.*

*Horrenda  
Maledi-  
centia Lu-  
theri ad-  
versus  
Pontifices  
Romanos.*

abundè testatur liber ab illo compositus cui titulus. *Adversus Papatum, Romæ à Sathana fundatum.* Plenus hic liber est horrendis foedissimisque blasphemis: inter alia scribit hæc: *Paulus tertius, imò quivis Papa, est scelestissimus, infernalis, diabolicus homo, porcus, epicureus, indoctus, rudis, asinus, Apostolus diaboli, multis millenis diabolis obsessus, idolum, Dæmon, cerpitus asininus.* Audi *Paule Papa, cum tuis Cardinalibus: Deum non curas, nam esis porci epicurei, similiter omnes Papæ Antecessores tui, Papæ sunt desperati & perditæ nebulones, latrones, proditores, mendaces, & ipsissima sentina omnium sceleratissimorum hominum, qui vivunt; pleni sunt dæmonibus omnium pessimis, qui apud inferos agunt: & tam pieni, ut nihil, nisi meros dæmones expuere cacare, & emungere possint.* Ibidem decernit, ut Pontifex & Cardinales, ac reliqui ejus Ordinis, ut blasphemæ puniantur, linguis per cervicem extractis, & patibulo affixis. Leonis Papæ nuper laudati, Imaginem variis modis à se depictam habuit, jam adinstar cornuti Diaboli, jam sub forma Midæ habentis asini aurículas, jam sub figura serpentis aperta ingluvie & faucibus minantis. Nec Phocius impius S. Ignatium cui inimicissimus erat, sic unquam foedè curabat depingi.

In Passionali Lutheri, erat Passio Christi, ubi Pontifex, Cardinales, Episcopi, Monachi, Annæ, Caiphæ, Pilati, Herodis, licitorum & carnificum Christi, personas gerunt. Scripsit ille in Assertionem Articulorum, Articulo 34. *Qui habet aures audiat, & à bello Turcico abstineat, donec Papæ nomen sub calo valeat.* & in Lib: contra Regem Angliæ: *Papatus, est Principis Sathanæ pestilentissima abominatio.* In Caput 24. Genesis: *Ego (inquit) non approbabo, nec defendam errorem & stulticiam Canonistarum, sed percalcabo Canones & Papam.*

*Adversus  
Episcopos.*

Libro de Abroganda Missa, & Libro contra falsò nominatum statum Ecclesiasticum. *Episcopi (inquit) sunt Apostoli Anti-Christi, sunt indoctæ Larvæ Papales, quæ ad veritatem opprimendam*



mendam creata sunt. Præstat publicum Lenonem aut latronem esse quam Sacerdotem Papisticum. Sacerdotes sunt Idola mundi, Idola rasa & oleata.

Archi-Episcopum Moguntinum & Magdeburgensem; Primatem Germaniæ ac Marchionem Brandenburgicum nomine Albertum, Lutherus Tomo sexto Germ: Jenen: pagina 533. vocat *Scribam inferni, Diabolum, stercorem Episcopum*. In Lib: contra Regem Angliæ scribit; *Thomista, est Sacrilegus & mortificus Scripturæ Dei latro, stupidum & planè Lethargicum Sophistarum genus: ut nihil grossius & ignavius genuerit hominum natura; insulsissimi asini, & porci, nec sunt Theologi, sed Theologistæ, & Theologastri, & fex novissimarum abominationum, &c.* Et in Præfatione in Ennarratione super Matthæum: *Thomistæ sunt immundi porci, inertes asini, dextra manus asini Papistici, perditissimi Sycophanta: ars illorum asinina est, simus, stercus diabolicum.* Itèm Lib: contra Latomum. *Ego planè illud verum nunc video, Thomistam purum, esse asinum verum, sive sit Italus, sive Germanus.* At libet hic paucis immutatis, cum S. Hieronymo suprâ citato, cap: secundo dicere. Catholici, Thomistas doctissimos, antiquæ Fidei Defensores esse deprædicant: & quod signum majoris gloriæ, omnes Hæretici, præsertim omnium modernorum Hæreticorum sacrilegum caput, Lutherus, detestatur.

In Epistol: contra duo Cæsaris Mandata: *Mendaces (inquit) & obstinati sunt Principes nostri, nec Homines ratione præditi, sed Germanicæ Bestiæ.*

In Lib: contra Epist: Regis Angliæ, Vos Principes, *estis bullæ aquarum, & Lendes capitis, nondum facti pediculi.* Contra duo Imperatoris mandata Anno 1524. *Turca decies probior, prudentiorque est, quam nostri Principes. Quid talibus fatuis contra Turcas eveniet prospere? vide & dicta suprâ Tractatu primo cap: tertio.*

In Colloq: Mens: Titul: de Juristis. *Canonista est diabo-*

H

*Adversus  
Cæsarem,  
& Princi-  
pes Chri-  
stianos.*

*Canonis-  
tas.*

*lista,*

*Juristas.*

lista, & asinista, merusque Diabolus. Canonista purus, est magnus asinus. Juridica facultas, omnium est spurcissima: ab omnibus artibus aliena, neque legibus Romanis fundata, sed tantum rabolismus quaestuosus. Omnis Jurista aut est nequista, aut ignorista: & Juristae sunt inimici Christi, impii, blasphemi, nihil, chimæra, asini, bestiae, filii demonis, & ejus discipuli, socii Luciferi damnati. Quando loquor de Juristis (inquit Tomo quinto Jenensi German. sermon: de liberis ad Scholam mittendis) non tantum intelligo Doctores sed totum opificium, ut Cancellarios, scribas, Judices, Advocatos, Notarios, & quidquid ad rectam Reipublicæ gubernationem spectat, etiam Summates illos, qui Consilarii Aulici audiunt: nam & ipsi artem Juris faciunt, & Juristarum functionem obeunt.

Tomo primo German: in Lib: ad Nobilitatem Christianam: Bonum foret, si Jus Canonicum, à prima litera usque ad ultimam, funditus aboleretur, praesertim decretales: & nullus sit amplius Doctor super terram. Hoc Lutherus scripsit Anno Domini 1520. ipsum autem Jus Canonicum publice exussit Vitebergæ, 10. diè Decembris, simul cum Bulla Leonis X. Anno 1519.

In Opusculo, cui Titulus: Contra siccarium Dresdæ; Hoc debet esse mea gloriatio, meusque honor, quod in libro meo (imò omnibus libris) ferè nonnisi maledicta, & diaboli nominentur, sic haberi volo, ut dicatur de me: quod plenus sim maledicentiae, criminationis, & execrationis in Papistas. Volo & de cætero me adversus hos nebulones exercitare execrationibus ac maledictis usque ad sepulcrum meum.

Tantam maledicentiam, & superioribus capitibus recensita convicia, sales, & dicteria Lutheri, si quis legerit, nonne approbabit olim ab Erasmo lib: 18. Epist: ad Episcopum Lingonensem verissimè scripta esse hæc: Lutherus, in dicteriis, in sannis, in convitiis, in salibus, quemlibet scurræ vincit, Et alibi. Hic homo Lutherus, nihil crepat, nisi satanas, diabolos, Larvas, Lamas, Megæras, aliasque voces, plus quàm tragicas.

Ex

Ex tam virulenta maledicentia, evidens est, in Luthe-  
ro non fuisse spiritum Christi, fravem, benignum, mitem,  
veritatis & pacis amatorem, & Conciliatorem; scandalorum  
& contentionum, & discordiarum Pacificatorem, sed potius  
fuisse spiritum malignum, horum contrariis gaudentem, &  
Lutherum ad talia evomenda impellentem, ut verissimè  
scripsit Adrianus VI. Pontifex in suis literis, ad Bamber-  
genes: quæ extant Tomo secundo Lat: Viteberg:

Neque dicas, Lutherum tanta dixisse, Spiritu Eliæ. Con-  
tra enim est; tum quia nunquam Elias legitur idololatri-  
cos Principes Israëlitos, & Baalitos Sacrificulos, ità un-  
quam irreverenter compellasse; ut Lutherus Summos Pon-  
tifices, Imperatorem, Reges, & Principes Christianos: ne-  
que Apostoli unquam taliter invecti sunt in Neronem, vel  
alios Persecutores &c. nec S. Paulus in Hæreticos, & falsos  
Fratres; tum quia si iste Spiritus Eliæ est, & Dei, tam  
inquam maledicus, & contumeliosus; & quisnam erit Spi-  
ritus Diaboli?

Jaobus Gretserus, fortissimus Athleta ac vigilantissi-  
mus Veritatis Defensor, magnus Lutheranorum Domi-  
tor, ac Malleus Hæreticorum, rectissimè in Examine  
Strenæ Lauserianæ cap: tertio ait: Ego profectò quoties  
Lutheri genium & Indolem, potissimum verò diabolicam  
ejus perpetuè conviciandi, & criminationibus densissimis  
fulminandi consvetudinem, penitus intropicio: attonitus  
quoddammodo afficior præ admiratione, quomodo fieri po-  
tuerit, ut talis Conviciator, apud Germanos (imò & apud  
alias quasdam Nationes) fidem repererit, & pro eximio  
Christi Servo susceptus fuerit: Si quis in Tùrcicos & Ethni-  
cos Popas, & Japonicos Bonzios, sicut Lutherus in Ecclesi-  
asticos, & Principes Christianos detonaret, conviciando: eum

H 2 non

*Adversus  
Orthodo-  
xa, con-  
tratan-  
tam male-  
dicenti-  
am.*



non Spiritu Dei agi, sed dæmonis œstro percitum intrepidè  
 affirmarem. Bene etiam in Epist. ad Fratres Inferioris  
 Germaniæ, notavit Erasmus. Omnes objurgationes, quæ à  
 Domino Christo & Apostolis jactæ sunt contra Phariseos,  
 Judæos, Pseudo-Apostolos, videri possunt blandimenta, si con-  
 ferantur cum his, quæ quidam Evangelici (& in his præsertim Lu-  
 therus) scripserunt in Pontificem, Episcopos omnes,  
 Sacerdotes, & Principes  
 Christianos.



TRA-



# TRACTATUS TERTIUS.

Exponuntur admirandi errores contenti tum in Lutheri Doctrina, tum in ejusdem Doctrinæ Confirmatione: tum in datis ab eo variorum casuum Resolutionibus.

## C A P U T I.



Sfero primò. Admirandi sunt errores in Lutheri Doctrina, utpote quæ in pluribus è diametro sibi opponitur.

**P**robatur hoc ipsum inductione aliquorum tantummodò: si enim annotarentur singula, in quibus sibi opposita docet Lutherus, volumen grande conficeretur: à condito enim orbe (ut testatur gravissimus Theologus Leonardus Lessius in Consultatione: Quæ Religio capeffenda, in Ratione sexta, aliique plurimi Sapientissimi) non existit ità inconstans

scriptor, ita sui immemor, sibi que contrarius, & suæ doctrinæ everfor, ut Lutherus.

## De Communione sub utraque Specie.

*Contradi-  
ctiones  
Lutheri,  
de Com-  
munione.*

*Quamvis* (inquit in serm: de Eucharistia Tomo septimo German. Viteb:) *Populo nunc non datur utraque species, sicut olim, neque est necesse; tamen sacerdotes utramque sumunt quotidie coram Populo, & satis est Populum quotidie desiderare & suo tempore alteram speciem, quantum ordinat & dat Ecclesia Catholica, sumere.*

*Negare* (lib: de Captiv: Babyl:) *utramque speciem Laicis, est impium & tyrannicum, nec in manu ullius Angeli, nedum Papæ, aut Concilii cujusquam.*

### II.

*In Declaratione Euchar: Tomo septimo Germ: Viteb. fol 27. Non dixi, neque consului, neque est intentio mea, ut unus, aut aliquot Episcopi, propria Auctoritate, incipiant alicubi utramque speciem porrigere, nisi ita constitueretur, aut mandaretur in Concilio Generali.*

*In Asert: Artic: Tomo septimo Germ: Viteb. fol: 122. Consultum mihi videtur ut non modo per Concilium, sed per quamcunque Diocesim, quilibet Episcopus, etiam invito Papa, Christum secutus in Evangelio, rursus utramque speciem laicis daret.*

### III.

*In Scheda Inhibi: Tomo septimo Germ: Viteb: Non probo utramque speciem Laicis dari, nisi fiat mandante Concilii Generalis Auctoritate.*

*In formula Missæ Tomo septimo Germ: Viteb: fol: 396. Si quo casu, Concilium statueret, minimè omnium nos vellemus utraque specie potiri: imò tunc primum in despectum Concilii vellemus aut unam tantum, aut neutram, & nequaquam utramque potiri.*

### IV.



IV.

In Captiv: Babyl: Caput sextum Joannis est in totum seponendum, ut quod nec syllaba quidem de Sacramento loquatur.

In Visit: sub utraque specie communicandum probatur Joannis sexto.

V.

In Libro de Captiv: Babyl: ait: Christus non permittendo, sed præcipiendo dicit Matthæi 26. Bibite ex eo omnes. Et istud non potest solis Presbyteris dictum intelligi, sed omnibus.

Mox verò in eodem Libro post duas paginas dicit: Non peccant, qui unâ specie utuntur, cum Christus non præceperit ullâ uti, sed arbitrio cujusque reliquit, dicens: Quotiescunque hæc feceritis, in memoriam mei facietis. Sed illi peccant, qui hoc arbitrio volentibus uti, prohibent utramque dari.

Omitto alias recensere super hoc Articulo contradictiones. Certè Gasparus Querhamer, Laicus & Civis Valnensis in Saxonia, recenset super hoc uno Articulo Lutheri 36. contradictiones, quas vide apud Cochläum in Lib: cui Titulus: *Septiceps Lutherus*.

*De Missa.*

I.

*De Missæ  
Sacrificio.*

Tomo primo de 10. Præceptis, Missas pro vivis & defunctis valere, tota approbavit Ecclesia.

In Lib: de Capt: Babyl: Impiissimus abusus est in Ecclesia, persvaderi, Missam esse Opus bonum & sacrificium.

II.

De Capt: Babyl: Missa pars est Evangelii, imò summa & compendium Evangelii.

In Lib: contra Zvinglium & Oecolampadium, Maxima peccata mea sunt, quòd tam Sanctus fui, ac tot Missis per Annos quindecim, Dominum meum tam graviter offendi.

III. De

## III.

De 10. Præceptis. Error esse non potest, pro defunctis celebrare Missas, cum & illud S. Augustinus pro sua Matre Monica fecerit.

Lib: de abroganda Missa. Ad abolendum victoriosum Eucharistia Mysterium profecit Satan, donec Missa ferè solis mortuis serviat, quæ pro vivis solis instituta.

## IV.

De 10. Præceptis. Certum sum, & scio, Missas tam vivis quàm defunctis, prodesse.

De Abroganda Missa. Missa prorsus nulli alteri potest applicari & communicari. Et Articuli: 24. ex Articulis 76. contra Lovaniens. & Tomo 2. ait: Missam pro defunctis offerri Hæreticum est, & blasphemum.

## V.

Resolut: 26. Quum Sacerdos cum Populo orat, jejuna, Sacrificat: de quo suffragio nullum est dubium, quod vehementer prosis & redimat animas.

In Lib. contra Regem Angliæ. Manifestum est, Sacerdotes in Missa id omittere, quod Christus in Cæna fecit; & id facere, quod Judæi fecerunt Christo in Cruce.

## De Purgatorio.

De Purgatorio.

In Disput: Lips: Anno 1519. die 8. Julii dixit Lutherus. Ego credo fortiter, imò ausim dicere, scio Purgatorium esse. Facile persuadeor de eo fieri in Scripturis mentionem.

Ad Val: de Eucharistia. Quod negatis Purgatorium, damnatis Missas, vigiliis, Cænobis, Monasteria, per omnia probo: nec quicquam adstringitur ad credendum esse Purgatorium.

## De Sacramentis in Communi.

Lib: de Cap: Babyl: cap: de Eucharistia. Principio neganda mi-

## *De admiranda Lutheri propositionum opposit. 65*

da mihi sunt septem Sacramenta, & tantum tria pro tempore ponenda: Baptismus, Pœnitentia, Panis; Quamquam si usu Scripturæ loqui velim, non nisi unum Sacramentum habeam, & tria signa sacramentalia.

De potestate Papæ. Septem sunt Sacramenta.

Ad Valdenses. Duo tantum sunt Sacramenta.

De Cap: Babyl: Tria sunt in Ecclesiâ Dei Sacramenta: Baptismus, Eucharistia, & Pœnitentia. — — Unctionis extremæ Sacramentum non damno. — Non dico, quod damnum Sacramenta septem.

Lib: de Abroganda Missa. Quod sine Verbo Dei ordinatur. non ab Ecclesiâ, sed à Synogoga Satanae, sub Ecclesiæ nomine ordinatur: Qua igitur audacia, Sacramenta dicitis, quæ Deus in Scriptura, Sacramenta non dicit?

Lib: secundo adversus Carolstadium. Age animicida, tu & Spiritus peccati, fatemur Deum non dixisse Sacramenta, nec præcepisse, ut Sacramenta, dicantur. Sed dic nobis contra, ubi prohibuit ita appellari? Quis ergo dedit potestatem prohibendi, quod Deus non prohibuit? Quid si hic temerarius es, ut tam grande facias peccatum? ubi Deus nullum facit.

## *De Sacramentis in particulari.*

In Captiv: Babyl: In puero, post Baptismum, negare remanens peccatum, est Paulum & Christum simul conculcare.

Ibidem. Baptismus omnia peccata remittit.

Tomo primo in Resolut: de Indulgentiis. Nulli prorsus remittit Deus culpam, quin simul eum subiciat in omnibus humiliaturæ Sacerdoti suo Vicario. Item. Deus non remittit culpam, nisi sit prior remissio Sacerdotis, saltē in voto, sic clarè textus sonat Quodcumque ligaveris, &c.

In Lib: de Captiv: Babyl: Confessio occulta, quæ modò celebratur, probari non potest ex Scriptura.



De Potestate Papæ. Confirmatio, Sacramentum est.

De Captiv: Babyl: Mirum, quid illis in mentem venerit, quod Sacramentum Confirmationis fecerunt, ex impositione manuum.

De Potestate Papæ. Ordo in Ecclesia Dei Sacramentum est: & Extrema Unctio, Sacramentum est.

De Captiv: Babyl: Sacramentum Ordinis Ecclesia ignorat, inventumque est ab Ecclesia Papæ. Si usquam antea deliratum est; in Extrema unctione nunc præcipue deliratum est: cum non Sacramentum, sed figmentum sit.

De Potestate Papæ. Matrimonium in Ecclesia Dei, Sacramentum est.

De Captiv: Babylon: Matrimonium non solum, sine ulla Scriptura, pro Sacramento censetur; verum eisdem traditionibus, quibus Sacramentum esse jactatur, merum ludibrium factum est.

### De Invocatione Sanctorum.

De invocatione  
Sanctorum.

De 10. Præceptis non longè ab initio. Omnis cultura Sanctorum, pro timore Dei est instituta; ut homines ad pœnitentiam provocer; memoriam mortis suggerat; vitam futuram ostendat - nec prohibeo Sanctos invocari pro temporalibus, sed quod solum pro temporalibus id faciant, damno, neglectis eorum Virtutibus & exemplis - Ecclesia dicit: Sancte Paule ora pro me; ideo sciendum est, quod omnes Sancti, omnia possunt; & tantum, per eos, à Deo dari, quantum credis te accepturum - Pighardi Hæretici infelices, præ nimia ruditate nobis Teutonicis imponunt, quod Sanctos DEI colamus, & idola faciamus: & ideo contra nos acervum versuum Scripturæ congregant, in quibus prohibetur, nè adoret quis, nisi unum DEUM: & ut nobis, apud suos, iustissimam invidiam conflare videantur: insidiosissime omittunt, quod scribitur. Rex David & Salomon, & multi alii adorati: simul impii perversores Scripturæ, & subdoli calumniatores nostræ pietatis. Ita enim rustici illi, nos tandem docent, quod solus

DEUS

*De Admiranda Lutheri Propositionum Oppos: 67*

DEUS sit adorandus; & gloriantur; ac si nos id ipsum negaverimus: unquam, cum tamen negare non possint, frequenter aulicos Regios honorari, ac velut adorari, ut facilius ad Regem perveniatur. Propter horum itaque rusticitatem, dico ego, ad Sanctorum Suffragia recurrendum omni modo, sicut in Job dicitur: Et ad Sanctorum aliquem convertere.

Tomo 1. Epistol: 83. ad Spalatium scribit. Mi Spalatine, non fuit mens mea unquam, Venerationem Sanctorum esse superstitiosam, neque invocationes eorundem pro causis vel corporalissimis: Hoc enim sapiunt Hæretici illi vicini nostri Pighardi in Bohemia.

E contra tamen dicit in sermon: de S. Joanne Baptista. Ego aequè bene per Christum ad DEUM ire audeo: Sicut Sanctus Petrus & Paulus - Quid me ità humiliarem, ut accederem ad DEUM, sed aliquem pro mediatore ponerem, id non debeo facere.

Non absimilis vertiginosus Lutheri spiritus: conspici clarè potest & in pluribus aliis dogmatibus Fidei.

Hinc habetur, quàm falsò Lutherus initio sui Evangelii scripserit in Lib: contra Regem Angliæ; Certus sum, Dogmata mea me habere de Cælo. Siquidem plurima ab eo proposita dogmata sunt contradictoriè sibi opposita: ex contradictoriis verò implicat utrumque esse verum. Neque dicas, utique & Divus Augustinus multa in libris suis posterioribus, scilicet in Libris Retractionum docuit contraria iis, quæ prius asseruerat? Contra enim est; quia Sanctus Augustinus scripsit quidem Libros Retractionum, ast nullum Articulum Fidei retractavit, nec in rebus Fidem

Divinam concernentibus, contraria  
sibi scripsit.

*Quid inde rectè  
infertur.*

## CAPUT II.

**A**Ssero secundò. Admirandi errores sunt Luthe-  
ri in ejus Doctrina de DEO.

*Proporun-  
tur &  
convel-  
luntur Lu-  
theri er-  
rores de  
Auctore  
peccati.*

**P**Robatur. Primò enim docet, aut saltèm plurimùm  
inclinat in sententiam impiam hanc; quòd Deus sit  
omnium peccatorum Auctor. In Libro enim de servo ar-  
bitrio contra Erasmus scribit. Nulli, in manu sua est cogitare  
quidquam mali aut boni; sed Deus in nobis omnia bona & mala ope-  
ratur; Et in Assertionem Articuli 36. Quomodo potest Homo se  
ad bonum præparare, cum nec in potestate ejus sit suas vias malas  
facere: nam & mala in impiis Deus operatur. Quod ipsum ma-  
nifestiùs adhuc docuit primarius ejus Discipulus Melanthon  
in Annotat: in Epist. ad Roman: cap. 8. Nos (inquit) doce-  
mus, non solùm permittere Deum Creaturis, ut operentur, sed ipsum  
omnia propriè agere: & sicut fatemur proprium DEI opus fuisse Pau-  
li vocationem, ita fatemur opera Dei propria esse, Davidis adulterium,  
Manlii Severitatem. Constat enim ex Cap: primo ad Roman: Deum  
omnia facere, non permissivè, sed potenter: id est, ut sit ejus propria  
Judæ proditio, sicut Pauli vocatio. Sed huic Doctrinæ reclamationem  
Scriptura Sacra dicens. Psal. 5. Quoniam non Deus volens ini-  
quitatem, tu es. Jeremiæ 19. Edificaverunt excelsa Baalim quæ  
non præcepi, nec locutus sum, nec ascenderunt in cor meum. 1. ad  
Thessalonicenses 4. Hæc Voluntas Dei, Sanctificatio vestra. Recla-  
mant Patres: audiatur saltèm Divus Augustinus, qui ad Ar-  
ticulos sibi falsè impositos, Articulo 10. ait: Detestanda &  
abominanda opinio est, quæ Deum cujusque malæ voluntatis aut malæ  
actionis credit Auctorem.

*De dam-  
natione  
imperi-  
torum,*

Secundò Docet, Quòd Deus finè respectu aut prævi-  
sione peccati Originalis, aut actualis, damnet immeritos.  
Libro enim contra Erasmus de servo arbitrio. Deus, ut  
merita



merita non respicit in salvandis, ita neque in dammandis: illic indignos coronat, hic indignos punit, & immeritos damnat: Quod si tibi placet indignos Deus coronans; nec debet displicere, immeritos damnans: illic gratiam & misericordiam spargit in indignos: hic iram & severitatem spargit in immeritos.

Convellit hunc errorem per os Prophetarum & Apostolorum Spiritus Sanctus. Psal: 24. *Universa via Domini, misericordia & veritas.* Osee 13. *Perditio tua ex te Israël.* Sapientia 12. de DEO dicitur: *Cum sis Justus, justè omnia disponis: ipsum quoque, qui non debet puniri, condemnare exterum aestimas à tua Virtute.* S. Apostolus Petrus in 2. Epistola cap: 3. *Deum non vult aliquos perire, sed omnes ad pœnitentiam reverti.* S. Paulus 1. ad Timoth: 2. *Deus vult omnes homines salvos fieri.*

Convellunt etiam Sancti Patres. Divus Augustinus Lib: 3. contra Julianum cap: 28. *Bonus est DEUS, Justus est DEUS, potest aliquos sine bonis meritis liberare, quia Bonus est: non potest quemquam sine malis meritis damnare, quia Justus est.*

S. Fulgentius ad Monimum Lib. primo cap. 26. ait. *Notum est, iram DEI dici non posse, nisi ubi creditur, hominis iniquitas præcessisse.*

Tertiò. Quàm impia Lutheri Doctrina hæc! Oportet cor humanum, Legem Dei, atque adeò Deum ipsum, supra modum odisse. Meritò sapientissimus Cornelius à Lapide allegans hoc execrandum Lutheri dictum in Commentario suo eruditissimo in Epistolam ad Galatas, cap. 2. numero 47. ait: *Audite hæc, qui à Luthero ejusque Affeclis misere decepti estis, & exhortescite vocem non hominis, sed Satana.*

Quartò. Sermone de Piscatura Petri Lutherus dicit; *Quanto sceleratior es, tanto vicinior gratiæ Divinæ es. Nónne hoc Paradoxum, simile huic: quo remotior es à Polonia eò es vicinior Poloniæ. Utique sceleratum esse, est à gratia Divina recedere? Quodnam ex orci armamentario validius*

*De Odio  
in Deum.*

*De Acces-  
su ad gra-  
tiam.*

telum esse potest, ad frana pudoris & omnis honestatis perfringenda?

*Ariano-  
rum Fau-  
tor Lu-  
therus.*

Quintò. Arianis, Doctrina Lutheri in pluribus haud medio-  
criter favet. Nam Lib: contra Latomum dicit. *Anima  
mea odit hanc vocem ὁμοῦσιος.* Quid quæso (ut rectè notat  
Bellarminus in Præfat: de Christo) vel sentiret, vel dice-  
ret aliud Arius, si ab inferis nunc rediret?

Nomen etiam *Trinitatis* eidem displicuit; unde precandæ  
formulam hanc; *sancta Trinitas Unus DEUS, miserere nobis*, ex  
Litanijs, id est, ex publicis & communibus Ecclesiæ preci-  
bus sustulit: & ex prima Epist: Sancti Joannis cap: 5. ab-  
stulit verba hæc: *Tres sunt in Cælo, qui testimonium dant: Pater,  
Verbum, & Spiritus Sanctus, & hi tres, unum sunt*; cum tamen  
hæc verba, in omnibus emendationibus Bibliis exstarent. In  
suis etiam Bibliis editis Germanicè, Vitebergæ, Jenæ, Lip-  
siæ, Francorfordiæ, ex Loco Isaïæ cap. 9. ubi dicitur de  
Christo: *Parvulus natus est nobis - vocabitur nomen ejus, Admira-  
bilis, Consiliarius, DEUS, Fortis, &c.* vocem *DEUS* omisit.

Item in Cap: 10. Genesis commentando, Filium Dei  
æternum, qui creavit omnia, *Instrumentum Patris*, vocat: id  
autem ipsum dixit Arius, ut testatur S. Athanasius Lib: se-  
cundo contra Arianos. Certum autem, quod instrumen-  
tum, non sit præditum eadem potestate, quam habet Cau-  
sa Principalis. ut Lutherò edoctus Philippus Melanthon, Lu-  
theri amicissimus, nonne Arianizat? dum in Locis commu-  
nibus Anno 1558. pag: 40. & in Epistola ad Electorem  
Brandenburgicum, tertia Octobris 1552. scripsit hæc: *Filius se-  
cundum Divinitatem cessit iræ Patris, adversus peccata. - Natura Fili  
Divina, obedivit Patri in Passione.*

*Quin &  
Judeo-  
rum ac  
Mahome-  
tarum.*

Sextò. Tomo primo Latin: Vitebergico in Disputa-  
tione de Mysterio Sanctissimæ Trinitatis, ausus est Luthe-  
rus scribere Thesim 18. hanc. *Nihil mirum, si Arius, Ju-  
deus,*

deus, Mahomet, & totus Mundus, negent Christum esse DEUM. Totiusne Mundus negat Christum esse DEUM? quàm portentosum mendacium! Nonne Europa universa, cum omnibus suis Regnis & Provinciis amplissimis, tot itè in armenia, utraque Asia, Africa, India Orientali & Occidentali Populi & Gentes, Christum esse verum Deum palàm deprædicant? Nonne sunt Motiva evidentia Credibilitatis pro Veritate Religionis Christianæ Catholicæ? documenta itè clarissima, quibus Arianismus, Mahometismus, & Judaismus erroris evidenter convincuntur, ut mirabilissimum sit, quòd post tot motiva & documenta, hucusque à Judæis, Mahometanis, non agnoscatur Christus, Verus DEUS. Vide dicta in Defensione Theologiæ Scholasticæ in Tractatu quinto sub Thesi prima.

Septimò. In libello de Patribus & Conciliis, itè in Libello qui inscribitur, *Confessio Martini Lutheri de Sacramento Cænæ Domini*. Dicit: Naturam Divinam in Christo esse passam, crucifixam, mortuam, unà cum Natura humana: damnatque Hæreseos Zvinglium & Zvinglianos, quòd Divinitatem pati potuisse, pertinaciter negarent. Quare Zvinglius respondens Lutherò in Tomo 2. in Responsione ad Confessionem Lutheri ait: *Quid dici potest blasphemius? Num Deus quoque pati potest? Num eundem etiam mortuum fatebimur? Hic quo se vertere poterit Lutherus, si Pontificii dictum hoc arripientes, eum in Divinitatem quoque blasphemum esse dixerint; ut qui illam mortuam esse pronunciat.*

*Nec non  
& Euty-  
chiano-  
ram.*

### C A P U T III.

**A** Sfero tertiò admirandè erronea Lutheri Doctrina de Sanctis, Fide, & Meritis.

Pro-



*Referuntur & re-  
felluntur  
errores  
Lutheri  
De Dormi-  
tione  
Anima-  
rum.*

**P**ROBATUR PRIMÒ. Nam explicando Caput 49. Genesis & in Epistol. ad Amsdorffium dicit. Animas omnium Justorum dormire post mortem, ac usque ad Judicis diem nescire ubi sint. Dixitne Christus Dominus Latroni bono: hodie mecum dormies in Paradiso? Divus Paulus cupiebatne dissolvi & dormire? nonne ardentem desiderabat esse cum Christo? ad Philip: 1. *Coarctor desiderium habens dissolvi & esse cum Christo*; Christus autem utique est in cœlo? Hæc erronea de dormitione animarum Doctrina, meritò etiam ipsi displicuit Zvinglio, qui in Explicatione Articuli 57. eam refellit. Displicuit item Calvinò, hinc in Libro cui Titulus Psychopannichia (suppresso tum nomine Lutheri & ejus aliquorum sequacium, metuens fortè sibi à Lutheri nimis aculeato calamo) habet hæc: *Quidam principid confusè garriebant, mortuorum animas dormire, neque desiniebant, quid per somnum vellent intelligi: illorum errorem non ferendum existimo, cum nec ratione, nec judicio, nitantur.* Quamquam & Calvinus ipse hoc in passu, non leviter etiam erret; licet enim animas, non faciat dormientes sed vigilantes, tamen eas extra Cælum in quodam atrio collocatas esse, docet. lib. 4. Instit. cap. 20. & cap: 25. Et cum felici lætitia fruitionem promissæ gloriæ expectare. Vide dicta in Defensione Theologiæ Scholasticæ. In Tractatu tertio, sub Thesi prima & in Admirandis Zvinglii in Tractatu tertio cap. 5. & ibidem in Tractatu secundo cap: primo.

*De Sanctitate  
DEIGenitricis.*

Secundò. Non est veritus palàm in sermone de Nativitate B. Virginis dicere: *Omnes sunt Beata Virgini in Sanctitate & meritis coram Deo pares.* Quomodo omnes pares Beatissimæ Virgini? quam Angelus vocat *gratiâ plenam.* Quam intuita Elisabeth exclamavit: *Unde hoc mihi ut Mater Domini mei veniat ad me?* De qua Spiritus Sanctus Proverb: 31. dicit: *Multæ Filie congregaverunt divitias: Tu supergressa es universas.* Et  
Can-

Cantic: 1. *Tota pulchra es & macula non est in te.* Cujus pura Sanctitas, & sanctissima Puritas (ut ait S. Anselmus de Excellentia Virg: cap: 9.) *Omnem omnis creaturæ puritatem, sanctitatemque transcendit.* Cujus (ut dicit Doctor Angelicus 2. p. q. 27. Artic: 1. & 2.) *Puritas, maxima est sub DEO: & quæ maxime participavit gratiam, utpote propinquissima gratiæ Principio, Christo.* Cujus Merita fuerunt summè intensa & dignificata non solum per gratiam Sanctificantem pænè infinitam, sed etiam per Maternitatem DEI, dependebantque à motivis supernaturalibus plurimis excellentissimisque, erantque continua sine interruptione.

Tertiò. Docet sola Fide, licet nulla quis ex adultis, opera bona faciat, imò licet peccata gravissima perpetret, excepta tamen infidelitate, obtineri justificationem, & beatitudinem: scribit enim ad suum Melanthonem Epistol. 238. sic: *Esse peccator & pecca fortiter, sed fortius Fide & gaude in Christo, qui Victor est peccati, mortis, & Mundi: peccandum est, quamdiu hic sumus, — sufficit quòd agnovimus per divitias gloriæ DEI Agnum, qui tollit peccatum Mundi (hoc est sufficit, quòd credamus in Christum) ab hoc non avellet nos peccatum, etiamsi milles, millies, uno die fornicemur, aut occidamus.* Nónne hæc doctrina, timorem Dei tollit? habenas laxat ad patranda flagitia vitæque impuritatem? Nónne Christus asseruit Mathæi 5. *Qui dixerit fratri suo fatue, reus erit gehennæ ignis.* Rectè S. Augustinus de Gratia & libero Arbitrio cap: 7. scripsit: *Homines, non intelligentes, quod ait Apostolus: Arbitramur Justificari hominem per fidem sine operibus legis; putaverunt eum dicere, sufficere homini fidem etiamsi malè vivat & bona opera non habeat. Quod absit, ut sentiret Vas Electionis; qui cum dixisset quodam loco: In Christo enim Jesu, neque Circumcisio aliquid valet, neque Præputium: mox addidit, sed Fides quæ per dilectionem operatur.* Hanc, & sequentem Lutheri erroneam doctrinam fusiùs refutavi, in

*De Justificatione  
visolius  
Fid. i.*

Defensione Theologiæ Scholasticæ in Tractatu tertio sub  
Thesi sexta & nona.

Quartò. Pluribus in locis dicit: Hominem quemcun-  
que fieri justum & Sanctum sola Fide, sinè ullis bonis ope-  
ribus & meritis. Cùm tamen Veritas Prima dicat Matthæi  
3. *Omnis arbor, quæ non facit fructum bonum, excindetur & in  
ignem mittetur* Sanctusque Jacobus Apostolus scripserit, *quid  
proderit fratres mei, si Fidem dicat quis se habere, opera autem non  
habeat: nunquid potest Fides salvare eum? Fides sinè operibus mortua  
est.* Divus quoque Augustinus in hæc verba scribens cap:  
14. de Fide & Operibus ait: *Quoniam hæc opinio tunc fuerat  
exorta Fidem sinè operibus justificare, apostolicæ Epistolæ, Joannis, Ja-  
cobi, & Judæ, contra eam opinionem, maximè intentionem dirigunt.*  
Eandemque opinionem erroneam idem Sanctus Lib. de Hæ-  
resibus. Hæresi 54. tribuit Eunomio Hæresiarchæ.

## C A P U T IV.

**A** Sfero quartò in Lutheri Doctrina de Castitate  
sunt admirandi errores.

*Epicurea  
Paradoxa  
Lutheri.*

**P** Robatur. An enim non meritò obstupe scat, prudens  
Lector, si legat vel unam Epistolam Lutheri (exstat  
Tomo septimo) quam Anno 1525. 14. Martii, Vitebergæ  
scripsit ad Wolfgangum Reisenbusch Juris utriusque Do-  
ctorem votis Religionis obstrictum, utpote Ordinis Sancti  
Antonii. Is cùm paulò tardiùs uxorem duceret, quàm Lu-  
thero placebat: Ut eum ad nuptias impelleret. Hæc inter  
alia proposuit motiva, in illa sua Epistola.

*Sinè Matrimonio vivere volens, planè impossibilia servat, penitùs-  
que cum DEO pugnat.*

*Votum Castitatis, ut impossibile & impium, nullius momenti est;*

DEUS



DEUS quoque reprobatur illud, non secus, acsi vovissem, Dei Matrem me fieri, aut novum Cælum condere velle, sumere Cibum, potum, & Uxorem ducere, utrumque hoc juxta facere cogit necessitas. Et DEUS utrumque ex aquo fieri imperat.

Cassè & integre vivere, tam non est in manu nostra, quàm omnia reliqua DEI miracula, Gratia, & Opera, omnes itaque ad Matrimonium, hoc est legitimè procreandos liberos nati sumus, sicut ipsa corporis membra indicant. Qui se hominem esse agnoscit, & credit hominis appellatione se quoque comprehendere, ille purgatis auribus audiat, quàm DEUS super omnem carnem pronuntiet sententiam, dicendo nimirum, se nolle quemquam vivere sine matrimonio, sed multiplicari.

Non absimilia Axiomata habet in Colloq. Mensal: Titulo de Matrimonio. Et in cap: septimum Epist. primæ ad Corinth: Itè sermone de Matrimonio, quem Vitebergæ habuit Anno 1552. ubi inter alia hæc sunt: *Conjunctio viri cum femina est necessaria; Quia Verbum hoc, quod DEUS ait: Crescite & multiplicamini; non est Præceptum, sed plùs quàm Præceptum: Divinum puta Opus, quod non est nostrarum virium, vel ut impediatur vel emittatur. Sed tam est necessarium, quàm ut masculus sin; magisque necessarium, quàm edere, bibere, purgare, mucum emungere, somno, & excubiis intentum esse.* Et propter tantam fortè necessitatem correxit Orationem Dominicam, docens In cap. 24. Genesis, ità orandum esse: *Domine DEUS, da Uxorem, & panem quotidianum.* Priùsque Uxorem petendam esse docet, quàm panem quotidianum. Prætermitto, quòd passim in Lutheri Epistolis, præsertim ad Spalatinum Apostatam Tomo secundo Epist: folio 306. & 322. & 377. contingantur salutandi, & valedicendi formulæ, jocos Venereis multum impudicis honestarumque aurium graviter offensivis (ideoque consultò à me hic in particulari non annotantur) consarcinata, quæ omnia luculenter probant, Lutherum fuisse continentiae hostem capitalem.

*Epicurus  
Christia-  
norum  
Lutherus.*

S. Hieronymus quondam, meritò Jovinianum (lib: 1. contra eundem ab initio) dixit esse *Epicurum Christianorum*. Quidni multò magis etiam ob annotata Paradoxa, Lutherus dicendus est Epicurus? Nónne graviter esse erronea axiomata illa Lutheri declarat Sanctus Paulus 1. ad Corinth. 7. dicens: *Qui matrimonio jungit Virginem suam, bene facit: & qui non jungit, melius facit. Volo omnes homines esse sicut me ipsum.* (ipse verò vel Virgo fuit, vel certè cælibem egit vitam) *Dico non nuptis & viduis, bonum est illis si sic permancant, sicut & ego.* Cùm DEONE pugnàrunt innumeri Sancti & Sanctæ à temporibus Apostolorum in perpetua continentia viventes? Nullus Lutheranorum unquam habuit, vel habet donum miracula patrandi, omni cibo & potu per mensem integrum abstinendi, novum Cælum condendi. Ergo juxta Doctrinam Lutheri, nullus Lutheranorum habuit & habet donum Castitatis. Si alicujus Lutheranæ Uxoris Maritus, longò difficilique morbo laboret, vel peregrinas adeat regiones, tamdiùne cibo & potu abstinere debet uxor, donec convalescat, vel redeat Maritus? Utique juxta Lutherum, conjunctio Viri cum fæmina est tam necessaria, quàm edere & bibere? Quis credet, Lutherum ante sacrilegas nuptias cum sua Borra, castè aliquo tempore longiore vixisse? cùm certum sit, eum non abstinuisse cibo & potu longo tempore?

## C A P U T V.

*Exponun-  
tur & re-  
futantur  
errores  
Lutheri*

**A**Ssero quintò Admirandi sunt errores in Lutheri Doctrina, de Pontifice Romano, & Sacerdotio.

**P**Robatur. Quidni enim admirandè blasphema & stolidè erronea sūt Lutheri doctrina hæc? *Sanctus Gregorius* (scili-

(scilicet Magnus, inquit libro adversus Papatum) fuit ultimus Episcopus Romanus, post cujus obitum, Romana Ecclesia nullum amplius habuit Episcopum, etiam usque in hodiernum diem, nec in posterum habitura est, nisi fortè fiat mirabilis Metamorphosis (id est nisi Lutheri Doctrinam amplectantur.) Sed non nisi Papæ, hoc est diabolicæ larvæ ibi regnarent. Et omnes Ecclesias & earum res, tam Divinas, quàm humanas devastarunt - Quisquis autem salutem consequi cupit, vitet, fugiat, & non minùs, quàm ipsum Satanam Papam, & ejus opera & Statum damnet, id quod nos noster Sacro-Sanctus Baptismus docet, & adhortatur - Imprimis Imperatores Reges, Principes, & Præceteres, si in numero Christianorum esse velint, meminisse debent sui esse officii, execratum illum Ethnicum Romanum pro meritis tractare. Aliàs faciunt profectò se participes omnium peccatorum, quæ Ethnicus ille Diabolus Romæ tot sæculis in Ecclesia perpetravit, in omnibus suis libris decretorum - Bullarum, omnium Diaboli excrementorum, & factorum, quibus Christianitatem suffocavit, & strangulavit. Hoc mihi certum est, si Papa non esset Turca (cujus Diabolus Diabolo Papæ propinquitate sanguinis, & affinitate summa conjunctus est.) Ad tantam potentiam nunquam pervenisset. Papa nec Christianus est, nec vocatur. Ergone per Annos 913. (tot enim fluxerunt ab obitu S. Gregorii ad Annum 1517.) Nullus, qui Papæ su-berat potuit salvari? Itane æternum perierunt, miraculis, doctrinâ, Sanctitate conspicui præter alios innumeros, Bernardus, Anselmus, Albertus, Stanislaus, Casimirus, Bonifacius I. Archiepiscopus Moguntinus Germanorum Apostolus, Ansgarius Apostolus Svecorum, Ebbo Archi-Episcopus Remensis, Daniæ Apostolus, &c. Hi enim omnes, ut evidens est ex Historiis paruerunt Papæ, & vixerunt post Gregorium Magnum? Quanam contra Pontifices Romanos, Devastatores Ecclesiæ Christi (ut blaterat Lutherus) Concilia congregata? Quis eos ex inculpatæ Fidei Auctoribus, & Doctoribus unquam oppugnavit, & convicit errasse in ma-

*De Romano Pontifice.*



teria Fidei? Ubinam per tot sæcula latuit vera Ecclesia Christi? cur nulli ex illa occulta transierunt ad Lutherum? *Ecquid verisimilene est* (utor verbis Tertulliani de Præscriptione cap: 28.) *ut tot ac tantæ Ecclesiæ in unam fidem erraverint?* - aliquos Marcionitas & Valentinianos (Lutheristas, Calvinistas.) liberanda veritas expectabat; interea perperam evangelizabatur, perperam credebatur?

### De Sacerdotio.

*De eo  
quod do-  
ceat Lu-  
therus om-  
nes Chri-  
stianos  
esse pro-  
priè Sa-  
cerdotes  
& Episco-  
pos, etiam  
Mulieres  
ipsas.*

Quidn̄ Doctrina admirandè erronea? potestatem absol-  
vendi à peccatis & consecrandi, tribuere omnibus & sin-  
gulis Christianis, etiam mulieribus, imò & dæmoni? audi  
Lutherum lib: de abroganda missa privata Tomo secundo  
Lat: Viteb: Vocabulis istis, Sacerdos, Clericus, Spiritualis, Ecclesiasti-  
cus, injuria facta est, dum à reliquis Christianis omnibus translata sunt  
ad paucos istos, qui nunc usu noxio, Ecclesiastici dicantur. Sed cer-  
tus esto & se agnoscat quicumque se Christianum esse cognoverit, om-  
nes aqualiter esse Sacerdotes: hoc est eandem in Verbo, & Sacramen-  
to quocunque habere potestatem: Et in Libello de instituendis  
Ministris, ad Senatum Pragenssem scribit: Sacerdos in novo Te-  
stamento non fit, sed nascitur ex aqua in Spiritu & lavacro genera-  
tionis. Sûntque prorsus omnes Christiani Sacerdotes, & omnes Sacer-  
dotes, sunt Christiani: Anathemâque sit, Sacerdotem alium asserere,  
quàm eum, qui est Christianus: assereretur enim id absque Verbo DEI.  
Et Infra. Dicimus & hoc officium Sacerdotale, scilicet, consecrare  
seu ministrare sacrum Panem & Vinum, esse omnibus commune, per-  
inde atque Sacerdotium: Idque non nostra, sed Christi asserimus Au-  
thoritate; dicentis in Cæna Novissima: Hoc facite in mei commemora-  
tionem. Quo Verbo etiam rasi Papistæ volunt Sacerdotes factos, &  
potentiam consecrandi collatam. At, hoc Verbum dixit Christus om-  
nibus suis præsentibus & futuris, qui Panem illum ederent & poculum  
bibe-

*biberent : Quidquid ergo ibi collatum est, omnibus collatum est : Nec habent, quod hic opponant ; nisi Patres, Concilia, Consuetudinem, & fortissimum articulum illorum, qui est : Nos multi sumus, & sic sentimus. Ergo est verum. Accedit Testis Paulus 1. ad Corinth. 11. Ego enim accepi à Domino, quod & tradidi vobis. Et hic Paulus ad omnes loquitur Corinthios : omnes faciens tales, qualis ipse fuit, id est Consecratores. Hinc patet, quòd etiam Mulieres, juxta Lutherum possint consecrare. cùm sint è numero Christianorum. Imò illis inesse hanc potestatem, tali probat ibidem Argumento. Collata est omnibus Christianis etiam Mulieribus potentia baptizandi & Verbum annuntiandi. Quæ potentia est incomparabiliter majus quid, quàm panem & vinum consecrare. Nam inter baptizandum, profertur Verbum DEI vivificum, quod animas regenerat, & à morte ac peccatis redimit. Ergo non negatum quoque esse rectè dicitur id, quod minus est, nempe consecrare : etiamsi deesset Scripturæ auctoritas. Sicut & Christus arguit, Anima plus est, quàm corpus, & corpus plus, quàm esca. Si DEUS hoc damnat, quanto magis illud. Hæc Lutherus.*

*Mulieres etiam, juxta Lutheri Doctrinam, possunt audire confessiones : Et à peccatis absolvere ; tum quia omnes Christiani juxta ipsum sunt Sacerdotes ; tum quia dicit in Libello de instituendis ministris : Nos omnes, qui Christiani sumus, habemus commune hoc officium clavium : Stat enim Verbum Christi Math. 15. Non Apostolis tantum, sed omnibus - prorsus fratribus dictum, - quodcunque ligaveris, ligatum est. Qui sunt illi, quos alloquitur ? nonne omnes Christiani ? Cessent ergo Hominum mendacia : Claves sunt totius Ecclesiæ, & cujuslibet membri ejus, tam jure, quàm usu, & omnibus modis. Hinc ut scribit Georgius Scherer in sua Postilla, de Tempore Concione tertia Dominica Quadragesimæ, habita. Accidit (inquit) in Austria non procul hinc (hoc est Viennâ) memorabile quiddam. Vidua nobili-*  
*nate*

tate & formâ spectabilis, confitebatur Predicanti cuidam; absolutâ Confessione, rogabat Predicans, ut ipsa vicissim suam Confessionem audiret.

- Sibi enim in optatis esse arcana pectoris sui ei credere, Mulier hac petitione exterrita, Predicantem repellit. Atqui agebat ille, scriptum est: Confitemini alterutrum peccata vestra. Qua re Mulier intantum offensa fuit, ut ei tota Lutherana secta, in qua nata & educata fuerat, suspecta redderetur: Me igitur advocandum curans, rem totam ex ordine exponit, & se in Catholica Religione instrui orat. Postea Catholico ritu Confessa, Eucharistiam ex manu mea accepit. Hæc ille. Ex eadem doctrina Lutheri habetur, quod mulieres, etiam possint ordinare Prædicantes. Hinc, ut scribit idem Scherer in Postilla de Sanctis, Concione prima de Sancto Stephano. Ante paucos annos, non procul Viennâ Mulier quedam Nobilis, per impositionem muliebrium suarum manuum, & lintei, quo præcingebatur, loco Stola, filiorum suorum Præceptorem, & Pædagogum, ad Prædicanticum officium vocavit, ordinavit, & consecravit. Insuper ipsi Diabolo tribuit potestatem Lutherus administrandi validè Sacramenta, ac conficiendi Corpus Christi. Ità enim scribit Tomo septimo de Missa privata: Ego non dicam, quod Papistæ dicunt, nullum Angelorum, nè MARIAM quidem ipsam, consecrare posse. Et è contra dico: Si Diabolus ipse veniret. (Si modò præmalitia posset rebus DEI tam diu interesse.) Ego autem pono, ut postea resciscerem, Diabolum sic irrepsisse in Officium Pastoris Ecclesiæ, in specie hominis vocatum esse ad prædicandum & publicè in Ecclesia docuisse, baptizasse, celebrasse Missam, absolvisse à peccatis: Et tali munere functum esse, juxta institutionem Christi, tunc cogeremur fateri, Sacramenta ideo non esse inefficacia, sed verum Baptismum, verum Evangelium, veram Absolutionem, verum Sacramentum Corporis & Sanguinis Christi, nos accepisse. Sed contra est. Tum quia. Quæro, Quis dedit, & quandonam data est potestas Dæmoni, vel omnibus Christianis, etiam mulieribus, Potestas inquam consecrandi & absolvendi à peccatis. Tum quia  
in Eccle-



in Ecclesia Catholica à primis Ecclesiæ temporibus hucusque nullus unquam Orthodoxus docuit, omnes Christianos esse propriè Sacerdotes; damnatique sunt olim ab Ecclesia Pepsiani, simile quid blaterantes. Tum quia bene urget Bellarminus; si omnes Christiani haberent hanc potestatem, nemo posset privari usu ejus, nisi in poenam magni criminis; possentque per vices saltèm fungi hoc ministerio, aut certè non deberet posse repelli, qui vellet ministrare, quando pauci sunt Ministri, licèt non esset vocatus à Magistratu: Cùm tamen ordinariè Lutherani repellant non vocatos. Neque dicas S. Petrus dicit de omnibus Christianis 1. Petri 2. *Vos genus electum Regale Sacerdotium.* Quid tum? Nōne etiam Judæis omnibus olim dictum est Exodi 19. *Vos eritis mihi in Regnum Sacerdotale, & gens Sancta.* Numquid ideo Judæi omnes erant Sacerdotes propriè dicti? minimè. Sed dicti sunt, Sacerdotes impropriè, quòd scilicet, Spirituales DEO hostias offerrent: Sic ob eandem rationem, & Christiani à S. Petro vocantur Regale Sacerdotium.

## C A P U T VI.

**A**Sfero 6. In Doctrina Lutheri de aliis dogmatibus Fidei Orthodoxæ sunt admirandi errores.

**P**Robatur. Nam inter alia primò, Docet Lutherus esse Evangelicos, veros & Christianos, omnes triginta Articulos Joannis Hufs, in Concilio Constantiensi damnatos. Sic enim in Assertionibus Articulorum suorum 41. dicit Tomo secundo Articuli 30. *Aliqui Articuli Joannis Hufs, Condemnati in Concilio Constantiensi, sunt Christianissimi, Verissimi & Evangelici: Quos nec Universalis Ecclesia posset damnare, Erravi, & hunc Articulum revocavi, & adhuc revoco, in hoc, quod dixi: Aliquos*

*Ostenditur erroneè docuisse Lutherum, omnes Propositiones Hufsi esse veras.*

L

Arti-

Articulos Joannis Hufs esse Evangelicos. Quare nunc sic dico : Non aliquos, sed omnes Articulos Joannis Hufs esse damnatos ab Antichristo & suis Apostolis in Synagoga illa Sataræ ex sceleratissimis Sophistis congregata : Et in faciem tuam Sanctissime Vicarie DEI, Tibi dico : omnia damnata Joannis Hufs, esse Evangelica & Christiana ; tua autem omnia prorsus impia & Diabolica. Ecce Revocationem, quam tua Bulla exigit ; quid vis amplius ? Porro, sciendum, quòd Triginta Articuli Joannis Hufs, & 45. Articuli, Joannis Vicleffi, in eodem Concilio, Sessione octava & decima quinta damnati, desumpti sunt ex libris eorundem Hæresiarcharum, & Testimoniò gravissimorum Virorum, etiam ipsius Academiæ Oxoniensis, in qua Vicleffus docuit ; itèm Academiæ Pragenfis, in qua Hufs docuit, comprobati. sciendum secundò, inter illos Articulos triginta Joannis Hufs. Articulus 25. est iste : *Condemnatio quadraginta quinque Articulorum per Doctores (scilicet Pragenfes & alios) facta, est malefacta, & ficta est causa, per eos allegata, ex eo videlicet, quod nullus eorum est Catholicus, sed quilibet eorum, aut est Hæreticus, aut erroneus, aut scandalosus.* Proinde Joannes Hufs, sinè ulla exceptione, vel restrictione approbat, ut rationabiles, justos, verus, & probos omnes Articulos quadraginta quinque Viclefficos.

Hinc, cùm Lutherus approbet, ut Christianos, & Evangelicos, omnes Articulos triginta Joannis Hufs condemnatos in Concilio Constantiensi, eo ipso approbat etiam quadraginta quinque Articulos Vicleffi ibidem damnatos, inter quos sunt etiam illi impii Diabolici Articuli. *DEUS debet obedire diabolo. Universitates, studia, tantum prosunt Ecclesiæ sicut Diabolus. Claustra ingredientibus, sunt Viri Diabolici.* Vide supra in Tractatu I. cap. 6.

Secundò, scribit Lutherus Anno 1520. in Assertionibus suis, Articulo 31. sic : *In omni opere bono justus peccat.* Intellige, mortaliter : Nam statim in sequenti Articulo scilicet 32. dicit :

dicit: Opus bonum optimè factum, est veniale peccatum non naturā suā, sed misericordiā DEI - Omne opus Justī damnabile est, & peccatum mortale, si judiciū DEI judicetur. Quantā autem pertinacia, hos duos, imò & alios Articulos quadraginta & unum, defenderit, patet ex ipsius Responso contra Doctores Lovanienses pro suis Assertionibus, scribentis hæc: Sive exurant, sive submergant meos Libellos, id quod dixi, iterum repetens dico: In hac Sententiā, me sic esse audacem; ut ignem, mortem, & omnia, etiam iras bestiarum istarum, DEO propitio sum passurus: & omnem, contraria docentem pertinaciter, pro Hæretico habiturus; etiamsi Lovaniensium, & Colonienſium synagogarum Magistri nostri ad unum omnes aliter saperent: Quos & his scriptis confiteor me, pro Hæreticis, & Misericordiæ DEI inimicis habere. Et in Libro contra Latomum ait: Peccatum, prædicatione perseſcitatis, inest operi bono, quamdiu vivimus. Sicut risibile inest homini: ut sequitur: Homo vivit. Ergo est risibilis: Itā sequitur: Homo bene facit, ergo peccat. Modum etiam Confitendi In Colloq: Symbol: Tit: de Confessione auriculari, præscribit talem: Si omnia peccata mortalia confitenda sunt; his sequentibus verbis paucis, fieri potest. Mea tota vita, & quidquid facio, ago, loquor, cogito, id ita factum est, actum, ut mortale sit, & condemnatione dignum: Nam si quis hominum, hujus est opinionis, quod mortalis peccati exsors esset, id mortalium peccatorum omnium esset mortalissimum.

Sed contra est. Si omne opus bonum Justī, DEO Judice, peccatum mortale est: Cur ergo DEUS, & per se, & per Prophetas, & Apostolos, ad bona opera faciendā, in Scriptura Sacra nos hortatur? Math: 5. vers: 16. Sic luceat lux vestra coram hominibus, ut videant opera vestra bona. 1. ad Thimoth. 6. Divitibus præcipe, divites fieri in operibus bonis, &c. Cur Sanctus Petrus dicit 2. Petri. 1. Fratres, satagite ut per bona opera, certam vestram Vocationem & electionem faciatis; hæc enim facientes, non peccabitis aliquando.

*Justum  
in omni  
opere bono  
peccare  
mortaliter.*



Item, si actiones quantumvis bonæ, peccata sunt mortalia? tunc Opus etiam Fidei, quod justificamur, & illa O-ratio, qua dicimus: *Dimitte nobis debita nostra*, essent peccata gravia. Siccine peccata adeo profunt, ut peccatorum remissio, Justitia, Regnum Cælorum, non nisi peccatis mortalibus obtineri possit? cum tamen scriptum sit: *Nihil conquinatum intrabit in Regnum DEI.* Apoc. 21. *Et Domine, quis habitabit in tabernaculo tuo? qui ingreditur sine macula, qui operatur justitiam, innocens manibus, & mundo corde.* Psal. 23.

Accedit, si opera bona, peccata sunt, quomodo illis Fides, demonstrari potest? ut volunt Novatores. Requiritur DEUS in Fidei signum & testimonium, ut peccemus? Demum, quomodo Actio est simpliciter bona, si est mortaliter peccaminosa? cum Bonum sit ex integra causa; malum ex singulis defectibus, teste Sancto Dionysio.

*Docet non dari liberum arbitrium.*

Tertio. Docet Lutherus In Assertionem Articuli 36. quod liberum arbitrium sit figmentum in rebus seu titulus sine re; quia nulli est in manu sua quidquam cogitare mali, aut boni: sed omnia ut Vicleffi Articulus Constantiæ damnatus recte docet, de necessitate absoluta eveniunt, Quod & Poëta voluit, quando dixit: *Certa stant omnia Lege.* - - Non est dubium, Satana Magistro, in Ecclesiam venisse, hoc nomen liberum Arbitrium. Et Carolus V. Imperator, in edicto suo quod exstat Tomo secundo Lat. Viteb: contra Lutherum, dicit: *Confirmat etiam Lutherus ex Ethnicorum Poëtarum fabulis; nullam esse libertatem Naturæ hominis, eod, quod determinatio Divina sit rata & immutabilis.* In glossis marginalibus ad edictum Imperatoris, apposuit Lutherus verba ista: *Poëta hic intelliguntur, Joannes, Paulus, Petrus.* Sed contrarium docet, tam Christus Dominus Matth. 19. & 23. *Si vis ad vitam ingredi, serva mandata.* Quoties volui congregare filios tuos, & nolui. Et pluribus aliis in locis Sacra Scriptura Tum Sancti Patres, ex quibus Sanctus Augustinus sufficiat.

*Quis*

Quis (inquit Lib: de Fide contra Manichæos cap. 10.) Non clamat stultum esse, dare præcepta ei, cui liberum non est, quod præcipitur facere; & iniquum esse, eum damnare, cui non fuit potestas, jussa complere. Tum ipsa Experientia, nam pro libitu nostro loquimur, aut silemus; surgimus, aut sedemus &c. Videnturque inficiator libertatis, potenter verberandus, donec fateatur, eum à quo verberatur, posse libere desistere. Rectè ipse Melanthon in Disputatione de Providentia & Contingent: Tomo 1. Latin: Viteb: Lutheri ait: *Falsa est & perniciofa moribus & Religioni Stoicorum opinio, quæ affirmat, omnia necessariò evenire.*

Quartò. Docet relinquendum esse judicio cujusvis privati Christiani hominis, quid credendum sit, quid non: rejecta etiam Auctoritate Ecclesiæ, Conciliorum & Patrum. Unde sic argumentatur ineptissimè, in libro de instituendis Ministris. *Est Christianus; ergo habet Spiritum Sanctum; ergo est Juxa omnium - Christianus est certus, quid credere debeat & quid credere non debeat: ergo est Juxa omnium.* Huic Doctrinæ veluti principio & fundamento, quidni quivis Hæresiarcha facile superstruere potest sua perversissima Dogmata?

Quintò. Contra omnem rationem, & sensum, docet; Infantes dum baptizantur, divinos quosdam motus, internis sensibus percipere, promissiones Evangelicas audire; & promittenti DEO actu credere. In Commentario enim inter tertium Caput Epistolæ ad Galatas, pluribus probare nititur; nullos esse Filios Abrahæ; nisi credentes; per credentes intelligens illos, qui actualem Fidem habent: habitus enim infusos, proinde & habitum Fidei, nullibi admittit dari. Et in majore Cathechismo Cap: de Baptismo dicit: *Quamquam pueri non crederent, quod nullo modo affirmandum est, (ut jam est ostensum) tamen Baptismus verus esset.* Itèm ad Valdenses scribit: *Quomodo probabitur parvulos non credere?* Et Articulo ex Ar-

*Infantes  
Christia-  
nos actu-  
aliter cre-  
dere.*

ticulis 76. contra Lovanienses Tomo secundo ait : *Falsissimum & temerarium est, in infantibus baptizandis, quod non credant.*

Ex hac Doctrina Lutheri, exordium suum sumpsit Anabaptismus, qui ex Saxonia prodiit. Merito enim Anabaptistis absurdum videbatur, infantes habere usum rationis, & actualem Fidem propriam: quod docebat Lutherus, ideoque satius illis visum est, non baptizare infantes, sed non nisi adultos; & actu credentes.

*Transub-*  
*stantiati-*  
*onem in*  
*Euchari-*  
*stia esse*  
*figmentū.*

Sexto. Contra Transubstantionem insurgit taliter, in libro contra Regem Angliæ. *Tutissimi sumus, merissimum esse impiorum Thomistarum figmentum, quidquid blaterant de Transubstantiatione ista; estque firmiter verbis DEI nitendum, ubi in Paulo, simpliciter & purè dicit: Panem esse verum Corpus Christi; quem frangimus & manducamus. Decerno impium esse & blasphemum si quis dicat, panem transubstantiari.* Hæc Doctrina Lutheri erronea est. Tum quia ipsemet de Capitiv: Babyl: cap: de Eucharistia, dicit non esse Articulum Fidei, utrum fiat transubstantiatio, vel non; sed utrumque posse defendi sinè periculo Hæresis. Cur ergo hic decernit, impium esse & blasphemum, si quis dicat panem transubstantiari? Tum quia transubstantiationem dari in Eucharistia docuit semper Ecclesia Christi: ut probat fusè Bellarminus, citando pro hac Doctrina, supra triginta vetustissimos Auctores, qui vixerunt ante Innocentium III. inter quos, ita loquitur S. Anselmus Cantuariensis Archiepiscopus, qui floruit circa Annum 1080. *Panis (inquit in Epistola de Corpore Domini.) Substantiam post Dominici Corporis consecrationem in Altari supereffe, semper abhorruit pietas Christiana, nupérque (idest in Concilio Romano sub Nicolao II. quod celebratum est circa Annum 1060. & itidem in Concilio Romano sub Gregorio VII. quod celebratum est Anno 1079.) damnavit in Berengario Turonensi, ejusque sequacibus.* Tansubstantiari item panem in Corpus Chri-



Christi. definivit clarè Concilium Generale Lateranense, sub Innocentio III. celebratum Anno 1215. (nota: Sanctus Thomas natus est Anno 1224. Unde Transsubstantiatio, non est Thomistarum Figmentum) ut patet ex capite primo, ejus Concilii, quod incipit: *Firmiter credimus.* Idemque Fide Divina, credendum statuit Concilium Constantiense, Florentinum, & Tridentinum. Itane tot sæculis in impio & blasphemio errore fuit Universa Ecclesia, Columna Veritatis? Vocatur Eucharistia Panis, etiam post Consecrationem; quia, ut panis reficit, ut panis videtur, & quia ex pane confecta est: non autem ideo vocatur Panis; quasinam simul maneret substantia panis, cum Corpore Christi.

Septimò. Docet multis in Locis, Impossibilem esse observationem Legis Divinæ, Et tamen dicitur 1. Joan: expressè: *Hæc est Charitas DEI, ut mandata ejus custodiamus, & mandata ejus gravia non sunt.* Et Augustinus Lib: de Nat: & Gratia cap: 43. *DEUS impossibilia non jubet.* Item si Præcepta DEI servari nequeunt, à Lutheri Affeclis, quidni inferatur rectè, eos idololatrias saltè imperfectè, fures, adulteros, &c.

Octavò. Dicit In Postilla Ecclesiastica, Dominica prima Adventûs *Cujusvis Molitoris Ancilla fide prædita, plus boni præstat, plurâque impetrat, equidem merito ejus longè plus quoque fiderem, cum asinam duntaxat exonerat frumentò, aut similem aliquam vilem operam famulitii sui facit; quàm omnes simul Clerici & Monachi præstent, aut impetrent; si totos etiam dies, totâque noctes psallerent, sesèque ad vomitum sanguinis usque discruciant.*

En Sancte Augustine, Novus Petilianus; imò longè eò maledicentior, ex tuo Sacro Ordine transfuga, Apostata, & Hæresiarcha novus (utor tuismet verbis Lib. tertio; contra Petilianum cap. 40.) *Perrexit ore maledico in Vituperationem Monasteriorum, & Monachorum & Religiosorum,* arguit te, arguit Sanctum Basilium, Benedictum, Bernardum, Cælestinum, Do-

*Præceptorum Divinorum impossibilem esse observantiam.*

*Ancillam Molitoris plus mereri quàm Omnes Ecclesiasticos.*

mini-

minicum, Franciscum & alios Sanctissimos Viros, quod à Te & ab illis fuerit institutum, hoc vitæ genus, quod tamen quivis Sanctorum Patrum, & piorum scriptorum summis laudibus in cælum attollere est conatus; è contra nemo fuit Hæreticorum, qui non summè voluit esse depressum.

*Plus apud  
Deum me-  
veri An-  
cillam  
quàm om-  
nes Reli-  
giosos.*

Nono. In Caput 20. Genesis Commentando, scripsit Ancilla cùm mulget vaccas, servus cùm pascinat agrum, modò si dclis sit, hoc est, ut statuat placere DEO, tale vitæ genus & à DEO institutum esse, DEO magis servit; quàm omnes Monachi & Monachæ, qui de suo vitæ genere certi esse non possunt.

Magnus & Sanctus Antonius, ut scribit S. Athanasius in ejus vita, dicebat. Omnes quidem Christianos, Diabolus odit, sed probos Monachos, Christianique Virgines, tolerare nullo modo potest. Quid ergo mirum quod eos tolerare nequeat etiam Lutherus, Dæmoni familiarissimus, ut ipsemet fatetur, imò & ejus Discipulus, ut constat ex Disputatione Lutheri habita cum Diabolo quæ exstat Tomo 7. & habetur etiam magna ex parte in mea defensione Theologiæ Scholasticæ in fine Tractatûs quinti.

*S. Hiero-  
nymum  
pertinuis-  
se ad Sta-  
tum Con-  
jugatorû.*

Decimo. In Caput 7. Epistolæ primæ ad Corinth Commentando scribit: Hieronymus, in numero erat eorum, qui per- tinuerant ad matrimonium, sibi que injurius fuit ipse, multaque cona- tus est, nè conjugatus fieret. In Colloq: Sympol: tit: de Schol. Theol: Melius sibi consulisset Hieronymus, si ex Pauli consilio uxo- rem potiùs duxisset - Quia Castitas plena est tentationibus.

Sed unde Lutherò innotuit Hieronymum pertinuisse ad numerum conjugatorum? An quia tentationes Carnis sen- sit? Quid tum? Nunquid præter alias castissimas Virgines, & Viros insigni perpetua continentia conspicuos, non sen- sit tentationes ejusmodi & S. Paulus ut constat ex Epist: ad Roman: 7. Et ex 2. ad Corinth: 12. ubi dicit: Datus est mihi stimulus carnis? huncque stimulum, fuisse concupiscen- tiæ

tiaè motus, libidinisque tentationes, intelligunt Sancti Patres, Augustinus, Hieronymus, Cyprianus, Anselmus, Beda, Thomas, & alii, vide Cornelium à Lapide. & ideòne S. Paulus pertinebat ad numerum Conjugatorum? Ubi S. Hieronymo, ut uxorem duceret, consuluit S. Paulus? Scripsit quidem: *Melius est nubere* (scilicet voto castitatis non adstrictis) *quàm uri*; sed *uri*, non significat calere & tentari libidinis ardoribus, sed iis vinci & consentire: Nec enim urì dicitur ab igne, qui ejus calorem sensit, verùm qui ab eo læditur & adurit. Noverat bene Hieronymus, qui fuit Monachus, & voto castitatis, adstrictus, damnationis æternæ esse reos, teste S. Paulo, qui primam Fidem, volendo uxorem ducere, irritam faciunt.

Undecimo. Multis in locis Doctrinà suà ad Seditiones impellit: jactabat enim sæpè Evangelii sui indolem esse, bella & seditiones movere. Et Anno 1523. scripsit de seculari Potestate Librum Seditiosissimum, in quo ita dicit: *is est hodie rerum status, ut Tyrannidem Vestram o Principes, amplius ferre homines nec velint, nec possint: transformari vos oportet, & Verbo DEI cedere. Quòd si plebs hoc tempore non perficiat, alii succedent à DEO ad hoc excitati. Scire debetis, quòd ab initio Mundi rara admodum avis est Princeps prudens; adhuc multò rarior Princeps probus. Sunt communiter maximè fatui ac pessimi nebulones super terram, & ipsi sunt Lictores & Carnifices DEI.* Et Anno 1524. scribens contra edicta duo Caroli V. ait: *Christianos omnes adhortor, seu potius obtestor, ut mecum conjungant preces suas pro tam miseris, & fascinatiis Principibus; quos DEUS citra dubium inflammatus irà tanquam pestes, & àlascas immisit nobis, nè temerè consentiamus ad suscipiendam expeditionem, aut conferendas pecunias adversus Tyrannum Turcicam; Cùm Turca longè solertià, Consiliò, integritate, moderatione, nostros Principes antecellat.* In Bulla itèm contra Ordinem Ecclesiasticum. *Quicumque* (inquit) *opem se-*

*Lutherus  
plurimū  
seditiosus.*



runt, corpus, bona, & famam in hoc impendunt, ut Episcopatus devastentur, & Episcoporum regimen extingatur, hi sunt dilecti filii DEI, & veri Christiani. Hinc ex scriptis & dictis Lutheri tam seditiosis & sanguinariis, concitata plurima millia Rusticorum in Germania Anno 1525. Duce Muntzero, Hetzero, & aliis, Monasteria & templa ab iis sunt expilata, sed & Nobilium arces incensæ, destructæ: Comites aliquot & Illustres Viri plurimi trucidati: in sola Franconia, tantus Monasteriorum atque Castrorum per illos vastatorum fuit numerus; ut ad trecenta numerata fuerint. Quanquam brevi post compressi rebelles rustici; & illorum supra centum triginta millia cæsa sunt: ipseque Muntzerus captus, sed resipiscens Catholicæ Ecclesiæ reconciliatus, capite plexus est. Ista inaudita post Germanorum memoriam domestica calamitas, cui obsecro (inquit Prateolus Theologus Parisiensis, qui proximè vixit & scripsit post Lutheri obitum) alteri acceptam referat Germania, quàm uni Martino suo Luthero? Orta etiam paulò post, alia gravissima in Cæsarem bel-la; per quæ imminutæ sunt plurimùm vires Imperii contra Christianitatis hostem Turcam: Imò, *An non plerique apud Saxones* (scribit Erasmus Epist: ad Fratres Inferior: German:) *negârunt Cæsari ac Regi Ferdinando suppetias adversus vim Turcarum, sequentes dogma Lutheri? nonne voces hæc jactârunt Evangelici, se malle pugnare pro Turca non baptizato, quàm pro Turca baptizato? hac Nota designantes Cæsarem?* Ideoque non mirum, quod Turcarum Imperatori placuerit Lutherus, ut constat ex Historia, quam describit Joannes Aurifaber eximius Lutheri præco, & ei familiarissimus. *Præstans* (inquit in Colloq: Symposi: cap: 75. Edit: Franco: Anno 1568.) *& Fide dignus Vir nomine Schmalteius Civis Hagenoënsis, qui in Legatione ad Turcam fuit, referebat, Turcicum Imperatorem interrogasse, quid hominis esset Lutherus? & quot annos natus? cùmque respondisset Legatus, esse illum*

*Placuit  
Turcarum  
Imperatori  
& quanam  
de  
Causa.*

lum annorum circiter quadraginta octo. dixisse Turcam: Optarem eum adhuc juniorem: Nam me sibi gratiosum Dominum haberet. Quidni gratiosus Turcis Lutherus? quos tam eximiis & suprà visum, condecoravit elogiis, causaque fuit tantarum seditionum, & profusionis sanguinis Christiani? Fateor, contra Agricolas seditiosos, Librum sævissimum à Luthero conscriptum esse. Sed tunc primùm conscriptum scio, cùm videret contra suum intentum, eos jam ferè totaliter debellatos: Priores autem Libros ad seditionem concitativos, ex quibus aliqua annotavi suprà, scriptos novi ante exortas seditiones. Porro, solemne fuit Luthero, ut suamet placita in aliis peracerbè castigaret, postquam eo, quem sperabat exitu destituta esse conspexit. Quidnì itèm Turcis Lutherus gratiosus? qui negavit, licitum esse Christianis bellum gerere contra Turcas, Tomo secundo: Articuli: 34. fol. 116. verbis his: *Preliari adversus Turcas est repugnare DEO, visitanti iniquitates nostras per illos.*

Et in libro de bello contra Turcas addit: Concilia omnia & Conventus Principum Germaniæ, Deo permittente & Principes irridente, ad id usque tempus gubernatos fuisse à Diabolo, idque non aliam ob causam, quàm ut ipsius Articulus de non bellando contra Turcas à Leone X. damnatus, indemnatus efficacique permaneat.

Si quæras, benevole Lector præter superius recensita admirandè erronea Lutheri Dogmata, & refutata, Superiuntne adhuc alia? Respondetur haud dubiò superesse ingentem illorum cumulum: ex quorum numero sat multa etiam proposui in libro, cui Titulus: Defensio Theologiæ Scholasticæ per enervationem ultra sexaginta Lutheri Thesium oppositarum Theologiæ. Elenchum eorum, ex partè, hic appono.

Impiissimus abusus est in Ecclesia, persuaderi, Missam esse opus bonum, & Sacrificium.

M 2

Ne-

*Propositi-  
ones va-  
riae Luthe-  
ri erro-  
nea.*

Negare utramque speciem Laicis, est impium, & Tyrannicum: nec in manu ullius Angeli, necdum Papæ, aut Concilii cujusquam.

Certum est, remissa esse peccata, si credis remissa.

Intentio Ministri, non requiritur ad valorem Sacramenti.

In Theologia verum est: Verbum esse Carnem factum: in Philosophia simpliciter impossibile, & absurdum.

Magis disparata est prædicatio: Deus est Homo: quam si dicas: Homo est asinus.

Vota Religiosorum sunt impia & DEO repugnant.

Non potest vitari præsumptio, nec adesse vera Spes, nisi in omni opere timeatur Judicium damnationis.

Infusa Fides, est merum somnium.

Fides informis, est mera incredulitas contra Christum.

Non est verum, quod Ignorantia invincibilis à toto excuset.

Homo nullum actum, sive bonum, sive malum elicit, qui procedat ab ipsius libero Arbitrio.

Certi sumus, animas impiorum dormire.

Magister Sententiarum non satis rectè docuit, Essentiam Divinam nec generari, nec generare.

Vanissimò commentò dicitur: Prædestinatus potest damnari, in sensu diviso, sed non in composito.

Nulla forma Syllogistica tenet in Terminis Divinis.

Doctoratus Theologiæ, est certum legitimæ Vocationis & missionis divinæ indicium, ad docendum etiam opposita Dogmata pristinae Fidei Catholicæ.

Impossibile est apud Scholasticos Theologos intelligi: Quid sit peccatum, Fides, Justificatio, Lex? Non sunt hæc in eorum Libris.

Universitates, Studia Collegia, Graduationes, & Magisteria



steria in eisdem, sunt vana gentilitate introducta, & tantum profunt Ecclesiæ, sicut diabolus.

Adolescens vitet Theologiam Scholasticam, ut mortem Animæ suæ.

Non sunt Evangelia tam obscura ut pueris non possint ea patere.

Quo tempore coepit Theologia Scholastica, eodem evacuata est Theologia Crucis, suntque omnia planè perversa.

Theologia Scholastica, est falsâ Scripturæ & Sacramentorum intelligentia, & exulem nobis fecit veram & sinceram Theologiam.

Præterea in libro, cui Titulus : Defensio Aristotelis, & Philosophiæ Peripateticæ, proposui quinquaginta Lutheri Propositiones erroneas, quas ibidem enervatas vide.

## C A P U T VII.

**A**Ssero septimò, Lutheri Doctrina ex eo etiam est admirandè erronea, quia per eam, jam olim pridem sepulta dogmata impia, ab inferis revocata sunt.

**P**Robatur. Sanctus Augustinus, quem ipsemet Lutherus in Colloq: Mensal: titulo de Patribus, nominat, Præcipuum Lumen Ecclesiæ, omnique laude dignum; Calvinus verò eundem appellat in Lib. 4. Instit: cap: 14. §. 26. *Optimum ex tota Antiquitate, & fidelissimum testem;* Virumque Sanctum pluries in iisdem Institutionibus vocat: Is ergo Divus Augustinus, recensendo Veteres Hæreses, & variorum Hæresiarcharum impia dogmata, inter cætera, Lib: de Hæresibus, Hæresi. 53. & 54. scribit sic: *Aëriani* (circa annum Do-

*Lutheri  
Doctrina  
continet  
errores  
Aërianorum.*

*Aëtia-  
norum.*

*Pepu-  
sianorum.*

*Donati-  
starum.*

*Manicha-  
eorum.*

mini 342. exortì) ab Aërio quodam sunt nominati, qui cùm esset Presbyter, doluisse fertur, quòd Episcopus non potuit ordinari, & in Arianorum Hæresim lapsus, propria quoque dogmata addidisse nonnulla, dicens: Orare vel offerre pro mortuis Oblationem, non oportere: nec statuta solenniter celebranda esse jejunia: sed cùm quisque voluerit jejunandum, nè videatur esse sub lege. Dicebat etiam, Presbyterum ab Episcopo, nullâ differentiâ debere discerni. Aëtiani ab Aëtio sunt vocati (circa Annum 358. exortì) lidémque Eunomiani, ab Eunomio, Aëtii discipulo, quo nomine magis innotuerunt. Eunomius quippe in Dialectica praevalens, acutiùs & celebriùs defendit hanc Hæresim, — Fertur aded usque fuisse bonis moribus inimicus, ut asseveraret, quòd nihil cuique obesset, quorumlibet perpetratio ac perseverantia peccatorum, si hujus, quæ ab illo docebatur, fidei particeps esset. Pepusiani, (emerferunt ii circa Annum 181.) à loco quodam nominati sunt (inquit idem Sanctus, Hæresi 27.) tantum dantes mulieribus principatum, ut sacerdotiò quoque apud eos honorentur. Donatistæ (exortì circa annum 358.) docuerunt, quòd Ecclesia (scribit idem Sanctus Pater, Hæresi 69.) propter crimina Cæciliani Episcopi Carthaginensis seu vera, seu quod magis iudicibus apparuit, falsa, de toto terrarum Orbe perierit: ubi futura promissa est, atque in Africa, Donati parte, remanserit: in aliis terrarum partibus, quasi contagione communionis extincta. Apellârunt cum Petiliano, Cathedralam Apostolicam, in qua Petrus sedit, cathedralam pestilentiae teste eodem Sancto contra literas Petiliani lib: secundo. cap. 51. Idem Petilianus (cum suis Donatistis) perrexerat ore maledico in vituperationem Monasteriorum & Monachorum; arguens etiam me (ait S. Augustinus contra Petilianum lib: tertio cap. 40.) quòd hoc genus vitæ à me fuerit institutum. Manichæus Faustus, cum suis Affeclis Nobis (inquit idem Doctor contra Faustum Manichæum lib. 21.) calumniatur; quòd Martyrum memorias honoramus, in hoc dicens, nos idola convertisse — sed maledicendi cupiditate Faustus, quid profiteretur, oblitus est. Populus Christianus memorias Martyrum Religiosa sollemnitate concelebrat:

brat : Et ad excitandam imitationem, & ut meritis eorum confocietur, atque orationibus adjuvetur, ità tamen ; ut nulli Martyrum, sed ipsi DEO Martyrum, Sacrificemus : quamvis in memorias Martyrum constituamus Altaria. Et Lib: de Hæresibus, hæresi 82. scribit : A Joviniano Monacho, Jovinianistarum hæresis Orta est, ætate nostra, cum adhuc juvenes essemus. Hic omnia peccata, sicut stoici Philosophi, paria esse dicebat – Nec aliquid prodesse jejunia, à Cibus aliquibus abstinentiam ; Virginitatem etiam Sanctimonialium, & continentiam sexûs Virilis, in Sanctis eligentibus Cælibem vitam, Conjugiorum castorum atque fidelium meritis adequabat : ità, ut quædam Virgines Sacre, provectæ jam ætatis in Urbe Roma, ubi hæc docebat, eo audito, nupsisse dicantur – citò tamen ista hæresis oppressa & extincta est : nec usque ad deceptionem aliquorum Sacerdotum potuit pervenire.

Joviniani.

Nota tamen, quòd prædictus Jovinianus, nunquam habere volebat uxorem ; docebatque Episcopum esse non posse, qui filios faciat. ut testatur Sanctus Hieronymus, in Lib: contra Jovinianum cap: 16.

Sanctus Epiphanius, scriptor ( utor verbis Sancti Augustini, Epistolâ ad Quodvultdeum ) in doctrina Catholica Fidei laudabiliter diffamatus : in Lib: tertio contra hæreses, hæresi 75. scribit hæc : Aërius, cui sermo furiosus magis, quam humanæ conditionis, dicebat : Quid est Episcopus ad Presbyterum ? nihil differt hic ab illo, Unus enim est Ordo, & unus (inquit) honor, & una dignitas. Deinde, quâ ratione, post mortem nominatis (inquit) nomina mortuorum ? orat enim (inquit) vivens, aut dispensationem facit, quid profuerit mortuo ? sed neque jejunium (inquit) erit ordinatum ; hæc enim judaica sunt, & sub jugo servitutis : justo enim non est lex posita, sed patricidis, & matricidis, & reliquis. Si verò omnino volo jejunare ; qualemcunque eligam diem à me ipso ; & jejuna-bo propter libertatem. Unde apud ipsos studium est, ut potiùs in die Dominica jejunent, quarta verò & pro Sabbatho edant. (in Latina Ecclesia, feria sexta & Sabbatho jejunatur ; in Græca, feria quarta



quarta & Sabbatho.) In diebus autem Paschatis (id est in Hebdomoda Sancta) quando apud nos fiunt humi dormitiones, Castitates, afflictiones, siccorum esus, preces, vigiliae, ac jejunia? & omnes animarum salutes, per sanctas afflictiones; ipsi à summo manè obsonantur; carnèque ac vino venas suas explentes, cachinnantur, ridentes ac subsannantes eos, qui sanctum hunc cultum hebdomadalibus Paschatis perficiunt. Hæc sunt, quæ Aërius in mundum evomit. Et in Indice in Lib: 3. contra Hæreses. Aëriani, aberrare aliquem in aliqua scortatione, aut alio peccato, nihil esse ajunt: Nihil enim, inquit, querit DEUS; quàm ut sit quis solùm in ipsorum Fide.

Simonis  
Magi.

Sanctus Irenæus Lib: primo adversus hæreses, cap: 20. testatur, docuisse Simonem Magum, Salvari homines non secundum operas justas, id est non bonis operibus, sed sola Fide hominem salvari.

Sanctus Hieronymus Tomo secundo in Proœmio in Dialogo adversus Pelagianos ait: *Manichæorum est, Hominum damnare naturam, & liberum auferre arbitrium, & adjutorium DEI tollere.* Et Libro contra Vigilantium, refert, Vigilantium docuisse, non esse honorandas Sanctorum Reliquias, nec esse Sanctos invocandos, nec expedire, ut relinquuntur omnia, & dentur pauperibus, & ad Religionem, relicto sæculò properetur. Ecclesiasticos itèm, debere esse uxoratos. Et Epistola 53. ad Riparium idem S. Doctor scribit: *Vigilantiis fœtidum os iterum aperit, & putorem spurcissimum, contra SS. Martyrum profert Reliquias: & nos, qui eas suspicimus, appellat Cinerarios & idololatrias, qui mortuorum hominum ossa veneramus.*

Nónne hæc impia dogmata veterum Hæreticorum, recensita à Sanctis Patribus, & in antiqua Ecclesia, à prædictis Patribus & omnibus Orthodoxis pro damnatis, & impiis habita, pridemque sepulta, nónne inquam ab inferis revocavit Lutherus? Utrique ille negando dari purgatorium, & Missæ sacrificium auferendo, jejuniæque confecta Eccle-

sæ tol-

fiæ tollendo, docuit cum Aërio & Aërianis. Orare vel offerre, pro mortuis Oblationem, non oportere, nec statuta solenniter celebranda esse jejunia? Utique cum Aërio asseruit, quod Presbyter nihil differat ab Episcopo? inauditoque in Ecclesia Orthodoxa Exemplo, ipsemet Lutherus Ordinavit in Presbyteratum plures, inter quos, Georgium Rorarium Anno 1525. & Benedictum Schichmann, Anno 1540. imò etiam duos Episcopos ordinavit, scilicet Merseburgensem, & Naumburgensem. Itèm cum Pepusianis, dedit mulieribus tantum principatum, ut eis Sacerdotalem potestatem tribuerit. Utique cum Eunomio & Aëtinis asseveravit: Nulla peccata cuique obesse, modò fidem habeat. Utique longè majori maledicentiâ, quàm olim Donatistæ, vel Vigilantius, insurrexit contra Cathedram Petri, Monachorum vitam, Ecclesiasticorum Cælibatum, Sanctorum Reliquias? Nónne Lutherus cum Simone Mago, docuit, hominem adultum, sola Fide salvari, & non secundum operas iustas? Imò Opus bonum optimè factum, ex natura suâ, esse peccatum mortale? Nónne cum Manichæis, liberum sustulit Arbitrium? & cum Manichæo Fausto, calumniatur nos Catholicos, quòd Martyrum Memorias honoremus, in hoc dicens nos idola convertisse? &c. Sanctus Bernardus serm. 65. & 66. in Cantica, recenset etiam sui temporis hæreticos quosdam, qui se ipsos Apostolicos appellarunt; & ex Manichæorum fontibus derivarunt, plures errores. Nam Vetus Testamentum non recipiebant; sed Evangelia tantum: Omnes qui de Ecclesia sunt, canes esse censebant, & porcos: Secretum cum perjurio usurpabant &c. Insuper his erroribus habebant admistam hæresim communem Lutheri: nam ut scribit S. Ber. serm. 66. in Cantica. Irrident nos, quid oramus pro mortuis; quòd sanctorum suffragia postulamus - non credunt ignem purgatorium restare post mortem, sed statim animam solutam à corpore vel ad requiem transire, vel ad damnationem. Et

*Et variorum aliorum Veterum Hæreticorum*

adhuc effutiebant illud: Peccatores sunt Apostolici, nempe Romani Pontifices, Archiepiscopi, Episcopi Presbyteri, ac per hoc, nec dandis, nec recipiendis idonei sacramentis. Hæc, qui scribit, simul & refutat per singula, idem Sanctus Bernardus, virtute miraculorum, & eximia vitæ Sanctitate conspicuus. Vide Baronium ad Annum 1147.

Rectè proinde Carolus Quintus in Edicto suo contra Lutherum lato Wormatiæ ex assensu & consilio Electorum & omnium Sacri Imperii Principum, Ordinum & Statuum Anno 1521. dicit (ut exstat Tomo 2. Lat: Viteb:) *Constat, Lutherum non hominem, sed dæmonem potius, figurâ & specie humana, cuculloque Monastico indutum, complurium Hæreticorum, extremè damnatas Hæreses (quæ diu jam obsoleverant) in unam quasi Lernaam paludem coëgisse; multasque præterea recentes, atque novas excogitasse, hoc prætextu; quod Fidem prædicet, quam propterea sedulo inculcat, omnibus, ut veram sinceramque Fidem destruat & labefactet, ac sub nomine, fucoque Evangelicæ Doctrinæ, Omnem Evangelicam pacem & Charitatem, bonarum rerum harmoniam, atque Constitutionem, ipsam denique pulcherrimam Ecclesiæ Hierarchiam, extinguat, evertat, dissolvat, & obruat.*

## C A P U T VIII.

**A** Sfero octavo, Admirandè erroneum Medium adhibuit Lutherus ad Confirmationem suæ Doctrinæ.

**P**Robatur. Quia, cùm esset Sacerdos, & Monachus, Professus annis pluribus, incestas, divinisque ac humanis legibus interdictas contraxit nuptias cum Moniali professa Catharina Borrrha Anno 1525 Friderico Electore Saxonie è vivis sublato; nam eo vivente non est ausus palam libidinè



dini indulgere : nè Principem, quem reformationis, pietatisque larvâ deceperat, tantâ impudentiâ offenderet &c. Porro illas contraxit nuptias, ut iis confirmaret suam doctrinam. Tomo enim secundo. Epist. folio : 30. Epist: ad Michaëlem Stifel scribit; *Non duxi uxorem, ut diu viverem, sed ut meam doctrinam, fortè mox post meam mortem conculcandam, iterum proprio exemplo relinquerem confirmatam pro infirmis.* Et Epist: ad Ambsdorsium. Tomo secundo fol. 295. ait: *Vera est Fama, me esse cum Catharina subito copulatum; ut confirmem factò quæ docui.* Admirandum verè, & antea in Ecclesia Christi inauditum, confirmandæ Evangelicæ Doctrinæ medium! imò ex eo etiam magis admirandum, quòd (ut graves Autores cum Doctore Pistorio referunt) Lutherus, sedecim diebus prius consumnaverit nuptias; quàm eas publicè celebraverit. Non absimili mediò confirmarunt etiam Evangelium postea quintum Lutheri plurimi Apostata. Quis enim unquam (ut plurimi notârunt cum Patre Gretsero Theologo Doctissimo) ex Catholicis Sacerdotibus, vel Monachis, ad Lutheri Castra transit; qui aliquam mulierem secum non adduxerit, vel de quàm primùm ducenda non sollicitè circumspexerit? simul ac Spiritum hujus Evangelii imbibunt Apostata, simul etiam Spiritum ducendæ uxoris. Et ità se gerunt, quasi Christus dixisset Marci ultimo: Signa eos qui crediderint hæc sequentur: Vota non reddent Domino, sed illa antea facta, & juramenta, violabunt: Uxores, licèt votum antea emiserint perpetuæ continentiæ, ducent: etiam eas Matrimonio sibi copulabunt, quæ DEO virginitatem suam desponderant: Nec non Patres miraculis, Sanctitate, antiquitate, doctrina conspicuos, contemnent. Itèm, quasi Christus dixisset Matthæi 19. Omnis qui domum exstruxerit, vel exstructam retinuerit, & uxorem duxerit, vel ductam retinuerit, filiosque vel potius spurios procreaverit, pro-

N 2

pter

*Lutherus  
in Confir-  
matio-  
nem Do-  
ctrinæ suæ  
Monia-  
lem in u-  
xorem  
duxit.*

pter Nomen meum; centuplum accipiet, & vitam æternam possidebit. Nullus Apostolus tali mediò unquam confirmavit Doctrinam Euangelii Christi: sed miraculis & sanguine, & perpetuà, saltèm post prædicandi opus susceptum continentia. Justinianus Imperator Novel. 123. Legem talem statuit; si post ordinationem, Presbyter, aut Diaconus, aut Subdiaconus, uxorem duxerit, rejicitor à Clero; & Curia Civitatis, in qua Clericus erat, traditor. Quid Statueret in Lutherum? qui non solum Presbyter, sed & Professus Monachus fuit, & Monialem in Uxorem duxit.

*Qualia-  
nam mi-  
racula pa-  
travit Lu-  
therus ad  
compro-  
bandam  
Doctri-  
nam su-  
am?*

Accedit, quòd Tomo 6. Viteb. fol. 247. Lutherus habet pro Magno miraculo, dum Monialis deserit Claustrum; consequenter, ipso Judice, Magnum debet reputari miraculum, si quis efficaciter etiam procuret, ut Moniales, vel Religiosi sua deserant Claustra. Et talia certè miracula, in confirmationem suæ doctrinæ plurima patravit Lutherus. Tomo enim secundo Latin. Epistol. fol. 300. ad Stifelium Anno 1525. diè Sancti Michaëlis. *Hac nocte (scribit Lutherus) Tredecim Moniales ex Ditione Ducis Georgii asferre curavi, & rapui Tyranno furenti, hoc spoliū Christi.* Item antea, Leonardum Coppum & Volfium Tomitsch concitavit; ut novem Moniales (inter quas fuit & illa Borra) ex Nimicensi monasterio raperent, & Vitebergam adducerent; quod & factum. De hoc raptu in Epistola sua ad Apostatam Sacerdotem Spalatinum (à Patria sic nominatum, nam à Patre suo, Spalatenſi Cive & Coriario Burkhardus nominabatur) Tomo secundo Latin. Epist. fol. 131. effusè gloriatur, & se singulis, de conditione prospecturum pollicetur. Quod quidem tam largiter præstitit, ut unam ex novem illis (jam annos aliquot Vitebergæ, varia per studiosorum oscula volutata, ut scribit Præcolus) sibi ducendam duxerit. Prætereo alias plurimas Virgines Deo consecratas, & Religiosos viros,

viros, qui variis illicitis, præsertim carnis illecebris, per Lutherum, ejusque Doctrinam in Apostasiæ & exitii barathrum præcipitati sunt.

Lex quinta Cod: de Episcopis & Clericis, est hæc: si quis non dicam rapere, sed vel attentare tantummodò, jungendi causa matrimonii, Sacratissimas Virgines ausus fuerit; capitali poenâ feriatur. Poena itidem capitalis statuitur in Codice Juris Titul: de Episc: & Clericis in eos; qui concilii & Ministri fuerint raptûs Monialium, vel consilium ad id patrandum dederint. Decreta etiam Legum Francicarum, non absimili poena ejusmodi transgressores plectere imperant. Et quali nam poena feriri debet Lutherus, qui tot Virginum Monialium raptor & unius insimul maritus fuit? Sanctus Paulus insuper (juxta unanimem Sanctorum Patrum expositionem) testatur, damnationis æternæ esse reas illas Viduas; quæ Eidei Deo datam, sive promissionem continentia Deo factam per votum, irritam fecerunt nubendo: (idem pariter dic de Viris voto Continentiæ adstrictis, uxores ducentibus) Adolescentiores (inquit 1. Timoth. 5.) viduas devita: Cum enim luxuriata fuerint in Christo nubere volunt; habentes damnationem, quia primam Fidem irritam fecerunt. Quæ verba Apostoli, Sancti Patres, uno ore qualiter exponant, audi. Hæreticorum Malleus, Teste Divo Bernardo, Sanctus Augustinus explanans illud Psalmi 75. Vovete & reddite DEO. ait: Quisque, quod vovere voluerit, illud attendat, ut quod voverit, reddat, si respicit retrorsum; malum est. Nescio quæ Castimonialis nubere voluit, quid voluit? quod & Virgo qualibet: quid voluit? quod & Mater ipsius. Aliquid mali voluit? mali planè. Quare? quia jam voverat Domino Deo suo: quid enim dixit de talibus Apostolus Paulus, quæ voverunt & non reddiderunt? Habentes, inquit, damnationem, quia primam Fidem irritam fecerunt. Et de Bono Viduitatis cap. 8. Habentes damnationem, quia primam Fidem ir-

*Qualis  
pœna anti-  
quitus  
constituta  
in Rapto-  
res Moni-  
alium?*

*Teste S.  
Paulo, da-  
mnatio-  
nem in-  
currunt,  
qui vo-  
tum Con-  
tinentiæ  
violant.  
Quod i-  
dem cum  
Divo Pau-  
lo, docent  
omnes SS.  
Patrus.*



ritam fecerunt id est voluntatem ad nuptias à proposito Continentiæ deflexerunt: irritam quippe fecerunt Fidem, quia prius voverant, quod perseverantiâ implere noluerunt. Similia habet cap. 9. Itẽm de Adult: Conjug: cap: 15. & 24. ubi expressè dicit. In iis qui voverunt castitatem, non tantum capeffere nuptias, sed nubere velle, damnabile est.

Sanctus Hieronymus lib. primo contra Jovinianum si (inquit) nupserit Virgo, non peccavit: Non illa quæ semet DEI cultui se dedicavit: harum enim, si qua nupserit, habebit damnationem, quia primam Fidem irritam fecit.

S. Epiphanius Hæresi sexagesimâ primâ, ait: Tradiderunt Sancti DEI Apostoli, peccatum esse, post decretam Virginitatem ad nuptias reverti – Docet nos idem Apostolus Paulus, dicens: Juniores viduas rejice; postquam enim lascivierunt contra Christum, nubere volunt: habentes Judicium, quodd primam Fidem rejecerunt, si itaque & ea, quæ post mundi experientiam, Vidua fuit, atque DEO dicata, & postea nupsit judicium & condemnationem habebit, quodd primam fidem rejecit: quanto magis, quæ citra Mundi experientiam, DEO dicata Virgo fuit & nupsit.

Sanctus Fulgentius Epist: de Conjugali debito. Non peccat Virgo nubens si Virginitatem DEO priusquam nuberet, in corde non vovit – Nam & viduas quasdam Beatus Paulus vinculo pronuntiat damnationis obstrictas; quia scilicet post continentie professionem, nubendi receptam non abjiciunt voluntatem.

S. Isidorus Lib. 2. de Offic: cap. 17. Illas, dicit Apostolus non peccare, si nubant; quæ nondum voverunt DEO castitat m: Cæterum vel quæ in corde promisit, si aliud fecerit, habet damnationem; quia primam Fidem, sicut ait Apostolus, irritam fecit. Eodem modo etiam interpretantur prædictum Textum Sancti Pauli, Ambrosius, Basiliius, Chrysostomus, Theophilaetus, & alii Patres Græci & Latini; imò & Concilium Carthaginense quartum, cap: 104. per primam Fidem intelligit Vocum Castitatis, &

Tol-

Toletanum quartum cap. 55. O quantam damnationem habet Lutherus, qui cum sua Borrha, primam Fidem suam irritam fecit, & tot, exemplò & Doctrinà, impulit ad irritandam primam Fidem !

**Q**Uæres an Lutherus etiam aliquo extraordinario supernaturali Medio confirmare saltèm voluerit suam doctrinam ?

**R**espondetur. Voluisse quibusdam Miraculis sed nullo successu, ut ex Fide dignis constat Historiis. Fridericus enim Staphylus, vir satis magnæ Eruditionis, qui decem & ultra Annis Vitebergæ Luthero arctè convixerat : ast postea cognitis ejus erroribus, rediit ad Ecclesiam Catholicam, repudiatò officiò Superintendentis, quod ipsi Lubecæ, & Augustæ, oblatum fuerat ; Imperatoris & Alberti Ducis Bavarix Consiliarius ; is inquam oculatus Testis, in absoluta sua Responsione contra Jacobum Smidelinum, refert ejusmodi Historiam. Possum ego (inquit ille) redigere mihi in memoriam, Anno 1545. dæmoniacam quandam puellam è Misniæ ditione adductam, Vitebergam ad Lutherum, eâ spe, quòd illam à malo dæmone liberaturus esset : quamvis autem Lutherus, initiò non parùm difficilem se ostenderet tandem tamen jussit puellam duci in Parochianæ Vitebergensis Sacrarium, illicque coram aliis plerisque eruditis viris (inter quos ego tunc quoque juvenis Magister aderam) dæmonem cæpit adjurare & exorcizare : sed id tamen more suo, non eo, qui apud Catholicos receptus & usitatus. Cùm autem ille diu multùmque conjurasset dæmonem, cedere ille noluit, sed eas in angustias (sit venia verbo) Lutheri caligas redegit, ut is quàm primùm è Sacratio se propere vellet ; at quid accidit ? malignus ille dæmon, usque adeò

*Irritò conatu tentavit Lutherus, expulsiōnem dæmonis ex Energumena.*

*Item re-  
fufcitatio-  
nem Mor-  
tui.*

*Prædi-  
cans No-  
vator ex  
vivo,  
mortuum  
effecit.*

adeo fores Sacrarum obstruxerat, ut neque forinsecus, neque intrinsecus aperiri possent: quæ res Lutherum in majores angustias etiam adduxit: iram, ut jam ad fenestram properaret, sperans se per eam, posse effugere, atque exilire: verum obstabant illi cancelli ferrei, sicque compulsus est una nobiscum tam diu inclusus habere, donec per cancellos ferreos, ab ædituo nobis esset oblata securis, mihi que ceu juniori viro tradita, ut eam fores effringerem, quod equidem tunc conatus sum, & ad effectum perduxi: interea vero visu admirandum erat, ut Lutherus, angoribus correptus, fursum, deorsum, cursitaret, atque instar ovis parturientis, huc illucque se inverteret. Hæc Staphilus. In actis Lutheri Anno 1523. Cochleus etiam scribit Nesenum in Albi misere submersum, quem Lutherus variis immurmurationibus frustra in vitam revocare tentavit. In hisque duobus facinoribus Lutheri, nullum nisi temeritatis & audaciæ prodigium spectatur. Quidam etiam Polychronius Prædicans, quendam Matthæum Colonom Pagi Biethagiensis Anno 1558. excitare voluit, cui persvaserat ut se mortuum fingeret, & revera mortuum effecit. ut scribit Florimundus de Origine Hæresum Lib. 4. cap. 11. & Lindanus in Dubitatio. Erasmus in Diatribe contra Lutherum, etiam scribit: Nullus Lutheranorum adhuc exstitit, qui vel equum claudum sanare potuerit suâ fide.





C A P U T IX.

**A**Ssero 9. Lutheri Resolutiones variorum casuum de Baptismo, Confessione & Eucharistia, sunt admirandè erroneæ.

**P**Robatur. Nónne enim magnam admirationem apud quemvis prudentem Orthodoxum merentur Lutheri Resolutiones, hæc :

Primò. Resolvit ille, quòd in defectu aquæ, possit licetè & validè, baptizari infans cerevisiâ vel lacte. Cum enim ex Luthero quæsitum fuisset, an in defectu aquæ possit quis baptizari cerevisiâ vel lacte, cogitabundus diu hæsit ; tandem (ut refertur in Colloq: titul: de Baptismo) dixit. *Quidquid dici potest balneum, id etiam servit & aptum est ad Baptismum.* Ast quis neget, posse confici balneum ex vino & cerevisia, mulso, lacte, sanguine, & aliis liquoribus specie diversis ab aqua ? Ergo poterit his liquoribus infans baptizari. Sed unde, oro, Luthero potestas immutandi à Christo institutam materiam baptismi fluminis, scilicet aquam ? Cum Christus expressè dicat, Joan: tertio: *Nisi quis renatus fuerit ex aqua &c.* Nónne pari temeritate dicere quis posset, loco vini ad consecrandum Sanguinem, posse substitui cerevisiam vel Lac ?

Secundò. Ut habetur in Colloq: Mensal: titul: de Baptismo, Resolvit, si Mater, licet peritissima ritus baptizandi, in periculo mortis constitutum infantem baptizet in defectu Testium, si moriatur infans, non debet dubitare de veritate Baptismi, vel de Salute infantis. Si tamen infans, tali modo, licetè & validè, ut supponitur, baptizatus, supervixerit. Nullum verbum Mater de hujusmodi Baptismate infanti collato facere debet ; sed penitus filere, & postea

O

infan-

*Resolvit  
Lutherus  
erroneè  
Baptis-  
mum esse  
validum  
si adhibe-  
atur cere-  
visia vel  
lac, loco  
aqua.*

*Rebapti-  
zationem  
approbat.*

*Resolvit  
Infantes  
sine Ba-  
ptismo sal-  
vari.*

infantem Christiano more & ritu ad baptismum publicum adferre, ut baptizetur absolutè. Nōne hæc Resolutio approbat rebaptizationem toties ab Ecclesia condemnatam?

Tertiò. Resolvit, (licet antea in Libro de Captiv. Babil. hanc quæstionem tractans, nihil ex suo sensu decidere voluerit,) quod infans, qui necdum perfectè natus est, seu qui secundum se totum necdum ex utero planè egressus, sed prominet, v. g. Capite: & periculum sit, nè antequam planè nascatur, moriatur, non debeat baptizari: quia homo quicumque baptizandus, totus primo debet esse natus, cum Christus dicat: *Nisi quis natus fuerit.* Si tamen sic promineas moriatur absque baptismo, non dubitandum est (inquit Lutherus in Colloq: ubi suprà) *hujusmodi infantem à beatitudine non excidere; hac tamen Lege; ut qui intersunt, flectant genua, DEUMque precentur, ut infantulum illum passionis & mortis suæ participem efficere velit.* Hac enim ratione Christo sistitur infans: & ab eodem in gratiam recipitur. Quidquid sit de prima parte Resolutionis, quam falsam esse rectè censet communis consensus Doctorum, cum Divo Thoma Quæst: 68. a. 11. & praxis in Ecclesia DEI, nec Christus dixit Joannis 3. *Nisi quis natus.* Sed: *Nisi quis renatus fuerit denuo,* Id est: secundò per nativitatem Spiritualem, quæ Baptismò perficitur. Et licet Christus dixisset, *Nisi quis natus:* Non dixit tamen. *Nisi quis perfectè plenè natus:* aliàs, infans in utero Matris demortuus aperto, victitans, non deberet baptizari. Addit Lutherus pro sua Resolutione hanc etiam aliam rationem, verum erroneam: scilicet, quia anima non est tota in qualibet parte, seu membro hominis.

Sed quidquid sit de primæ Patris Resolutione; secunda Pars omnino falsa est, Quis enim revelavit, talem infantem salvandum, cum Christus dicat: *Nisi quis renatus fuerit ex aqua & Spiritu sancto, non potest introire in Regnum DEI;* nec Ecclesia unquam

unquam agnoscit Baptismum, nisi fluminis, flaminis, & sanguinis. Rectè S. Augustinus lib. secundo de peccatorum meritis, cap. 27. scribit; *Noli, noli credere, noli dicere, noli docere, infantes, antequam baptizentur morte preventos, pervenire posse ad Originalium indulgentiam peccatorum, si vis esse Catholicus.*

Quartò. Casu quo, Judæus vellet baptizari, & fieri Christianus; præscribit modum baptizandi talem Tomo 1. Lat: Colloq: tit: de Judæis. *Si ad manus meas (dicebat Lutherus) pervenerit ad baptizandum Judæus: Ego illum quàm primum post Baptismum, ducam in pontem Albis, & suspensâ illi molâ asinariâ, præcipitem dabo in fluvium.* Hic modus nec ab Apostolis, nec ab Ecclesia unquam practicus est.

Quintò. Resolvit, casu quo non adesset Prædicans, ut absolvat poenitentem à peccatis: tum quivis Christianus, etiam mulier posset licitè & validè absolvere. Imò & Judæus & Turca: imò & ipse dæmon, ut visum suprâ.

Sextò. Resolvit, in Colloq: tit. de Confessione auriculari, *In Confessione necessarium non est, ut omnia peccata enumerentur; sed quilibet, quidquid lubet, dicere potest.* Siccine ad valetudinem recuperandam sufficit, si medico manifestes unum morbum, & alios reticeas? Resolvit itè in Libro de Captiv: Babyl: consulendo, *Quidquid est circumstantiarum, penitus contemnere.* Et in Colloq: ibi ubi suprâ: dicit: *Qui confiteri vult, varias & multiplices differentias peccatorum & Circumstantias, debet omittere.*

Scribit ipse quidem Tomo 1. novorum operum Homilia de Confessione hæc. *Non patiar mihi, ab ullo Confessionem auricularem eripi è manibus, nec pro totius mundi thesauro, eam darem alicui.* Etenim scio, quantum roboris & consolationis illa mihi dedit. Nemo novit, quantarum virium sit auricularis Confessio, quàm, qui cum diabolo sepe pugnare & luctari cogitur. Equidem à diabolo pridem victus & strangulatus essem; Nisi me isthæc auricula-

*Judæum  
Baptiza-  
tum, mox  
submer-  
gendum  
esse.  
In dese-  
ctu Prædi-  
cantis,  
posse vali-  
dè fieri ab-  
solutionē  
à quolibet  
Christi-  
ano.  
In Confes-  
sione non  
debere om-  
nia peccata re-  
censeri.*



*In defe-  
ctu Prædi-  
cantis,  
posse Eu-  
charisti-  
am confici  
à quolibet.  
Licetum  
esse à Lai-  
cis mani-  
bus sumi  
Euchari-  
stiam.*

*Item à nō  
jejunis, et se  
benè va-  
lentibus.*

ris Confessio servasset incolumem. Sed à Confessione adeò trun-  
cata maximè si fiat coram Prædicante, posse conferri verè  
tam nobiles effectus, non credo Luthero id nudè asserenti.

Septimò. Resolvit, quòd licitè & validè conficere pos-  
sit, præsertim in defectu Prædicantis Eucharistiam, quivis  
Christianus, etiam mulier: imò ipse dæmon. vide suprà.

Resolvit itè Tomo secundo Jen: German: in Tracta-  
tu de Communionem sub utraque specie. Nullum esse pecca-  
tum, si Eucharistia à Laicis, manibus tractetur, accipiat, & sinè ve-  
stibus, vasis & calicibus consecratis, administretur; nec ullo jure id  
vetari posse Laicis. Probâtque hanc Resolutionem tali argu-  
mentò: Laici, tangunt & accipiunt ore Laico. Ergo usdem licebit,  
idem tangere & accipere manibus Laicis.

Cur ergo Lutherus Anno 1521. in Concione sua quam  
habuit die Jovis post Dominicam Invocavit, gravissimè ar-  
guit Vitebergenfes, quòd voluerint, ut Eucharistia manibus  
tangatur Laicorum? Directè Respondeo: Nego Conse-  
quentiam. Disparitas est; Quia primum Laicis non prohi-  
bit Ecclesia, prohibuit secundum. Qui verò non audit  
Ecclesiam, is juxta effatum Christi, nobis est tanquam Eth-  
nicus & Publicanus. Concedo tamen, diu in Ecclesia Chri-  
stiana, Fidelibus Eucharistiam in manus datam fuisse: postea  
tamen decrevit Ecclesia, ratione periculi & reverentiæ ma-  
joris, ut in os daretur.

Octavò. In formula Missæ, Resolvit, Casu quo, quis  
etiam bene sanus & vegetus, licèt non jejunus, vellet Eu-  
charistiam sumere, posse id licitè fieri, modò non sit eбри-  
us, & distento ventre pigrescat. Ità enim scribit. Sic de  
præparatione ad Cœnam hanc, sapimus; ut liberum sit jejunio se &  
orationibus componere. Sobrios certè oportet adesse & diligentes, ut  
maximè nihil jejunes, aut parùm ores. Sobrietatem verò dico, non  
illam Superstiosam Papistarum; sed nè crapula ructus & distento ven-

ire pigrescas. Et in Colloq: tituli de Sacramento Altaris. Quamvis jejunium nobis plus placet ad Reverentiam sumentis ; ne ebriosi Germani post crapulam sine omni reverentia accipiant : àt Paulus Corinthios fecisse deplorat. Et in Libro contra Regem Angliæ. Apud nos non peccat, qui modeste ederit & biberit ante Communionem. Sed apud Orthodoxos (nisi in Lethali infirmitate sumat quis non jejunus Eucharistiam per modum Viatici,) peccat. Nam Ecclesia id vetuit, quæ audienda est. Talisque fuit Ecclesiæ institutio atque consuetudo jam inde à temporibus Apostolorum: ut docent Patres: ex quibus S. Augustinus ait: Placuit Spiritui Sancto, ut in honorem tanti Sacramenti, prius in os Christiani Corpus Dominicum intret, quam ceteri cibi. Nam ideo per universum orbem mos iste servatur. Jam verò ut in eadem Epistola 118. ad Januarium idem S. Augustinus dicit: si quid tota per Orbem terrarum frequentat Ecclesia, hoc quin ita faciendum sit, disputare insolentissima insania est. Certè S. Chrysostomus grande scelus esse credidit, si Eucharistia non jejunis daretur: unde cum quidam calumniosè confixissent Chrysostomum non jejunis administrasse Eucharistiam, respondit Epistola 3. ad Cyriacum. Hoc si feci, expungatur nomen meum ex albo Episcoporum, & abiciat me etiam Christus à Regno suo.

Nonò. Resolvit, in quonam consistat Præparatio ad Sacram Eucharistiam vel Præparatio viæ Domini, resolvit inquam satis mirabiliter, dum ait in Postilla sua, Dominica quarta Adventus: Viam hanc paras non cum jejunas, oras, corpus proprium affligis aut aliis tuis operibus studes; id quod stulti Prædicatores, hoc tempore Adventus, soliti sunt docere: sed cum te penitissimè agnoveris, nempe inutilem esse peccatorem miserum; damnatum cum omnibus operibus tuis, & quidquid omnino poteris - etiamsi interim homo nihil, nisi vinum Creticum biberet & ingrederetur super rosas, neque verbò quidem oraret. Hoc capite & sequenti con-

Mirabile  
prescribit  
præpara-  
tionem ad  
sumen-  
dam Eu-  
charisti-  
am.

tentæ Resolutiones Lutheri, aded erroneè portentosæ & imperitæ sunt; ut non immeritò videatur Lutherus, antequam ad eas scribendas accesserit, aliquoties exhaustissè vinò Creticò, vel forti cerevisià Saxonicà, plenum immane illud (de quo scribitur in Colloq: Mensal: Tit: de Miscellaneis) Poculum, cujus medietatem, nè semel quidem, licèt non infimæ clasìs bibo, exhaustire poterat, Joannes Agricola Islebius.

## C A P U T X.

**A**Ssero decimo Lutheri Resolutiones etiam variorum aliorum casuum, præsertim de Matrimonio, sunt admirandè erroneæ.

**P**Robatur. Quis enim unquam à temporibus Apostolorum ex Orthodoxis Doctoribus resolvit sequentes casus, taliter ut Lutherus? nam.

*Resolvit  
Lutherus,  
Licitam  
esse Poly-  
gamiam  
simulta-  
neam.*

Primò. Resolvit ille: casu quo, Christianus aliquis vellet simul habere duas uxores non posse hoc ipsi vetari; esseque hoc ipsi liberum. In Explicatione enim capitis 16. Genes. Tomo 4. Jenen. German: Anno 1528. edito, scribit sic. *Prohibitum non est, ut vir non habeat plures uxores, quam unam.* Neque hodie hoc vetare possem. Et suprà. *Quia Abraham habuit duas uxores, & alii etiam sancti viri, longè plures.* Certum autem est, omnia illa externa opera, quæ in Veteri Testamento antiqui Patres gesserunt, libera esse debere; non interdicta. Hi textus non habentur in præfatis Explicationibus Libri Genesis impressis Anno 1555. & dicatis Principi Joanni Ernesto Duci Saxoniz, à Vito Theodoro discipulo Lutheri: Sed habentur in impressis Tomo quarto Jenensi. Anno 1528. Fortè puduit Theodorum talis Resolutionis Lutheri.

Philippo Landgravio Hassiæ Principi Luthetano, simul duas



*De Admirandè erroneis Casuum Resolut.* 111

duas uxores conceit ~~Eutheras~~,  
ob falsum quidem prætextum: ut patet ex Resolutione Lutheri, data Vitebergæ, die Mercurii post Festum Sancti Nicolai An: 1539. cui Resolutioni subscripserunt etiam Melanthon, Bucerus, Lenincus & alii: Quare præfatus Princeps, Anno 1540. vivâ adhuc Christiana Ducissâ Saxonix, primâ suâ legitimâ conjuge, contraxit matrimonium cum Margareta de Saal.

Secundò. Resolvit, quòd, casu quo, frater uxoratus moriatur sinè Liberis, non est prohibitum, ut frater superstes uxoratus actu, ducat uxorem Fratris sui defuncti, eo fine, ut fratri suo semen suscitet. Nec itèr prohibitum est juxta Lutherum, ut si quis uxoratus, filiam alicujus oppressit, ducat oppressam, & sic simul duas uxores habeat. Tomo enim primo Lat: Viteb: in Disputatione de Bigamia Episcoporum, in qua sunt propositiones 139. Propositio 65. & 66. est hæc. Nota sunt jura Mosæica de fratris defuncti uxore, & de filia corrupta, invito Patre, quæ cogunt plurimum esse uxorum virum. Quæ non magis sunt abrogata, quàm reliqua omnia, id est libera, nec prohibita nec præcepta.

Tertiò. Resolvit, si uxor, debitum non semper reddere vult, aliam uxorem accipiendam esse. Sic enim in Sermone de Matrimonio ait: Reperiuntur interdum adeò pertinaces uxores, quæ etiamsi decies in libidinem prolaberetur maritus, pro sua duritia non curarent. Hic opportunum est, ut Maritus dicat: si tu nolueris, alia volet; si domina nolit, adveniat ancilla: ita tamen ut antea iterum, ac tertiò uxorem admoneat maritus, & coram aliis etiam ejus duritiam detegat: ut publicè & ante conspectum Ecclesiæ duritia ejus & agnoscatur, & reprehendatur. Si tum tenuat: repudia eam, & in vicem Vasthi, Esther surroga Assveri Regis exemplo.

Quartò. Resolvit, in eodem Sermone de Matrimonio: si maritus sit impotens, etiam impotentiâ consequente matrimonio-

*Resolvit,  
si nolit u-  
xor, veni-  
at Ancilla.*

*Itèr per  
impoten-  
tiam con-*

*Sequentia  
vinculum  
Matrimo-  
nii.*

obscurari nollet; tunc (inquit Lutherus) Maritum debet compellare sic. Ecce mi Marite debitam mihi benevolentiam prestare non potes, neque & juvenile corpus decepisti: præterea in famæ & salutis meæ periculum me adduxisti; neque coram DEO inter nos Matrimonium est. Fave quæso, ut cum fratre tuo proximè tibi sanguine juncto, occultum matrimonium paciscar, sic ut tu nomen habeas, nè res tuæ in alienos heredes perveniant; Ac sine, ut sponte tu à me decipiare, quemadmodum & tu præter voluntatem meam, imposuisti mihi. Maritus debet annuere his postulatis, & uxori debitam benevolentiam, spemque sobolis, eo pacto reddere. Quòd si nolit, tunc uxor clandestinà fugà, saluti suæ consulat, & in aliam profecta terram, alii etiam nubat. Cur Luthere, coram Deo, matrimonium hoc nullum est, si impotentia consecuta est matrimonium? Utique etiam te ipso Judice in sermone de Matrimonio Tomo sexto Lat: Viteb: si alter conjugatorum morbò degravatus sit adeò, ut ejus ad rem nullus possit usus esse, matrimonium coram DEO verum est, nec sub periculo salutis æternæ potest sibi aliam matrimonii lege copulare.

*Impedi-  
mentum  
Criminis,  
Cognatio-  
nis, Ordi-  
nis, Dis-  
paritatis  
Cultûs,  
Voti Solen-  
nis Casti-  
tatis, sen-  
su Lutheri  
nugæ sūt.*

Quintò. Loco citato resolvit quòd non obstantibus legibus Ecclesiæ, Nullum crimen, aut flagitium, matrimonium impediat. Impedimentum, orrum ex cognatione Spirituali vel Legali, nugæ & sigmenta sunt, nè rerum quidem æstimanda. Impedimentum Ordinis merum est (inquit in Lib. de Captiv: Babyl:) hominum commentum. Ulterius resolvit in sermone de Matrimonio Lutherus; Ut cum Gentili, Judæo, Turca Hæretico, edere, bibere, in soporem me collocare, itinere accingi, mercari, loqui & agere possim: sic & cum iisdem Matrimonium contrahere possum nec stultarum Legum id veritatum, angere curâ. Docet itè nullam esse Personam, cum qua, ob consanguinitatem, Matrimonium non possit iniri; præter illas, quæ Levitici 18. cap. numerantur. Sextò.

Sextò. Ibidem Resolvit, si quis extra, vel intrà Coenobia, castitatem voverit, votum tuum nihil est, & cum DEO pugnat. Proinde rescindatur; Monasterium deferatur, & mox ad naturalem sociam, per Matrimonii Legem associatam, adjunctio fiat.

Septimò. Resolvit liberum esse Christiano Homini, Judaica Festa celebrare, & Sabbatum, locò Dominicæ vel unà cum Dominica celebrare: Itèm circumcidi. Ad suum enim Coapostatam Langum scripsit sic: *Mea sententia est, liberum esse Judicialia, sicut & caeremonialia Moyse servare, sicut & Philippus in suis locis sentit.*

Sed universaliter huic sensui, & superioribus Resolutionibus admirandè erroneis, præter alia, è diametro opponitur: Mos populi DEI, vel instituta Majorum, quæ pro Lege tenenda sunt; ut loquitur S. Augustinus Epist. 86. ad Casulanum. Itèm tam admirandè erroneæ Lutheri Doctrinæ in hoc præsertim tertio Tractatu expositæ, opponitur universa Ecclesia DEI vivi, columna & firmamentum Veritatis 1. Timoth. 3.

Porrò, hæc Ecclesia, non est alia, nisi Catholica Apostolica Romana, de qua S. Irenæus, Antiquissimus & Doctissimus Patrum, Episcopúsque Lugdunensis Lib. 3. adversus Hæreses cap. 3. scribit hæc. *Sed quoniam valde longum est in hoc tali Volumine, omnium Ecclesiarum enumerare Successiones, maxime & antiquissimæ, & omnibus cognitæ, à Gloriosissimis duobus Apostolis Petro & Paulo Romæ fundatæ & constitutæ Ecclesiæ, eam quam habet ab Apostolis traditionem & annuntiatam hominibus fidem, confundimus omnes eos, qui quoquomodo, vel per sui placentiam malam, vel vanam gloriam, vel per cecitatem, præterquam oportet, colligunt. Ad hanc enim Ecclesiam propter principale Principatum, necesse est, omnem convenire Ecclesiam, in qua semper ab iis, qui sunt antiquæ, conservata est ea, quæ est ab Apostolis, traditio. Hæc est Ecclesia illa (ut scribit S. Hieronymus adversus Ruffinum) quæ semper immaculata permansit & Domino providente, ac Beato Apostolo ferente opem, in futuro manebit. Est (ut scribit idem*

*Resolvit  
licitum  
esse, Judaica Festa  
celebrare  
& circumcidi.*

*Resolutione dicta  
convelluntur generaliter.*

*Quanam  
vera Christi Ecclesia?*



S. Doctor Epistola 57. ad Damasum Papam, ) *Domus illa, extra quam quicumque Agnum comederit, projanus est. Est illa Arca Noë, in qua, si quis non fuerit, regnante diluvio peribit. Hæc est, in qua (ut inquit, Epist: 162. Divus Augustinus, & Lib. 1. cap. 2. contra Epist: Parmeniani. Itèm in Psalmo contra Partem Donati) semper viguit Apostolicæ Cathedræ Principatus. Cui totus Orbis Christianus in transmarinis, & longè remotis Terris subiectus est. Hæc ipsa est Petra, quam non vincunt inferorum portæ. In Hac Ecclesia (ut idem Sanctissimus Doctor contra Epistolam Fundamenti Capite 4. dicit: ) Tenet nos Consensus Populorum atque Gentium; tenet Auctoritas, miraculis inchoata, Spe nutrita; Charitate aucta, Vetustate, (& tot Martyrum sanguine) fundata: Tenet ab ipsa Sede Petri Apostoli, cui pascendas Oves suas post resurrectionem Dominus comendavit, usque ad præsentem Episcopum (Clementem XI.) Successio Sacerdotum. Tenet ipsum Catholicæ Nomen, quod non sinè causa inter tam multas Hæreses; sic ista Ecclesia sola obtinuit, ut cùm omnes Hæretici, se Catholicos dici velint, quærenti tamen peregrino alicui, ubi ad Catholicam conveniatur? nullus Hæreticorum, vel Basilicam suam, vel domum, audeat ostendere.*

A qua Ecclesia Catholica aberrantes, utinam ad eam celeriter reducat Pastor ille bonus, qui Animam suam posuit pro Ovibus suis, Christus, qui est super omnia Deus Benedictus in secula. ad Rom. 9. v. 5. Amen.





# INDEX

## Rerum notabilium quæ in hoc libro continentur.

### A.



**ADMIRANDA** Lutheri mendacia à pag. 29. usque ad 34.  
Convicia à 34. ad 50. Superbia à 50. ad 54. Maledi-  
centia à 54. ad 58. admirandi ejusdem errores in  
doctrina à pag. 61. ad 98. erronea casuum resolutio-  
nes à pag. 105. ad 113.

**ANABAPTISTARUM** fanatica audacia 23.

**AUTHORITAS** Sanctorum Patrum defenditur pag. 41. Itèm  
librorum Sacre Scripturæ 48.

**AXIOMATA** epicurea in doctrina Lutheri 74. & seq.

### B.

**BAPTISMUS** in cerevisia vel lacte collatus juxta Lutherum est  
validus 105. juxta eundem iterari potest ibid. sinè eo salvari  
infantes, est doctrina Lutheri 106.

### C.

**CATHARINÆ** Borrhæ uxoris Lutheri obitus 53.



**CIRCUMCISIO** & festorum Judaicorum celebratio secundum Lutherum licita est Christiano 113.

**CONFESSIO** juxta Lutherum non requirit omnium peccatorum explicationem 107. Confessiones audire, consecrare & ordinare juxta eundem possunt etiam mulieres 79. 80. 107. & 108. imò consecrandi potestatem etiam demoni attribuit 80.

**CONTRADICTIONES** Lutheri de Communione 62. de Sacrificio Missæ 63. de Purgatorio 64. de Sacramentis in communi ibidem. & in particulari 65. de invocatione Sanctorum. 66.

**CONVICIA** Lutheri in D. Hieronymum 34. in S. Chrysostomum 36. in S. Basilium 37. in SS. Ambrosium, Augustinum, Gregorium Magnum & S. Dionysium 37. & 38. in Doctorem Anglicum & subtilem Scotum 38. in varios Sanctos ibid. in omnes Sanctos Patres generaliter 39. in Concilia generaliter 42. in Concilium Nicanum 43. in Ephesinum & Chalcedonense ibid. in Constanziense 44. in Lateranense ibid. in S. Moysen 45. in Librum Job 46. in Tobiam ibid. in Judith 47. in Paralipomena ibid. in Ecclesiasten ibid. in Machabeorum ibid. in Sacro-Sancta Evangelia ibid. in Epistolam D. Pauli ad Hebræos. 48. in Epistol. S. Jacobi ibid. in Apocalypsin ibid.

## D.

**DOCTRINA** Lutheri continent errores Aërianorum 94. Aëtianorum ibid. Pepusianorum ibid. Dmatistarum ibid. Manicheorum ibid. Joviniani 95. Simonis, Magi 96. 97. Et variorum aliorum veterum hæreticorum 97. est in multis sibi ipsi contraria 61. favet Arianis 70. Item Judæis & Mahometanis





*tanis 71. nec non & Eutychianis ibid. in confirmationem sue doctrinae Monialem duxit uxorem 99.*

## E.

*ECCLESIA Christi vera qua sit 113.*

*ERASMI de Luthero iudicium 4. de ejusdem Evangelio 6.*

*ERRORES Lutheri de Deo 68. de damnatione immeritorum 69. de odio Dei ibid. de accessu ad gratiam ibid. de dormitione animarum 72. de Sanctitate Dei Genitricis ibid. de justificatione per solam fidem 73. de Castitate 74. & seq. de Romano Pontifice 76. & 77. de Sacerdotio 78. & seq. de aliis fidei dogmatibus 81. & seq. de operibus Justorum 83. de libero arbitrio 84. de fide infantium 85. de Transubstantiatione 86. de observantia praeceptorum 87. de S. Hieronymo 88.*

*ERRONEÆ casuum resolutiones de Baptismo 105. de infantibus sine Baptismo mortuis 106. de Judæo baptizato 107. de Confessione ibid. de Eucharistia confectio, tractatione & sumptione 108. de preparatione ad eam sumendam 109. de Matrimonio ejusque impedimentis 110. 111. & 112. de circumcisione & festorum Judaicorum celebratione 113.*

*EUCCHARISTIAM juxta Lutherum conficere potest Laicus, mulier imò etiam dæmon 108. potest manibus Laicis sumi ibid. Itèma non jejunis & bene valentibus ibid.*

## F.

*FRUCTUS doctrinae Lutheri 15.*

## H.

*HÆRESIS mater Superbiae 50.*



**HÆRESIARCHARUM** proprietas maledicentia 54.

**HUS** fuit falsus Prophetæ 9. non fuit Sanctus, nec Christi Martyr 9. & 10.

**HYMNUS** Ambrosianus non continet vaticinium de Luthero 13. & seq.

## I.

**IMPOTENTIA** consequens juxta Lutherum annullat Matrimonium 111. & 112.

**IMPEDIMENTA** Criminis, Cognationis, Ordinis, disparitatis cultus, Voti solemnitis Castitatis Luthero nugæ sunt 112.


**INFANTES** sine Baptismo salvari docet Lutherus 106.

**JUDICIUM** præclarum Orbis Orthodoxi de S. Hieronymo 34. Erasmi de Luthero 4. de ejusdem Evangelio 6. Lutheri de Hussi & Hussitis 11. 12. de Melancthone 40. Novatorum de Sanctis Patribus ibid.

## L.

**LUTHERUS** falsificator Scripturæ Sacræ 2. & 3. insigne illius an fuerit cygnus 4. in quo conveniat cum cygno 5. 6. & 7. quæ ejusdem morientis vox 8. non prodest Luthero prophetia Hussi, si quæ datur 9. falsa Lutheri prædictiones 19. & seq. Seipsum in Sanctorum & Prophetarum numerum reponit 22. Lutheri crassa mendacia 29. & seq. gravia convicia in D. Hieronymum 34. cur ei placuerit Jovinianus, displicuerit S. Hieronymus 35. & 36. quanta fuerit Lutheri dementia 45. Superbia ejusdem factis & scriptis exhibita 50. & seq. contemnitur à sua sectæ Primatibus & familiaribus 53. etiam à Carolstadio & Carolstadianis ibid. maledicentia Lutheri in summos Pontifices,

*Domus Prosepe Cuius est  
ad Barberum*



*tifices, Imperatorem & Principes Christianos &c. à pag. 50. ad 54. à quo spiritu profecta 59. & 60. - Errores Lutheri à pag. 68. ad 88. Erronea ejusdem Propositiones Theologicae 91. & seq. Erronea casuum resolutiones à pag. 105. ad 113. Lutherus fuit plurimum seditiosus 89. Placuit Turcarum Imperatori 90. in Confirmationem suae doctrinae Monialem duxit in uxorem 99. Lutheri miracula 100. & 103.*

## M.

*MALEDICENTIA Lutheri adversus Romanos Pontifices 56. Episcopos ibid. Caesarem & Principes Christianos 57. Canonistas & Juristas 57. & 58. à quo Spiritu sit profecta 59. & 60.*  
*MENDACIA crassa Lutheri de Papa 29. de Decretis Pontificum, Conciliorum & Patrum 30. de Catholicis ibid. de Theologia 31. de D. Thoma & Thomistis ibid. de S. Hieronymo 32. de Religiosis 33. de scriptis Sanctorum Patrum ibid. de Ecclesiasticis ibidem.*  
*MIRACULUM propriè quid sit 24. & 25. non est miraculum, quòd Luthero multi adhaerint 26. ostenditur id ex mediis quibus Sectatores suos attraxit ibid. Item ex eo quòd multi ab eo recesserint 27. & 28. qualia miracula Lutherus patravit 100. & 103.*

## P.

*PAPAM esse Vicarium Christi agnovit Lutherus 13. & 14. Leo X. ab eodem laudatus 55.*  
*POENA antiquitus constituta in raptos Monialium 101.*  
*POLYGAMIAM esse licitam docuit Lutherus 110.*  
*PRÆDICANS Novator miraculum attentans ex vivo mortuum efficit. 104.*

PRÆ-



*PRÆPARATIO mirabilis pro sumenda Eucharistia à Lutherò præscripta. 109.*

*PROPHETIA Hußi, quæ de Lutherò circumfertur, est fictitia 1. non est ratio talem Prophetiam, si quæ exstaret, Lutherò potiùs, quàm Calvinò aut alteri cuiquam ejusdem farinae attribuendæ 3. & 4. Idem sentiendam de Prophetia cujusdam Hiltemii 4. Vera de Lutherò Prophetiæ ex Psalmis 16. ex S. Paulo ibid. ex Apocalypsi 17. & 18. Ex vita B. Hildegardis 18. & 19. Prophetiæ varia Novatorum 22. & 23.*

*PROPOSITIONES variæ Lutheri erroneæ 91. & seq.*

*S.*

*SUPERBIA Mater hæresis 50. intollerabilis in Lutherò ibid. & seq.*

*V.*

*VICLEFFI propositiones impiæ 10. & 11.*

*VOTUM continentia violans incurrit damnationem teste S. Paulo 101. quod etiam docent Sancti Patres 101. & 102.*

*A. M. D. G.*



## ERRATA SIC

### Corrige.

Pag.	lin.	à fine pro thes:	lege:	thesi.
8.	3.	à fine Asfero, -		Asfero.
11.	2.	à fine Bohemiæ, -		Bohemicæ.
14.	4.	à fine indictionibus, -		in dictionibus.
23.	3.	à fine obsidentis,		obsidentis.
32.	10.	Linguis, -		Linguis.
37.	13.	impelerit, -		impulerit.
45.	8.	exscindendæ, -		exscindendæ,
-	-	abolendæ, -		atque abolendæ.
46.	13.	infide, -		in fide.
52.	3.	ità repurgatam,		ità repurgatam,
	-	illustratam. -		ità illustratam.
53.	10.	pest mortem, -		post mortem,
66.	3.	à fine scri itur, -		scribitur.
67.	13.	ut accederem, -		ut non accederem.
70.	6.	à fine se-i -		se -
ibid.	5.	à fine Fili, -		Filii.
71.	4.	armenia -		Armenia.
72.	12.	Psychopannichia, -		psychopannychia.
75.	3.	juxta,		justa.
77.	18.	affintate, -		affinitate.
82.	13.	à fine verus, -		veros.


Pag. 84. fin. 6.

87. 14. à fine  
 91. 3.  
 94. 11.  
 99. 14.  
 101. 17.  
 107. 2.  
 114. 10. à fine  
 eâdem lineâ  
 ibid. 2. à fine

*pro* conuquinatum, lege, : coinquinatum.  
 eos idololatrias, - eos esse idololatrias.  
 & suprà, - ut suprà.  
 apellârunt, - appellârunt.  
 consumaverit, - consummaverit.  
 irratam, - irritam.  
 sib. - lib.  
 comendavit, - commendavit.  
 Clementem XII. Clementem XI.  
 Ovibas, - Ovibus.











Biblioteka Jagiellońska







sidr0006249



Biblioteka Jagiellońska